

.. Rigveda Mandala 9 ..

॥ ऋग्वेदः मण्डलं ९ ॥

स्वादिष्टया॒ मदिष्टया॒ पवस्व॑ सोम॒ धारया॑ ।  
इन्द्रा॒य पात॑वे सुतः ॥ ९.००१.०१  
र॒क्षोहा॑ वि॒श्वच॑र्षणि॒रभि॑ योनि॒मयो॑हतम् ।  
दृ॒णा स॒धस्थ॑मासदत् ॥ ९.००१.०२  
व॒रिवो॑धात॒मो भव॑ मंहि॒ष्ठो वृ॒त्रह॑न्त॒मः ।  
पर्षि॑ राधो॒ मघो॑नाम् ॥ ९.००१.०३  
अ॒भ्यर्ष॑ म॒हाना॑ दे॒वाना॑ वी॒तिम॑न्ध॒सा ।  
अ॒भि वाज॑मु॒त श्रवः॑ ॥ ९.००१.०४  
त्वाम॑च्छा॒ चराम॑सि तदिद॒र्था दि॒वेदि॑वे ।  
इन्द्रो॒ त्वे न॑ आ॒शसः॑ ॥ ९.००१.०५  
पुना॑ति॒ ते परि॑स्रु॒तं सोमं॑ सूर्य॒स्य दु॑हि॒ता ।  
वा॒रेण॑ श॒श्वता॑ तना॒ ॥ ९.००१.०६  
तमी॑म॒ण्वीः सम॑र्य आ गृ॒भ्णन्ति॑ योष॒णो द॑श ।  
स्वसा॑रः पा॒र्ये दि॒वि ॥ ९.००१.०७  
तमी॑ हि॒न्वन्त्य॑गु॒वो ध॑म॒न्ति बा॑कुरं दृ॒तिम् ।  
त्रि॒धातु॑ वा॒रणं॑ मधु॒ ॥ ९.००१.०८  
अ॒भीम॑म॒घ्न्या उ॒त श्री॑णन्ति॒ धेन॑वः शिशु॒म् ।  
सोम॑मिन्द्रा॒य पात॑वे ॥ ९.००१.०९  
अ॒स्येदि॑न्द्रो॒ मदे॑ष्वा वि॒श्वो वृ॒त्राणि॑ जिघ्नते ।  
शूरो॑ म॒घा च॑ मंहते ॥ ९.००१.१०

पव॑स्व दे॒ववी॑रति॒ पवि॑त्रं सोम॒ रंह्या॑ ।  
इन्द्रा॑मिन्द्रो वृषा वि॒श ॥ ९.००२.०१  
आ व॑च्यस्व॒ महि॑ प्सरो वृषे॒न्दो द्यु॑म॒नव॑त्तमः ।  
आ योनि॑ धर्ण॒सिः स॑दः ॥ ९.००२.०२  
अधु॑क्षत प्रि॒यं मधु॑ धारा॒ सुत॑स्य॒ वेध॑सः ।  
अ॒पो व॑सिष्ट सु॒क्रतुः॑ ॥ ९.००२.०३  
म॒हान्त॑ त्वा म॒हीर॑न्वापो॒ अर्ष॑न्ति॒ सिन्ध॑वः ।  
यद्गो॑भिर्वासि॒यिष्य॑से ॥ ९.००२.०४  
स॒मुद्रो॑ अ॒प्सु मा॑मृजे विष्ट॒म्भो ध॑रु॒णो दि॒वः ।  
सोमः॑ प॒वित्रे॑ अ॒स्मयुः॑ ॥ ९.००२.०५

अचिक्रददृषा हरिर्महान्मित्रो न दर्शतः ।  
 सं सूर्येण रोचते ॥ ९.००२.०६  
 गिरस्त इन्द्र ओजसा मर्मज्यन्ते अपस्युवः ।  
 याभिर्मदाय शुम्भसे ॥ ९.००२.०७  
 तं त्वा मदाय घृष्वय उ लोककृत्नुमीमहे ।  
 तव प्रशस्तयो महीः ॥ ९.००२.०८  
 अस्मभ्यमिन्द्रविन्द्रयुर्मध्वः पवस्व धारया ।  
 पर्जन्यो वृष्टिमाँ इव ॥ ९.००२.०९  
 गोषा इन्द्रो नृषा अस्यश्चसा वाजसा उत ।  
 आत्मा यज्ञस्य पूर्व्यः ॥ ९.००२.१०

एष देवो अमर्त्यः पर्णवीरिव दीयति ।  
 अभि द्रोणान्यासदम् ॥ ९.००३.०१  
 एष देवो विपा कृतोऽति ह्वरांसि धावति ।  
 पवमानो अदाभ्यः ॥ ९.००३.०२  
 एष देवो विपन्युभिः पवमान ऋतायुभिः ।  
 हरिर्वाजाय मृज्यते ॥ ९.००३.०३  
 एष विश्वानि वार्या शूरो यन्निव सत्त्वभिः ।  
 पवमानः सिषासति ॥ ९.००३.०४  
 एष देवो रथर्यति पवमानो दशस्यति ।  
 आविष्कृणोति वग्वनुम् ॥ ९.००३.०५  
 एष विप्रैरभिष्टुतोऽपो देवो वि गाहते ।  
 दधद्रत्नानि दाशुषे ॥ ९.००३.०६  
 एष दिवं वि धावति तिरो रजांसि धारया ।  
 पवमानः कनिक्रदत् ॥ ९.००३.०७  
 एष दिवं व्यासरत्तिरो रजांस्यस्पृतः ।  
 पवमानः स्वध्वरः ॥ ९.००३.०८  
 एष प्रत्नेन जन्मना देवो देवेभ्यः सुतः ।  
 हरिः पवित्रे अर्षति ॥ ९.००३.०९  
 एष उ स्य पुरुव्रतो जज्ञानो जनयन्निषः ।  
 धारया पवते सुतः ॥ ९.००३.१०

सना च सोम जेषि च पवमान महि श्रवः ।  
 अथा नो वस्यसस्कृधि ॥ ९.००४.०१  
 सना ज्योतिः सना स्वर्विश्वा च सोम सौभगा ।  
 अथा नो वस्यसस्कृधि ॥ ९.००४.०२

सना दक्षमुत क्रतुमप सोम मृधो जहि ।  
अथा नो वस्यसस्कृधि ॥ ९.००४.०३  
पवीतारः पुनीतन सोममिन्द्राय पातवे ।  
अथा नो वस्यसस्कृधि ॥ ९.००४.०४  
त्वं सूर्ये न आ भज तव क्रत्वा तवोतिभिः ।  
अथा नो वस्यसस्कृधि ॥ ९.००४.०५  
तव क्रत्वा तवोतिभिर्ज्योक्पश्येम सूर्यम् ।  
अथा नो वस्यसस्कृधि ॥ ९.००४.०६  
अभ्यर्ष स्वायुध सोम द्विर्हसं रयिम् ।  
अथा नो वस्यसस्कृधि ॥ ९.००४.०७  
अभ्यर्षानपच्युतो रयिं समत्सु सासहिः ।  
अथा नो वस्यसस्कृधि ॥ ९.००४.०८  
त्वां यज्ञैरवीवृधन्पवमान विधर्मणि ।  
अथा नो वस्यसस्कृधि ॥ ९.००४.०९  
रयिं नश्चित्रमश्विनमिन्दो विश्वायुमा भर ।  
अथा नो वस्यसस्कृधि ॥ ९.००४.१०

समिद्धो विश्वतस्पतिः पवमानो वि राजति ।  
प्रीणन्वृषा कनिक्रदत् ॥ ९.००५.०१  
तनूनपात्पवमानः शृङ्गे शिशानो अर्षति ।  
अन्तरिक्षेण रारजत् ॥ ९.००५.०२  
इळैन्यः पवमानो रयिर्वि राजति द्युमान् ।  
मधोर्धाराभिरोजसा ॥ ९.००५.०३  
बर्हिः प्राचीनमोजसा पवमानः स्तृणन्हरिः ।  
देवेषु देव ईयते ॥ ९.००५.०४  
उदातैर्जिहते बृहद्द्वारो देवीर्हिर्णययीः ।  
पवमानेन सुष्टुताः ॥ ९.००५.०५  
सुशिल्पे बृहती मही पवमानो वृषण्यति ।  
नक्तोषासा न दर्शति ॥ ९.००५.०६  
उभा देवा नृचक्षसा होतारा दैव्या हुवे ।  
पवमान इन्द्रो वृषा ॥ ९.००५.०७  
भारती पवमानस्य सरस्वतीळा मही ।  
इमं नो यज्ञमा गमन्तिस्त्रो देवीः सुपेशसः ॥ ९.००५.०८  
त्वष्टारमग्रजां गोपां पुरोयावानमा हुवे ।  
इन्द्रुरिन्द्रो वृषा हरिः पवमानः प्रजापतिः ॥ ९.००५.०९  
वनस्पतिं पवमान मध्वा समङ्घ्रि धारया ।

सहस्रवल्शं हरितं भ्राजमानं हिरण्ययम् ॥ ९.००५.१०  
विश्वे देवाः स्वाहाकृतिं पवमानस्या गत ।  
वायुर्बृहस्पतिः सूर्योऽग्निरिन्द्रः सजोषसः ॥ ९.००५.११

मन्द्रया सोम धारया वृषा पवस्व देव्युः ।  
अव्यो वारेष्वस्म्युः ॥ ९.००६.०१  
अभि त्यं मद्यं मदमिन्द्रविन्द्र इति क्षर ।  
अभि वाजिनो अर्वतः ॥ ९.००६.०२  
अभि त्यं पूर्व्यं मदं सुवानो अर्ष पवित्र आ ।  
अभि वाजमुत श्रवः ॥ ९.००६.०३  
अनु द्रप्सास इन्द्रव आपो न प्रवतासरन् ।  
पुनाना इन्द्रमाशत ॥ ९.००६.०४  
यमत्यमिव वाजिनं मृजन्ति योषणो दश ।  
वने क्रीळन्तमत्यविम् ॥ ९.००६.०५  
तं गोभिर्वृषणं रसं मदाय देववीतये ।  
सुतं भराय सं सृज ॥ ९.००६.०६  
देवो देवाय धारयेन्द्राय पवते सुतः ।  
पयो यदस्य पीपयत् ॥ ९.००६.०७  
आत्मा यज्ञस्य रंह्या सुष्वाणः पवते सुतः ।  
प्रत्नं नि पाति काव्यम् ॥ ९.००६.०८  
एवा पुनान इन्द्रयुर्मदं मदिष्ठ वीतये ।  
गुहा चिदधिषे गिरः ॥ ९.००६.०९

असृग्रमिन्द्रवः पथा धर्मन्तस्य सुश्रियः ।  
विदाना अस्य योजनम् ॥ ९.००७.०१  
प्र धारा मध्वो अग्रियो महीरपो वि गाहते ।  
हविर्हविष्णु वन्द्यः ॥ ९.००७.०२  
प्र युजो वाचो अग्रियो वृषाव चक्रदद्वने ।  
सन्नाभि सत्यो अध्वरः ॥ ९.००७.०३  
परि यत्काव्या कविर्नुम्णा वसानो अर्षति ।  
स्वर्वाजी सिषासति ॥ ९.००७.०४  
पवमानो अभि स्पृधो विशो राजेव सीदति ।  
यदीमृण्वन्ति वेधसः ॥ ९.००७.०५  
अव्यो वारे परि प्रियो हरिर्वनेषु सीदति ।  
रेभो वनुष्यते मती ॥ ९.००७.०६  
स वायुमिन्द्रमश्विना साकं मदेन गच्छति ।

रणा यो अस्य धर्मभिः ॥ १.००७.०७  
 आ मित्रावरुणा भगं मध्वः पवन्त ऊर्मयः ।  
 विदाना अस्य शक्मभिः ॥ १.००७.०८  
 अस्मभ्यं रोदसी रयिं मध्वो वाजस्य सातये ।  
 श्रवो वसूनि सं जितम् ॥ १.००७.०९

एते सोमा अभि प्रियमिन्द्रस्य काममक्षरन् ।  
 वर्धन्तो अस्य वीर्यम् ॥ १.००८.०१  
 पुनानासश्चमुषदो गच्छन्तो वायुमश्विना ।  
 ते नो धान्तु सुवीर्यम् ॥ १.००८.०२  
 इन्द्रस्य सोम राधसे पुनानो हार्दि चोदय ।  
 ऋतस्य योनिमासदम् ॥ १.००८.०३  
 मृजन्ति त्वा दश क्षिपो हिन्वन्ति सप्त धीतयः ।  
 अनु विप्रा अमादिषुः ॥ १.००८.०४  
 देवेभ्यस्त्वा मदाय कं सृजानमति मेष्यः ।  
 सं गोभिर्वासयामसि ॥ १.००८.०५  
 पुनानः कलशेष्वा वस्त्राण्यरुषो हरिः ।  
 परि गव्यान्व्यव्यत ॥ १.००८.०६  
 मघोन आ पवस्व नो जहि विश्वा अप द्विषः ।  
 इन्दो सखायमा विश ॥ १.००८.०७  
 वृष्टिं दिवः परि स्रव दुम्नं पृथिव्या अधि ।  
 सहो नः सोम पृत्सु धाः ॥ १.००८.०८  
 नृचक्षसं त्वा वयमिन्द्रपीतं स्वर्विदम् ।  
 भक्षीमहि प्रजामिषम् ॥ १.००८.०९

परि प्रिया दिवः कविर्वयांसि नप्त्योर्हितः ।  
 सुवानो याति कविक्रतुः ॥ १.००९.०१  
 प्रप्र क्षयाय पन्यसे जनाय जुष्टो अद्भुहे ।  
 वीत्यर्षं चनिष्ठया ॥ १.००९.०२  
 स सुनुर्मातरा शुचिर्जातो जाते अरोचयत् ।  
 महान्मही ऋतावृधा ॥ १.००९.०३  
 स सप्त धीतिभिर्हितो नद्यो अजिन्वद्भुहः ।  
 या एकमक्षि वावृधुः ॥ १.००९.०४  
 ता अभि सन्तमस्तृतं महे युवानमा दधुः ।  
 इन्दुमिन्द्र तव व्रते ॥ १.००९.०५  
 अभि वह्निरमर्त्यः सप्त पश्यति वावहिः ।

क्रिविर्देवीरतर्पयत् ॥ ९.००९.०६  
 अवा कल्पेषु नः पुमस्तमांसि सोम योध्या ।  
 तानि पुनान जङ्घनः ॥ ९.००९.०७  
 नू नव्यसे नवीयसे सूक्ताय साधया पथः ।  
 प्रत्नवद्रोचया रुचः ॥ ९.००९.०८  
 पर्वमान महि श्रवो गामश्वं रासि वीरवत् ।  
 सना मेधां सना स्वः ॥ ९.००९.०९

प्र स्वानासो रथा इवार्वन्तो न श्रवस्यवः ।  
 सोमासो राये अक्रमुः ॥ ९.०१०.०१  
 हिन्वानासो रथा इव दधन्विरे गर्भस्त्योः ।  
 भरासः कारिणामिव ॥ ९.०१०.०२  
 राजानो न प्रशस्तिभिः सोमासो गोभिरञ्जते ।  
 यज्ञो न सप्त धातृभिः ॥ ९.०१०.०३  
 परि सुवानास इन्दवो मदाय बर्हणा गिरा ।  
 सुता अर्षन्ति धारया ॥ ९.०१०.०४  
 आपानासो विवस्वतो जनन्त उषसो भगम् ।  
 सूर अण्वं वि तन्वते ॥ ९.०१०.०५  
 अप द्वारा मतीनां प्रत्ना ऋण्वन्ति कारवः ।  
 वृष्णो हरस आयवः ॥ ९.०१०.०६  
 समीचीनास आसते होतारः सप्तजामयः ।  
 पदमेकस्य पिप्रतः ॥ ९.०१०.०७  
 नाभा नाभिं न आ ददे चक्षुश्चित्सूर्ये सचा ।  
 क्वेरपत्यमा दुहे ॥ ९.०१०.०८  
 अभि प्रिया दिवस्पदमध्वर्युभिर्गुहा हितम् ।  
 सूरः पश्यति चक्षसा ॥ ९.०१०.०९

उपास्मै गायता नरः पर्वमानायेन्दवे ।  
 अभि देवाँ इयक्षते ॥ ९.०११.०१  
 अभि ते मधुना पयोऽथर्वाणो अशिश्त्रयुः ।  
 देवं देवाय देवयु ॥ ९.०११.०२  
 स नः पवस्व शं गवे शं जनाय शमर्वते ।  
 शं राजन्नोषधीभ्यः ॥ ९.०११.०३  
 बभ्रवे नु स्वतवसेऽस्त्राय दिविस्पृशे ।  
 सोमाय गाथमर्चत ॥ ९.०११.०४  
 हस्तच्युतेभिरद्विभिः सुतं सोमं पुनीतन ।

मधावा धावता मधु ॥ ९.०११.०५  
नमसेदुप सीदत दध्नेदभि श्रीणीतन ।  
इन्दुमिन्द्रे दधातन ॥ ९.०११.०६  
अमित्रहा विचर्षणिः पवस्व सोम शं गवे ।  
देवेभ्यो अनुकामकृत् ॥ ९.०११.०७  
इन्द्राय सोम पातवे मदाय परि षिच्यसे ।  
मनश्चिन्मनसस्पतिः ॥ ९.०११.०८  
पवमान सुवीर्यं रयिं सोम रिरिहि नः ।  
इन्दविन्द्रेण नो युजा ॥ ९.०११.०९

सोमा असृग्रमिन्दवः सुता ऋतस्य सादने ।  
इन्द्राय मधुमत्तमाः ॥ ९.०१२.०१  
अभि विप्रा अनूषत गावो वत्सं न मातरः ।  
इन्द्रं सोमस्य पीतये ॥ ९.०१२.०२  
मदच्युत्क्षेति सादने सिन्धोस्मा विपश्चित् ।  
सोमो गौरी अधि श्रितः ॥ ९.०१२.०३  
दिवो नाभा विचक्षणोऽव्यो वारे महीयते ।  
सोमो यः सुक्रतुः कविः ॥ ९.०१२.०४  
यः सोमः कलशेष्वा अन्तः पवित्र आहितः ।  
तमिन्दुः परि षस्वजे ॥ ९.०१२.०५  
प्र वाचमिन्दुरिष्यति समुद्रस्याधि विष्टपि ।  
जिन्वन्कोशं मधुश्चुतम् ॥ ९.०१२.०६  
नित्यस्तोत्रो वनस्पतिर्धिनामन्तः सबर्दुघः ।  
हिन्वानो मानुषा युगा ॥ ९.०१२.०७  
अभि प्रिया दिवस्पदा सोमो हिन्वानो अर्षति ।  
विप्रस्य धारया कविः ॥ ९.०१२.०८  
आ पवमान धारय रयिं सहस्रवर्चसम् ।  
अस्मे इन्दो स्वाभुवम् ॥ ९.०१२.०९

सोमः पुनानो अर्षति सहस्रधारो अत्यविः ।  
वायोरिन्द्रस्य निष्कृतम् ॥ ९.०१३.०१  
पवमानमवस्यवो विप्रमभि प्र गायत ।  
सुष्वाणं देववीतये ॥ ९.०१३.०२  
पवन्ते वाजसातये सोमाः सहस्रपाजसः ।  
गृणाना देववीतये ॥ ९.०१३.०३  
उत नो वाजसातये पवस्व बृहतीरिषः ।

दुमदिन्दो सुवीर्यम् ॥ ९.०१३.०४  
 ते नः सहस्रिणं रयिं पवन्तामा सुवीर्यम् ।  
 सुवाना देवास इन्दवः ॥ ९.०१३.०५  
 अत्या हियाना न हेतृभिरसृग्रं वाजसातये ।  
 वि वारमव्यमाशवः ॥ ९.०१३.०६  
 वाश्रा अर्षन्तीन्दवोऽभि वत्सं न धेनवः ।  
 दधन्विरे गर्भस्त्योः ॥ ९.०१३.०७  
 जुष्ट इन्द्राय मत्सरः पवमान कनिक्रदत् ।  
 विश्वा अप द्विषो जहि ॥ ९.०१३.०८  
 अपघ्नन्तो अराव्याः पवमानाः स्वर्दृशः ।  
 योनावृतस्य सीदत ॥ ९.०१३.०९

परि प्रासिष्यदत्कविः सिन्धोर्स्मावधि श्रितः ।  
 कारं बिभ्रत्पुरुस्पृहम् ॥ ९.०१४.०१  
 गिरा यदी सबन्धवः पञ्च व्राता अपस्यवः ।  
 परिष्कृण्वन्ति धर्णसिम् ॥ ९.०१४.०२  
 आदस्य शुष्मिणो रसे विश्वे देवा अमत्सत ।  
 यदी गोभिर्वसायते ॥ ९.०१४.०३  
 निरिणानो वि धावति जहृच्छर्याणि तान्वा ।  
 अत्रा सं जिघ्नते युजा ॥ ९.०१४.०४  
 नप्तीभिर्यो विवस्वतः शुभ्रो न मामृजे युवा ।  
 गाः कृण्वानो न निर्णिजम् ॥ ९.०१४.०५  
 अति श्रिती तिरश्चता गव्या जिगात्यण्व्या ।  
 वनुमियति यं विदे ॥ ९.०१४.०६  
 अभि क्षिपः समगमत मर्जयन्तीरिषस्पतिम् ।  
 पृष्ठा गृभ्णत वाजिनः ॥ ९.०१४.०७  
 परि दिव्यानि मर्मृशद्विश्वा नि सोम पार्थिवा ।  
 वसूनि याह्यस्मयुः ॥ ९.०१४.०८

एष धिया यात्यण्व्या शूरो रथेभिराशुभिः ।  
 गच्छन्निन्द्रस्य निष्कृतम् ॥ ९.०१५.०१  
 एष पुरु धियायते बृहते देवतातये ।  
 यत्रामृतास आसते ॥ ९.०१५.०२  
 एष हितो वि नीयतेऽन्तः शुभ्रावता पथा ।  
 यदी तुञ्जन्ति भूर्णयः ॥ ९.०१५.०३  
 एष शृङ्गाणि दोधुवच्छशीति यूथ्योऽवृषा ।



नृम्णा दधान ओजसा ॥ १.०१५.०४  
 एष रुक्मिभिरीयते वाजी शुभ्रेभिरशुभिः ।  
 पतिः सिन्धूनां भवन् ॥ १.०१५.०५  
 एष वसूनि पिबन्ना परुषा ययिवाँ अति ।  
 अव शादेषु गच्छति ॥ १.०१५.०६  
 एतं मृजन्ति मर्ज्यमुप द्रोणेष्वायवः ।  
 प्रचक्राणं महीरिषः ॥ १.०१५.०७  
 एतमु त्यं दश क्षिपो मृजन्ति सप्त धीतयः ।  
 स्वायुधं मदिन्तमम् ॥ १.०१५.०८

प्र ते सोतार ओण्यो रसं मदाय घृष्वये ।  
 सर्गो न तक्त्येतशः ॥ १.०१६.०१  
 क्रत्वा दक्षस्य रथ्यमपो वसानमन्धसा ।  
 गोषामण्वेषु सञ्चिम ॥ १.०१६.०२  
 अनप्तमप्सु दुष्टरं सोमं पवित्र आ सृज ।  
 पुनीहीन्द्राय पातवे ॥ १.०१६.०३  
 प्र पुनानस्य चेतसा सोमः पवित्रे अर्षति ।  
 क्रत्वा सधस्थमासदत् ॥ १.०१६.०४  
 प्र त्वा नमोभिरिन्दव इन्द्र सोमा असृक्षत ।  
 महे भराय कारिणः ॥ १.०१६.०५  
 पुनानो रूपे अव्यये विश्वा अर्षन्नभि श्रियः ।  
 शूरो न गोषु तिष्ठति ॥ १.०१६.०६  
 दिवो न सानु पिप्युषी धारा सुतस्य वेधसः ।  
 वृथा पवित्रे अर्षति ॥ १.०१६.०७  
 त्वं सोम विपश्चितं तना पुनान आयुषु ।  
 अव्यो वारं वि धावसि ॥ १.०१६.०८

प्र निम्नेनेव सिन्धवो घ्नन्तो वृत्राणि भूर्णयः ।  
 सोमा असृग्रमाशवः ॥ १.०१७.०१  
 अभि सुवानास इन्द्रवो वृष्टयः पृथिवीमिव ।  
 इन्द्रं सोमासो अक्षरन् ॥ १.०१७.०२  
 अत्यूर्मिर्मत्सरो मदः सोमः पवित्रे अर्षति ।  
 विघ्नन्नक्षांसि देवयुः ॥ १.०१७.०३  
 आ कलशेषु धावति पवित्रे परि षिच्यते ।  
 उक्थैर्यज्ञेषु वर्धते ॥ १.०१७.०४  
 अति त्री सोम रोचना रोहन्न भ्राजसे दिवम् ।

इष्णन्सूर्यं न चोदयः ॥ ९.०१७.०५  
 अभि विप्रां अनूषत मूर्धन्यज्ञस्य कारवः ।  
 दधानाञ्चक्षसि प्रियम् ॥ ९.०१७.०६  
 तमु त्वा वाजिनं नरो धीभिर्विप्रां अवस्यवः ।  
 मृजन्ति देवतातये ॥ ९.०१७.०७  
 मधोर्धारामनु क्षर तीव्रः सधस्थमासदः ।  
 चारुर्ऋताय पीतये ॥ ९.०१७.०८

परि सुवानो गिरिष्ठाः पवित्रे सोमो अक्षाः ।  
 मदेषु सर्वधा असि ॥ ९.०१८.०१  
 त्वं विप्रस्त्वं कविर्मधु प्र जातमन्धसः ।  
 मदेषु सर्वधा असि ॥ ९.०१८.०२  
 तव विश्वे सजोषसो देवासः पीतिमाशत ।  
 मदेषु सर्वधा असि ॥ ९.०१८.०३  
 आ यो विश्वानि वार्या वसूनि हस्तयोर्दधे ।  
 मदेषु सर्वधा असि ॥ ९.०१८.०४  
 य इमे रोदसी मही सं मातरेव दोहते ।  
 मदेषु सर्वधा असि ॥ ९.०१८.०५  
 परि यो रोदसी उभे सद्यो वाजेभिरर्षति ।  
 मदेषु सर्वधा असि ॥ ९.०१८.०६  
 स शुष्मी कलशेष्वा पुनानो अचिक्रदत् ।  
 मदेषु सर्वधा असि ॥ ९.०१८.०७

यत्सोमं चित्रमुक्थ्यं दिव्यं पार्थिवं वसु ।  
 तन्नः पुनान आ भर ॥ ९.०१९.०१  
 युवं हि स्थः स्वर्पती इन्द्रश्च सोम गोपती ।  
 ईशाना पिप्यत धियः ॥ ९.०१९.०२  
 वृषा पुनान आयुषु स्तनयन्नधि बर्हिषि ।  
 हरिः सन्योनिमासदत् ॥ ९.०१९.०३  
 अवावशन्त धीतयो वृषभस्याधि रेतसि ।  
 सूनोर्वत्सस्य मातरः ॥ ९.०१९.०४  
 कुविद्वृषण्यन्तीभ्यः पुनानो गर्भमादधत् ।  
 याः शुक्रं दुहते पर्यः ॥ ९.०१९.०५  
 उप शिक्षापतस्थुषो भियसमा धेहि शत्रुषु ।  
 पवमान विदा रयिम् ॥ ९.०१९.०६  
 नि शत्रोः सोम वृष्यं नि शुष्मं नि वयस्तिर ।

दूरे वा सतो अन्ति वा ॥ १.०१९.०७

प्र कविर्देवीतयेऽव्यो वारेभिरर्षति ।  
साह्वान्विश्वा अभि स्पृधः ॥ १.०२०.०१  
स हि ष्मा जरितृभ्य आ वाजं गोमन्तमिन्वति ।  
पर्वमानः सहस्रिणम् ॥ १.०२०.०२  
परि विश्वानि चेतसा मृशसे पवसे मती ।  
स नः सोम श्रवो विदः ॥ १.०२०.०३  
अभ्यर्ष बृहद्यशो मघवद्भ्यो ध्रुवं रयिम् ।  
इषं स्तोतृभ्य आ भर ॥ १.०२०.०४  
त्वं राजेव सुव्रतो गिरः सोमा विवेशिथ ।  
पुनानो वह्ने अद्भुत ॥ १.०२०.०५  
स वह्निरप्सु दुष्टरो मृज्यमानो गभस्त्योः ।  
सोमश्चमूषु सीदति ॥ १.०२०.०६  
क्रीळुर्मखो न मह्युः पवित्रं सोम गच्छसि ।  
दधात्स्तोत्रे सुवीर्यम् ॥ १.०२०.०७

एते धावन्तीन्दवः सोमा इन्द्राय घृष्वयः ।  
मत्सरासः स्वर्विदः ॥ १.०२१.०१  
प्रवृण्वन्तो अभियुजः सुष्वये वरिवोविदः ।  
स्वयं स्तोत्रे वयस्कृतः ॥ १.०२१.०२  
वृथा क्रीळन्त इन्दवः सधस्थमभ्येकमित् ।  
सिन्धोर्स्मा व्यक्षरन् ॥ १.०२१.०३  
एते विश्वानि वार्या पर्वमानास आशत ।  
हिता न सप्तयो रथे ॥ १.०२१.०४  
आस्मिन्पिशङ्गमिन्दवो दधाता वेनमादिशे ।  
यो अस्मभ्यमरावा ॥ १.०२१.०५  
ऋभुर्न रथ्यं नवं दधाता केतमादिशे ।  
शुक्राः पवध्वमर्णसा ॥ १.०२१.०६  
एत उ त्ये अवीवशन्काष्ठा वाजिनो अक्रत ।  
सतः प्रासाविषुर्मतिम् ॥ १.०२१.०७

एते सोमास आशवो रथा इव प्र वाजिनः ।  
सर्गाः सृष्टा अहेषत ॥ १.०२२.०१  
एते वाता इवोरवः पर्जन्यस्येव वृष्टयः ।  
अग्नेरिव भ्रमा वृथा ॥ १.०२२.०२

ए॒ते पू॒ता वि॒पश्चि॒तः सोमा॑सो॒ दध्या॑शिरः ।  
 वि॒पा व्य॑ानशु॒र्धियः॑ ॥ ९.०२२.०३  
 ए॒ते मृ॒ष्टा अम॑र्त्याः ससृ॒वांसो॒ न श॑श्रमुः ।  
 इय॑क्षन्तः प॒थो रजः॑ ॥ ९.०२२.०४  
 ए॒ते पृ॒ष्ठानि॒ रोद॑सोर्विप्र॒यन्तो॒ व्य॑ानशुः ।  
 उ॒तेदमु॑त्तमं रजः ॥ ९.०२२.०५  
 तन्तुं॑ तन्वा॒नमु॑त्तममनु॑ प्रवत॑ आशत ।  
 उ॒तेदमु॑त्तमाय्यम् ॥ ९.०२२.०६  
 त्वं सोम॑ प॒णिभ्य॒ आ वसु॑ गव्यानि धारयः ।  
 ततं॑ तन्तु॑मचिक्रदः ॥ ९.०२२.०७

सोमा॑ असृ॒ग्रमा॒शवो॑ मधो॒र्मद॑स्य॒ धार॑या ।  
 अ॒भि वि॒श्वानि॑ काव्या॑ ॥ ९.०२३.०१  
 अनु॑ प्र॒त्नास॑ आयवः॒ पदं॑ नवीयो अक्रमुः ।  
 रु॒चे ज॑नन्त॒ सूर्य॑म् ॥ ९.०२३.०२  
 आ प॑वमान॒ नो भरा॑र्यो॒ अदा॑शुषो॒ गय॑म् ।  
 कृ॒धि प्र॒जाव॑तीरिषः ॥ ९.०२३.०३  
 अ॒भि सोमा॑स॒ आयवः॑ पव॒न्ते मद्यं॑ मदम् ।  
 अ॒भि कोशं॑ मधु॒श्चुत॑म् ॥ ९.०२३.०४  
 सोमो॑ अर्षति॒ धर्ण॑सिर्दधान॒ इन्द्रि॑यं रसम् ।  
 सु॒वीरो॑ अ॒भि श॑स्तिपाः ॥ ९.०२३.०५  
 इन्द्रा॑य सोम॒ पवसे॑ दे॒वेभ्यः॑ सध॒माद्यः॑ ।  
 इन्द्रो॑ वाजं॑ सिषाससि ॥ ९.०२३.०६  
 अ॒स्य पी॑त्वा मदाना॒मिन्द्रो॑ वृ॒त्राण्य॑प्रति ।  
 ज॒घान॑ ज॒घन॑च्च॒ नु ॥ ९.०२३.०७

प्र सोमा॑सो अधन्विषुः पव॒माना॑स॒ इन्द्र॑वः ।  
 श्रि॒णाना॑ अ॒प्सु मृ॑ज्जत ॥ ९.०२४.०१  
 अ॒भि गावो॑ अधन्विषुरापो॒ न प्र॑वता॑ यतीः ।  
 पु॒नाना॑ इन्द्र॒माशत॑ ॥ ९.०२४.०२  
 प्र प॑वमान॒ धन्व॑सि॒ सोमेन्द्रा॑य॒ पात॑वै ।  
 नृ॒भिर्य॑तो वि नी॒यसे॑ ॥ ९.०२४.०३  
 त्वं सोम॑ नृ॒मादनः॑ पव॒स्व च॑र्षणीसहे ।  
 सस्नि॒र्यो अनु॑माद्यः ॥ ९.०२४.०४  
 इन्द्रो॑ यदद्रि॒भिः सुतः॑ प॒वित्रं॑ परिधावसि ।  
 अ॒रमिन्द्र॑स्य॒ धाम्ने॑ ॥ ९.०२४.०५

पवस्व वृत्रहन्तमोक्थेभिरनुमाद्यः ।  
 शुचिः पावको अद्भुतः ॥ १.०२४.०६  
 शुचिः पावक उच्यते सोमः सुतस्य मध्वः ।  
 देवावीरघशंसहा ॥ १.०२४.०७

पवस्व दक्षसाधनो देवेभ्यः पीतये हरे ।  
 मरुद्भ्यो वायवे मदः ॥ १.०२५.०१  
 पवमान धिया हितोऽभि योनिं कनिक्रदत् ।  
 धर्मणा वायुमा विश ॥ १.०२५.०२  
 सं देवैः शोभते वृषा कविर्योनावधि प्रियः ।  
 वृत्रहा देववीतमः ॥ १.०२५.०३  
 विश्वा रूपाण्याविशन्पुनानो याति हर्यतः ।  
 यत्रामृतास आसते ॥ १.०२५.०४  
 अरुषो जनयन्गिरः सोमः पवत आयुषक् ।  
 इन्द्रं गच्छन्कविक्रतुः ॥ १.०२५.०५  
 आ पवस्व मदिन्तम पवित्रं धारया कवे ।  
 अर्कस्य योनिमासदम् ॥ १.०२५.०६

तममृक्षन्त वाजिनमुपस्थे अदितेरधि ।  
 विप्रासो अण्व्या धिया ॥ १.०२६.०१  
 तं गावो अभ्यनूषत सहस्रधारमक्षितम् ।  
 इन्द्रु धर्तारमा दिवः ॥ १.०२६.०२  
 तं वेधां मेधयाह्यन्पवमानमधि द्यवि ।  
 धर्णसिं भूरिधायसम् ॥ १.०२६.०३  
 तमह्यन्भुरिजोर्धिया संवसानं विवस्वतः ।  
 पतिं वाचो अदाभ्यम् ॥ १.०२६.०४  
 तं सानावधिं जामयो हरिं हिन्वन्त्यद्रिभिः ।  
 हर्यतं भूरिचक्षसम् ॥ १.०२६.०५  
 तं त्वा हिन्वन्ति वेधसः पवमान गिरावृधम् ।  
 इन्द्रविन्द्राय मत्सरम् ॥ १.०२६.०६

एष कविरभिष्टुतः पवित्रे अधि तोशते ।  
 पुनानो घ्नन्नप सिधः ॥ १.०२७.०१  
 एष इन्द्राय वायवे स्वर्जित्परि षिच्यते ।  
 पवित्रे दक्षसाधनः ॥ १.०२७.०२  
 एष नृभिर्वि नीयते दिवो मूर्धा वृषा सुतः ।

सोमो वनेषु विश्ववित् ॥ १.०२७.०३  
 एष गव्युरचिक्रदत्पवमानो हिरण्ययुः ।  
 इन्दुः सत्राजिदस्तृतः ॥ १.०२७.०४  
 एष सूर्येण हासते पवमानो अधि द्यवि ।  
 पवित्रे मत्सरो मदः ॥ १.०२७.०५  
 एष शुष्यसिष्यदन्तरिक्षे वृषा हरिः ।  
 पुनान इन्दुरिन्द्रमा ॥ १.०२७.०६

एष वाजी हितो नृभिर्विश्वविन्मनसस्पतिः ।  
 अव्यो वारं वि धावति ॥ १.०२८.०१  
 एष पवित्रे अक्षरत्सोमो देवेभ्यः सुतः ।  
 विश्वा धामान्याविशन् ॥ १.०२८.०२  
 एष देवः शुभायतेऽधि योनावमर्त्यः ।  
 वृत्रहा देववीतमः ॥ १.०२८.०३  
 एष वृषा कनिक्रदद्दृशभिर्जामिभिर्यतः ।  
 अभि द्रोणानि धावति ॥ १.०२८.०४  
 एष सूर्यमरोचयत्पवमानो विचर्षणिः ।  
 विश्वा धामानि विश्ववित् ॥ १.०२८.०५  
 एष शुष्यदाभ्यः सोमः पुनानो अर्षति ।  
 देवावीरघशंसाहा ॥ १.०२८.०६

प्रास्य धारा अक्षरन्वृष्णः सुतस्यौजसा ।  
 देवा अनु प्रभूषतः ॥ १.०२९.०१  
 सप्ति मृजन्ति वेधसो गृणन्तः कारवो गिरा ।  
 ज्योतिर्जज्ञानमुक्थ्यम् ॥ १.०२९.०२  
 सुषहा सोम तानि ते पुनानाय प्रभूवसो ।  
 वर्धा समुद्रमुक्थ्यम् ॥ १.०२९.०३  
 विश्वा वसूनि संजयन्पवस्व सोम धारया ।  
 इनु द्वेषांसि सध्र्यक् ॥ १.०२९.०४  
 रक्षा सु नो अररुषः स्वनात्समस्य कस्य चित् ।  
 निदो यत्र मुमुक्षहे ॥ १.०२९.०५  
 एन्दो पार्थिवं रयिं दिव्यं पवस्व धारया ।  
 दुमन्तं शुष्ममा भर ॥ १.०२९.०६

प्र धारा अस्य शुष्मिणो वृथा पवित्रे अक्षरन् ।  
 पुनानो वाचमिष्यति ॥ १.०३०.०१

इन्दुर्हिया॒नः सो॒तृभिर्मृ॒ज्यमा॒नः क॒निक्र॑दत् ।  
 इ॒र्यति॑ व॒गनु॑मिन्द्रि॒यम् ॥ १.०३०.०२  
 आ नः शु॒ष्मं नृ॒षाह्यं॑ वी॒रव॑न्तं पु॒रुस्पृ॑हम् ।  
 प॒र्वस्व॑ सोम॒ धार॑या ॥ १.०३०.०३  
 प्र सोमो॑ अति॒ धार॑या॒ पर्व॑मानो असिष्यदत् ।  
 अ॒भि द्रो॑णान्यासदम् ॥ १.०३०.०४  
 अ॒प्सु त्वा॒ मधु॑मत्तमं॒ हरि॑र्हि॒न्वन्त्य॑द्रिभिः ।  
 इ॒न्दुवि॑न्द्राय पी॒तये॑ ॥ १.०३०.०५  
 सु॒नोता॑ मधु॒मत्त॑मं सोम॒मिन्द्रा॑य व॒ज्रिणे॑ ।  
 चा॒रुं श॒र्धाय॑ मत्सरम् ॥ १.०३०.०६

प्र सोमा॑सः स्वा॒ध्यर्शुः॑ प॒र्वमा॑नासो अ॒क्रमुः॑ ।  
 र॒यिं कृ॑ण्वन्ति॒ चेत॑नम् ॥ १.०३१.०१  
 दि॒वस्पृ॑थिव्या॒ अधि॑ भवे॒न्दो दु॒ग्मन्व॑र्धनः ।  
 भ॒वा वा॒जा॒नां प॑तिः ॥ १.०३१.०२  
 तु॒भ्यं वा॒ता॑ अ॒भिप्रि॑यस्तु॒भ्यम॑र्षन्ति॒ सिन्ध॑वः ।  
 सोम॑ व॒र्धन्ति॑ ते॒ महः॑ ॥ १.०३१.०३  
 आ॒ प्या॑यस्व॒ समै॑तु ते॒ विश्व॑तः॒ सोम॑ वृ॒ष्णय॑म् ।  
 भ॒वा वा॒जस्य॑ सं॒गथे॑ ॥ १.०३१.०४  
 तु॒भ्यं गा॒वो घृ॑तं प॒यो ब॒भ्रो दु॒दुहे॑ अ॒क्षित॑म् ।  
 व॒र्षि॑ष्ठे॒ अधि॑ सान॒वि ॥ १.०३१.०५  
 स्वा॒युध॑स्य॒ ते स॒तो भु॑व॒नस्य॑ प॒ते व॒यम् ।  
 इ॒न्दो स॒खित्व॑मु॒श्मसि॑ ॥ १.०३१.०६

प्र सोमा॑सो म॒दच्यु॑तः श्र॒वसे॑ नो म॒घो॒नः ।  
 सु॒ता वि॒दथे॑ अ॒क्रमुः॑ ॥ १.०३२.०१  
 आ॒दीं त्रि॒तस्य॑ योष॒णो हरि॑र्हि॒न्वन्त्य॑द्रिभिः ।  
 इ॒न्दुमि॑न्द्राय पी॒तये॑ ॥ १.०३२.०२  
 आ॒दीं ह॒ंसो यथा॑ ग॒णं वि॒श्वस्या॑वीव॒शन्म॑तिम् ।  
 अ॒त्यो न॑ गोभि॒रज्य॑ते ॥ १.०३२.०३  
 उ॒भे सो॑माव॒चाक॑शन्मृ॒गो न॒ तक्तो॑ अ॒र्षसि॑ ।  
 सी॒दन्नृ॑तस्य॒ योनि॑मा ॥ १.०३२.०४  
 अ॒भि गा॒वो अ॒नूष॑त॒ योषा॑ जा॒रमि॑व प्रि॒यम् ।  
 अ॒गन्ना॑जिं॒ यथा॑ ह॒ितम् ॥ १.०३२.०५  
 अ॒स्मे धे॒हि दु॒मद्य॑शो॒ मघ॑व॒द्भय॑श्च॒ मह्यं॑ च ।  
 स॒निं मे॒धामु॑त श्र॒वः ॥ १.०३२.०६

प्र सोमासो विपश्चितोऽपां न यन्त्युर्मयः ।  
 वनानि महिषा इव ॥ १.०३३.०१  
 अभि द्रोणानि बभ्रवः शुक्रा ऋतस्य धारया ।  
 वाजं गोमन्तमक्षरन् ॥ १.०३३.०२  
 सुता इन्द्राय वायवे वरुणाय मरुद्भ्यः ।  
 सोमा अर्षन्ति विष्णवे ॥ १.०३३.०३  
 तिस्रो वाच उदीरते गावो मिमन्ति धेनवः ।  
 हरिरिति कनिकदत् ॥ १.०३३.०४  
 अभि ब्रह्मीरनूषत यह्वीर्ऋतस्य मातरः ।  
 मर्मज्यन्ते दिवः शिशुम् ॥ १.०३३.०५  
 रायः समुद्राँश्चतुरोऽस्मभ्यं सोम विश्वतः ।  
 आ पवस्व सहस्रिणः ॥ १.०३३.०६

प्र सुवानो धारया तनेन्दुहिन्वानो अर्षति ।  
 रूजद्वूहा व्योजसा ॥ १.०३४.०१  
 सुत इन्द्राय वायवे वरुणाय मरुद्भ्यः ।  
 सोमो अर्षति विष्णवे ॥ १.०३४.०२  
 वृषाणं वर्षभिर्यतं सुन्वन्ति सोममद्रिभिः ।  
 दुहन्ति शकमना पर्यः ॥ १.०३४.०३  
 भुवत्त्रितस्य मज्यो भुवदिन्द्राय मत्सरः ।  
 सं रूपैरज्यते हरिः ॥ १.०३४.०४  
 अभीमूतस्य विष्टपं दुहते पृश्निमातरः ।  
 चारु प्रियतमं हविः ॥ १.०३४.०५  
 समेनमहुता इमा गिरो अर्षन्ति ससुतः ।  
 धेनूर्वाश्रो अवीवशत् ॥ १.०३४.०६

आ नः पवस्व धारया पवमान रयिं पृथुम् ।  
 यया ज्योतिर्विदासि नः ॥ १.०३५.०१  
 इन्दो समुद्रमीद्भ्य पवस्व विश्वमेजय ।  
 रायो धर्ता न ओजसा ॥ १.०३५.०२  
 त्वया वीरेण वीरवोऽभि प्याम पृतन्यतः ।  
 क्षरा गो अभि वार्यम् ॥ १.०३५.०३  
 प्र वाजमिन्दुरिष्यति सिषासन्वाजसा ऋषिः ।  
 व्रता विदान आयुधा ॥ १.०३५.०४  
 तं गीर्भिर्वाचमीद्भ्यं पुनानं वासयामसि ।



सोमं जनस्य गोपतिम् ॥ १.०३५.०५  
विश्वो यस्य व्रते जनो दाधार धर्मणस्पतेः ।  
पुनानस्य प्रभूर्वसोः ॥ १.०३५.०६

असर्जि रथ्यो यथा पवित्रे चम्बोः सुतः ।  
कार्ष्णन्वाजी न्यक्रमीत् ॥ १.०३६.०१  
स वह्निः सोम जागृविः पवस्व देववीरति ।  
अभि कोशं मधुश्चुतम् ॥ १.०३६.०२  
स नो ज्योतीषि पूर्य पवमान वि रोचय ।  
ऋत्वे दक्षाय नो हिनु ॥ १.०३६.०३  
शुम्भमान ऋतायुभिर्मृज्यमानो गभस्त्योः ।  
पवते वारे अव्यये ॥ १.०३६.०४  
स विश्वा दाशुषे वसु सोमो दिव्यानि पार्थिवा ।  
पवतामान्तरिक्ष्या ॥ १.०३६.०५  
आ दिवस्पृष्टमश्वयुर्गव्ययुः सोम रोहसि ।  
वीरयुः शवसस्पते ॥ १.०३६.०६

स सुतः पीतये वृषा सोमः पवित्रे अर्षति ।  
विघ्नन्नर्षासि देवयुः ॥ १.०३७.०१  
स पवित्रे विचक्षणो हरिरर्षति धर्णसिः ।  
अभि योनिं कनिक्रदत् ॥ १.०३७.०२  
स वाजी रोचना दिवः पवमानो वि धावति ।  
रक्षोहा वारमव्ययम् ॥ १.०३७.०३  
स त्रितस्याधि सानवि पवमानो अरोचयत् ।  
जामिभिः सूर्यं सह ॥ १.०३७.०४  
स वृत्रहा वृषा सुतो वरिवोविददाभ्यः ।  
सोमो वाजमिवासरत् ॥ १.०३७.०५  
स देवः कविनेषितोऽभि द्रोणानि धावति ।  
इन्द्रुरिन्द्राय मंहना ॥ १.०३७.०६

एष उ स्य वृषा रथोऽव्यो वारेभिरर्षति ।  
गच्छन्वाजं सहस्रिणम् ॥ १.०३८.०१  
एतं त्रितस्य योषणो हरिं हिन्वन्त्यद्विभिः ।  
इन्द्रुमिन्द्राय पीतये ॥ १.०३८.०२  
एतं त्यं हरितो दशं मर्मृज्यन्ते अपस्युवः ।  
याभिर्मदाय शुम्भते ॥ १.०३८.०३

एष स्य मानुषीष्वा श्येनो न विक्षु सीदति ।  
 गच्छञ्ज्जारो न योषितम् ॥ १.०३८.०४  
 एष स्य मद्यो रसोऽव चष्टे दिवः शिशुः ।  
 य इन्दुर्वास्माविशत् ॥ १.०३८.०५  
 एष स्य पीतये सुतो हरिरर्षति धर्णसिः ।  
 क्रन्दन्योनिमभि प्रियम् ॥ १.०३८.०६

आशुरर्ष बृहन्मते परि प्रियेण धाम्ना ।  
 यत्र देवा इति ब्रवन् ॥ १.०३९.०१  
 परिष्कृण्वन्ननिष्कृतं जनाय यातयन्निषः ।  
 वृष्टिं दिवः परि स्रव ॥ १.०३९.०२  
 सुत एति पवित्र आ त्विषिं दधान ओजसा ।  
 विचक्षाणो विरोचयन् ॥ १.०३९.०३  
 अयं स यो दिवस्परि रघुयामा पवित्र आ ।  
 सिन्धोर्स्मा व्यक्षरत् ॥ १.०३९.०४  
 आविवांसन्परावतो अथो अर्वावतः सुतः ।  
 इन्द्राय सिच्यते मधु ॥ १.०३९.०५  
 समीचीना अनूषत हरिं हिन्वन्त्यद्रिभिः ।  
 योनावृतस्य सीदत ॥ १.०३९.०६

पुनानो अक्रमीदभि विश्वा मृधो विचर्षणिः ।  
 शुम्भन्ति विप्रं धीतिभिः ॥ १.०४०.०१  
 आ योनिमस्यो रुहद्मदिन्द्रं वृषा सुतः ।  
 ध्रुवे सदसि सीदति ॥ १.०४०.०२  
 नू नो रयिं महामिन्दोऽस्मभ्यं सोम विश्वतः ।  
 आ पवस्व सहस्रिणम् ॥ १.०४०.०३  
 विश्वा सोम पवमान द्युम्नानीन्दवा भर ।  
 विदाः सहस्रिणीरिषः ॥ १.०४०.०४  
 स नः पुनान आ भर रयिं स्तोत्रे सुवीर्यम् ।  
 जरितुर्वर्धया गिरः ॥ १.०४०.०५  
 पुनान इन्दवा भर सोम द्विबर्हसं रयिम् ।  
 वृषान्निन्दो न उक्थ्यम् ॥ १.०४०.०६

प्र ये गावो न भूर्णयस्त्वेषा अयासो अक्रमुः ।  
 घ्नन्तः कृष्णामप त्वचम् ॥ १.०४१.०१  
 सुवितस्य मनामहेऽति सेतुं दुराव्यम् ।

साह्वांसो दस्युमव्रतम् ॥ १.०४१.०२  
 शृण्वे वृष्टेरिव स्वनः पवमानस्य शुष्मिणः ।  
 चरन्ति विद्युतो दिवि ॥ १.०४१.०३  
 आ पवस्व महीमिषं गोमदिन्दो हिरण्यवत् ।  
 अश्वावद्वाजवत्सुतः ॥ १.०४१.०४  
 स पवस्व विचर्षण आ मही रोदसी पृण ।  
 उषाः सूर्यो न रश्मिभिः ॥ १.०४१.०५  
 परिणः शर्मयन्त्या धारया सोम विश्वतः ।  
 सरा रसेव विष्टपम् ॥ १.०४१.०६

जनयन्नोचना दिवो जनयन्नप्सु सूर्यम् ।  
 वसानो गा अपो हरिः ॥ १.०४२.०१  
 एष प्रत्नेन मन्मना देवो देवेभ्यस्परि ।  
 धारया पवते सुतः ॥ १.०४२.०२  
 वावृधानाय तूर्वये पवन्ते वाजसातये ।  
 सोमाः सहस्रपाजसः ॥ १.०४२.०३  
 दुहानः प्रत्नमित्पयः पवित्रे परि षिच्यते ।  
 क्रन्दन्देवाँ अजीजनत् ॥ १.०४२.०४  
 अभि विश्वानि वार्याभि देवाँ ऋतावृधः ।  
 सोमः पुनानो अर्षति ॥ १.०४२.०५  
 गोमन्नः सोम वीरवदश्वावद्वाजवत्सुतः ।  
 पवस्व बृहतीरिषः ॥ १.०४२.०६

यो अत्य इव मृज्यते गोभिर्मदाय हर्यतः ।  
 तं गीर्भिर्वासयामसि ॥ १.०४३.०१  
 तं नो विश्वा अवस्युवो गिरः शुम्भन्ति पूर्वथा ।  
 इन्दुमिन्द्राय पीतये ॥ १.०४३.०२  
 पुनानो याति हर्यतः सोमो गीर्भिः परिष्कृतः ।  
 विप्रस्य मेध्यातिथेः ॥ १.०४३.०३  
 पवमान विदा रयिमस्मभ्यं सोम सुश्रियम् ।  
 इन्दो सहस्रवर्चसम् ॥ १.०४३.०४  
 इन्दुरत्यो न वाजसृत्कनिक्रन्ति पवित्र आ ।  
 यदक्षारति देव्युः ॥ १.०४३.०५  
 पवस्व वाजसातये विप्रस्य गृणतो वृधे ।  
 सोम रास्व सुवीर्यम् ॥ १.०४३.०६

प्र ण इन्दो महे तन ऊर्मिं न बिभ्रदर्षसि ।  
 अ॒भि दे॒वाँ अ॒यास्यः ॥ १.०४४.०१  
 म॒ती जु॒ष्टो धि॒या हितः सोमो॑ हिन्वे प॒रावति॑ ।  
 विप्र॑स्य धार॒या क॒विः ॥ १.०४४.०२  
 अ॒यं दे॒वेषु॑ जागृ॒विः सु॒त ए॒ति प॒वित्र॒ आ ।  
 सोमो॑ याति॒ विच॑र्षणिः ॥ १.०४४.०३  
 स नः॑ पवस्व वा॒ज्युश्च॑क्रा॒णश्चारु॑मध्व॒रम् ।  
 ब॒र्हिष्माँ॑ आ वि॒वासति॑ ॥ १.०४४.०४  
 स नो॑ भगा॒य वा॒यवे॑ विप्र॒वीरः स॒दावृ॑धः ।  
 सोमो॑ दे॒वेष्वा य॑मत् ॥ १.०४४.०५  
 स नो॑ अ॒द्य वसु॑त्तये ऋ॒तुवि॑द्गा॒तुवित्त॑मः ।  
 वाजं॑ जेषि॒ श्रवो॑ बृ॒हत् ॥ १.०४४.०६

स पवस्व मदा॒य कं नृ॒चक्षा॑ दे॒ववी॑तये ।  
 इ॒न्द्रवि॒न्द्राय॑ पी॒तये॑ ॥ १.०४५.०१  
 स नो॑ अ॒र्षाभि॑ दू॒त्यंश् त्वमि॒न्द्राय॑ तो॒शसे॑ ।  
 दे॒वान्स॒खिभ्य॑ आ व॒रम् ॥ १.०४५.०२  
 उ॒त त्वाम॑रु॒णं व॒यं गो॒भिर॑ञ्ज्मो मदा॒य कम् ।  
 वि नो॑ रा॒ये दुरो॑ वृ॒धि ॥ १.०४५.०३  
 अ॒त्यु॑ प॒वित्र॑म॒क्रमी॒द्वाजी॑ धु॒रं न याम॑नि ।  
 इ॒न्द्रु॑र्द्विषु॑ प॒त्यते ॥ १.०४५.०४  
 समी॑ सखा॒यो अ॒स्वर॑न्वने॒ क्रीळ॑न्त॒मत्य॑विम् ।  
 इ॒न्द्रु॑ ना॒वा अ॒नूष॑त ॥ १.०४५.०५  
 तया॑ पवस्व धार॒या यया॑ पी॒तो वि॒चक्ष॑से ।  
 इ॒न्दो॑ स्तो॒त्रे सु॒वीर्य॑म् ॥ १.०४५.०६

असृ॑ग्रन्दे॒ववी॑तयेऽत्या॒सः कृ॒त्या इव॑ ।  
 क्षर॑न्तः पर्व॒तावृ॑धः ॥ १.०४६.०१  
 परि॑ष्कृ॒तास॑ इ॒न्द्रवो॑ योषे॒व पि॒त्र्याव॑ती ।  
 वा॒युं सोमा॑ असृ॒क्षत॑ ॥ १.०४६.०२  
 ए॒ते सोमा॑स॒ इन्द्र॑वः प्र॒यस्व॑न्तश्च॒मू सु॒ताः ।  
 इ॒न्द्रो॑ वर्ध॑न्ति॒ कर्म॑भिः ॥ १.०४६.०३  
 आ धा॑वता सु॒हस्त्यः॑ शु॒क्रा गृ॑ष्णीत॒ मन्थि॑ना ।  
 गो॒भिः श्री॑णीत॒ मत्सर॑म् ॥ १.०४६.०४  
 स पव॑स्व धन॒जय॑ प्र॒यन्ता॑ राध॒सो म॒हः ।  
 अ॒स्मभ्य॑ सोम गा॒तुवित् ॥ १.०४६.०५

ए॒तं मृ॑जन्ति॒ मर्ज्य॑ प॒व॒मानं॑ द॒श॒ क्षिपः॑ ।  
इन्द्रा॑य॒ मत्सरं॑ म॒दम् ॥ १.०४६.०६

अ॒या सोमः॑ सु॒कृत्यया॑ म॒हश्चि॑दभ्य॒वर्धत॑ ।  
म॒न्दान॑ उ॒द्वृषाय॑ते ॥ १.०४७.०१  
कृ॒तानी॑दस्य॒ कर्त्वा॑ चे॒तन्ते॑ दस्यु॒तर्हणा॑ ।  
ऋ॒णा च॑ धृ॒ष्णुश्च॑यते ॥ १.०४७.०२  
आ॒त्सोम॑ इन्द्रि॒यो रसो॑ व॒ज्रः॑ स॒हस्र॑सा भु॒वत् ।  
उ॒क्थं॑ य॒दस्य॑ जा॒यते॑ ॥ १.०४७.०३  
स्व॒यं क॑विर्वि॒धर्तरि॑ वि॒प्राय॑ र॒त्नमि॑च्छति ।  
यदी॑ म॒र्मज्य॑ते धि॒यः ॥ १.०४७.०४  
सि॒षास॑तू॒ रयी॑णां वाजे॒ष्वर्व॑तामि॒व ।  
भ॒रेषु॑ जि॒ग्युषा॑मसि ॥ १.०४७.०५

तं त्वा॑ नृ॒म्णानि॑ बिभ्र॒तं स॒धस्थे॑षु म॒हो दि॒वः ।  
चा॒रुं सु॒कृत्यये॑महे ॥ १.०४८.०१  
सं॒वृ॒क्तधृ॑ष्णुमु॒क्थ्यं॑ म॒हामा॑हि॒व्रतं॑ म॒दम् ।  
श॒तं पु॒रो रू॒क्षणि॑म् ॥ १.०४८.०२  
अ॒तस्त्वा॑ र॒यिम॑भि॒ राजा॑नं सु॒क्रतो॑ दि॒वः ।  
सु॒पर्णो॑ अ॒व्यधि॑र्भ॒रत् ॥ १.०४८.०३  
वि॒श्वस्मा॑ इ॒त्स्वर्दृ॑शे सा॒धारणं॑ र॒जस्तु॑र॒म् ।  
गो॒पामृ॑तस्य॒ विर्भ॑रत् ॥ १.०४८.०४  
अ॒धा हि॒न्वान॑ इन्द्रि॒यं ज्या॑यो॒ महि॑त्वमा॒नशे॑ ।  
अ॒भिष्टि॑कृ॒द्विच॑र्षणिः ॥ १.०४८.०५

प॒वस्व॑ वृ॒ष्टिमा॑ सु॒ नोऽपा॑मृमिं दि॒वस्प॑रि ।  
अ॒यक्ष्मा॑ बृ॒हती॑रिषः ॥ १.०४९.०१  
तया॑ प॒वस्व॑ धा॒रया॑ यया॒ गाव॑ इ॒हाग॑मन् ।  
ज॒न्यास॑ उ॒प नो॑ गृ॒हम् ॥ १.०४९.०२  
घृ॒तं प॒वस्व॑ धा॒रया॑ य॒ज्ञेषु॑ दे॒ववी॑तमः ।  
अ॒स्मभ्य॑ वृ॒ष्टिमा॑ प॒व ॥ १.०४९.०३  
स न॑ ऊ॒र्जे व्य॑ष्ट्ययं॒ पवि॑त्रं॒ धाव॑ धा॒रया॑ ।  
दे॒वासः॑ शृ॒णव॑न्हि॒ कम् ॥ १.०४९.०४  
प॒व॒मानो॑ अ॒सिष्य॑द॒द्रक्षा॑स्य॒पज॑ङ्घ॒नत् ।  
प्र॒त्नव॑द्रोच॒यन्नु॑चः ॥ १.०४९.०५

उ॒त्ते शु॒ष्मास॑ ईर॒ते सि॒न्धो॑रु॒र्मेरि॑व॒ स्व॒नः ।  
 वा॒णस्य॑ चोदया प॒विम् ॥ ९.०५०.०१  
 प्र॒सवे॑ त उदीर॒ते ति॒स्रो वा॒चो म॒खस्यु॑वः ।  
 यद॒व्य ए॒षि सा॒नवि॑ ॥ ९.०५०.०२  
 अ॒व्यो वा॒रे परि॑ प्रि॒यं हरि॑ हि॒न्वन्त्य॑द्रिभिः ।  
 प॒र्वमा॑नं मधु॒श्चुत॑म् ॥ ९.०५०.०३  
 आ प॒वस्व॑ मदि॒न्तम॑ प॒वित्रं॑ धार॒या क॒वे ।  
 अ॒र्कस्य॑ योनि॒मास॑दम् ॥ ९.०५०.०४  
 स प॒वस्व॑ मदि॒न्तम॑ गोभि॒रज्जानो॑ अ॒क्तुभिः॑ ।  
 इ॒न्द्रवि॒न्द्राय॑ पी॒तये॑ ॥ ९.०५०.०५

अ॒ध्वर्यो॑ अ॒द्रिभिः॑ सु॒तं सोम॑ प॒वित्र॑ आ सृ॒ज ।  
 पु॒नीही॑न्द्राय॒ पात॑वे ॥ ९.०५१.०१  
 दि॒वः पी॒यूष॑मु॒त्तमं॑ सोम॒मिन्द्रा॑य व॒ज्रिणे॑ ।  
 सु॒नोता॑ मधु॒मत्त॑मम् ॥ ९.०५१.०२  
 तव॑ त्य इ॒न्दो अ॒न्धसो॑ दे॒वा मधो॑व्य॒श्नते॑ ।  
 प॒र्वमा॑नस्य म॒रुतः॑ ॥ ९.०५१.०३  
 त्वं हि॑ सोम॒ वर्ध॑य॒न्सुतो॑ मदा॒य भू॑र्णये ।  
 वृष॑न्स्तो॒तार॑मू॒तये॑ ॥ ९.०५१.०४  
 अ॒भ्यर्ष॑ वि॒चक्षण॑ प॒वित्रं॑ धार॒या सु॒तः ।  
 अ॒भि वा॒जमु॑त श्र॒वः ॥ ९.०५१.०५

परि॑ द्यु॒क्षः स॒नद्रा॑यि॒र्भर॑द्वा॒जं नो॑ अ॒न्धसा॑ ।  
 सु॒वानो॑ अ॒र्षं प॒वित्र॑ आ ॥ ९.०५२.०१  
 तव॑ प्र॒त्नेभि॒रध्व॑भि॒रव्यो॑ वा॒रे परि॑ प्रि॒यः ।  
 स॒हस्र॑धारो या॒त्तना॑ ॥ ९.०५२.०२  
 च॒रुर्न॑ यस्त॒मीङ्घ्रि॑ये॒न्दो न॑ दान॒मीङ्घ्रि॑य ।  
 व॒धैर्व॑ध॒स्नवी॑ङ्घ्रि॒य ॥ ९.०५२.०३  
 नि शु॒ष्ममि॑न्द्र॒वेषां॑ पु॒रुहू॑त॒ जनाना॑म् ।  
 यो अ॒स्माँ आ॑दि॒देश॑ति ॥ ९.०५२.०४  
 श॒तं न॑ इ॒न्द्र ऊ॒तिभिः॑ स॒हस्रं॑ वा शु॒चीना॑म् ।  
 प॒वस्व॑ म॒ह्यद्रा॑यिः ॥ ९.०५२.०५

उ॒त्ते शु॒ष्मासो॑ अ॒स्थू र॒क्षो भि॑न्दन्तो॒ अद्रि॑वः ।  
 नु॒दस्व॑ याः परि॒स्पृधः॑ ॥ ९.०५३.०१  
 अ॒या नि॑ज॒घ्नरो॒जसा॑ रथ॒संगे॑ धने॒ हिते॑ ।

स्तवा॑ अ॒बि॒भ्यु॒षा हृ॒दा ॥ १.०५३.०२  
 अ॒स्य॑ व्र॒तानि॑ नाधृ॒षे प॑र्व॒मान॑स्य दृ॒ढ्या ।  
 रु॒ज य॑स्त्वा॒ पृ॒त॒न्यति॑ ॥ १.०५३.०३  
 तं हि॑न्वन्ति म॒द॒च्युतं॑ ह॒रिं न॒दीषु॑ वा॒जिन॑म् ।  
 इ॒न्द्रमिन्द्रा॑य मत्स॒रम् ॥ १.०५३.०४

अ॒स्य प्र॒त्नाम॑नु द्यु॒तं शु॒क्रं दु॒दुहे॑ अ॒ह्यः ।  
 प॒र्यः॑ स॒हस्र॑सामृ॒षिम् ॥ १.०५४.०१  
 अ॒यं सूर्य॑ इ॒वोप॑दृ॒ग्यं सरा॑सि धावति ।  
 स॒प्त प्र॑व॒त आ दि॒वम् ॥ १.०५४.०२  
 अ॒यं वि॒श्वानि॑ तिष्ठति पु॒नानो॑ भुव॒नोपरि॑ ।  
 सोमो॑ दे॒वो न सूर्यः॑ ॥ १.०५४.०३  
 परि॑ णो दे॒ववी॑तये वा॒जाँ अ॑र्षसि गो॒मतः॑ ।  
 पु॒नान॑ इ॒न्द्रवि॒न्द्र्युः ॥ १.०५४.०४

यव॑यवं नो अ॒न्धसा॑ पु॒ष्टम्पु॑ष्टं परि॑ स्रव ।  
 सोम॑ वि॒श्वानि॑ च सौ॒भगा ॥ १.०५५.०१  
 इ॒न्द्रो यथा॑ तव॒ स्तवो॑ यथा॑ ते जा॒तम॑न्ध॒सः ।  
 नि ब॑र्हि॒षि प्रि॒ये स॑दः ॥ १.०५५.०२  
 उ॒त नो॑ गो॒विद॑श्च॒वित्प॑व॒स्व सो॑मान्ध॒सा ।  
 म॒क्षत॑मे॒भिर॑ह॒भिः ॥ १.०५५.०३  
 यो जि॑नाति॒ न जी॑यते॒ हन्ति॑ शत्रु॒मभी॑त्य ।  
 स प॑व॒स्व स॒हस्र॑जित् ॥ १.०५५.०४

परि॑ सोम॑ ऋ॒तं बृ॒हदा॑शुः प॒वित्रे॑ अ॒र्षति॑ ।  
 वि॒घ्नन्न॑क्षा॒सि दे॒व्युः ॥ १.०५६.०१  
 यत्सोमो॑ वा॒जम॑र्षति॒ शतं॑ धारा॑ अ॒प॒स्युवः॑ ।  
 इ॒न्द्रस्य॑ स॒ख्यमा॑वि॒शन् ॥ १.०५६.०२  
 अ॒भि त्वा॑ योष॒णो द॑श॒ जारं॑ न क॒न्यानु॑षत ।  
 मृ॒ज्यसे॑ सोम सा॒तये॑ ॥ १.०५६.०३  
 त्वमिन्द्रा॑य वि॒ष्णवे॑ स्वा॒दुरि॑न्द्रो परि॑ स्रव ।  
 नृ॒न्स्तो॑तृ॒न्पा॒ह्यं ह॑सः ॥ १.०५६.०४

प्र ते॑ धारा॑ अ॒सश्च॑तो॒ दिवो॑ न यन्ति वृ॒ष्टयः॑ ।  
 अ॒च्छ्रा॒ वाजं॑ स॒हस्रि॑णम् ॥ १.०५७.०१  
 अ॒भि प्रि॒याणि॑ का॒व्या वि॒श्वानि॑ च॒क्षाणो॑ अ॒र्षति॑ ।

हरिस्तुञ्जान आयुधा ॥ १.०५७.०२  
स मर्मजान आयुभिरिभो राजेव सुव्रतः ।  
श्येनो न वंसु षीदति ॥ १.०५७.०३  
स नो विश्वा दिवो वसूतो पृथिव्या अधि ।  
पुनान इन्दवा भर ॥ १.०५७.०४

तरत्स मन्दी धावति धारा सुतस्यान्धसः ।  
तरत्स मन्दी धावति ॥ १.०५८.०१  
उम्रा वेद वसूनां मर्तस्य देव्यवसः ।  
तरत्स मन्दी धावति ॥ १.०५८.०२  
ध्वस्रयोः पुरुषन्त्योरा सहस्राणि दसहे ।  
तरत्स मन्दी धावति ॥ १.०५८.०३  
आ ययोस्त्रिंशतं तना सहस्राणि च दसहे ।  
तरत्स मन्दी धावति ॥ १.०५८.०४

पवस्व गोजिदश्चजिद्विश्चजित्सोम रण्यजित् ।  
प्रजावद्रत्नमा भर ॥ १.०५९.०१  
पवस्वाद्भ्यो अदाभ्यः पवस्वौषधीभ्यः ।  
पवस्व धिषणाभ्यः ॥ १.०५९.०२  
त्वं सोम पवमानो विश्वानि दुरिता तर ।  
कविः सीद नि बर्हिषि ॥ १.०५९.०३  
पवमान स्वर्विदो जायमानोऽभवो महान् ।  
इन्दो विश्वा अभीदसि ॥ १.०५९.०४

प्र गायत्रेण गायत पवमानं विचर्षणिम् ।  
इन्दुं सहस्रचक्षसम् ॥ १.०६०.०१  
तं त्वा सहस्रचक्षसमथो सहस्रभर्णसम् ।  
अति वारमपाविषुः ॥ १.०६०.०२  
अति वारान्पवमानो असिष्यदत्कलशां अभि धावति ।  
इन्द्रस्य हाद्यां विशन् ॥ १.०६०.०३  
इन्द्रस्य सोम राधसे शं पवस्व विचर्षणे ।  
प्रजावद्रेत आ भर ॥ १.०६०.०४

अया वीती परि स्रव यस्त इन्दो मदेष्वा ।  
अवाहन्नवतीर्नव ॥ १.०६१.०१  
पुरः सद्य इत्थाधिये दिवोदासाय शम्बरम् ।



अध॒ त्यं तु॒र्व॒शं॑ यदु॒म् ॥ १.०६१.०२  
 परि॑ णो॒ अ॒श्व॒म॒श्व॒वि॒द्गो॒म॒दि॒न्दो॒ हिर॑ण्यवत् ।  
 क्षरा॑ स॒हस्रि॑णी॒रिषः॑ ॥ १.०६१.०३  
 प॒र्व॒मा॒न॒स्य॑ ते॒ व॒यं॑ प॒वि॒त्र॒म॒भ्यु॒न्द॒तः ।  
 स॒खि॒त्व॒मा॒ वृ॑णीमहे ॥ १.०६१.०४  
 ये॒ ते॑ प॒वि॒त्र॒मूर्म॑यो॒ऽभि॒क्षर॑न्ति॒ धार॑या ।  
 ते॒भिर्नः॑ सोम॒ मृ॒ळय॑ ॥ १.०६१.०५  
 स॒ नः॑ पु॒ना॒न आ॑ भ॒र र॒यिं वी॒र॒व॒ती॒मिष॑म् ।  
 ई॒शा॒नः सोम॑ वि॒श्व॒तः ॥ १.०६१.०६  
 ए॒त॒मु॒ त्यं द॒श॒ क्षि॒पो॑ मृ॒जन्ति॑ सि॒न्धु॒मा॒तर॑म् ।  
 स॒मा॒दि॒त्ये॒भि॒रख्य॑त ॥ १.०६१.०७  
 स॒मि॒न्द्रे॒णो॒त वा॒यु॒ना॑ सु॒त ए॒ति॒ प॒वि॒त्र आ॑ ।  
 सं॒ सूर्य॑स्य॒ रश्मि॑भिः ॥ १.०६१.०८  
 स॒ नो॒ भगा॑य॒ वा॒यवे॑ पू॒ष्णे॒ प॒व॒स्व॒ म॒धु॒मा॒न् ।  
 चा॒रु॒मि॒त्रि॒ वरु॑ण॒ च ॥ १.०६१.०९  
 उ॒च्चा॑ ते॒ जा॒त॒म॒न्ध॑सो॒ दि॒वि॒ षड्भू॑म्या॒ ददे॑ ।  
 उ॒ग्रं श॑र्म॒ महि॑ श्रवः ॥ १.०६१.१०  
 ए॒ना॒ वि॒श्वान्य॑र्य॒ आ॒ द्यु॒म्नानि॑ मा॒नु॒षा॒णाम् ।  
 सि॒षा॑स॒न्तो॒ वना॑महे ॥ १.०६१.११  
 स॒ न॒ इन्द्रा॑य॒ यज्य॑वे॒ वरु॑णाय॒ मरु॑द्भ्यः ।  
 व॒रि॒वो॒वि॒त्परि॑ स्रव ॥ १.०६१.१२  
 उ॒पो॒ षु जा॑त॒म॒प्तु॒रं गो॒भिर्भ॑ङ्गं॒ परि॑ष्कृतम् ।  
 इ॒न्दु॑ दे॒वा अ॑या॒सि॒षुः ॥ १.०६१.१३  
 त॒मि॒द्वर्ध॑न्तु॒ नो॒ गि॒रो॑ व॒त्सं॑ सं॒शि॒श्वरी॑रिव ।  
 य॒ इन्द्र॑स्य॒ हृद॑स॒निः ॥ १.०६१.१४  
 अ॒षा॑ णः॒ सोम॑ शं॒ गवे॑ धु॒क्षस्व॑ पि॒प्यु॒षी॒मिष॑म् ।  
 व॒र्धा॑ स॒मु॒द्र॒मु॒क्थ्य॑म् ॥ १.०६१.१५  
 प॒र्व॒मा॒नो॒ अजी॑जन॒द्वि॒व॒श्वि॒त्रं न॑ त॒न्य॑तुम् ।  
 ज्यो॒तिर्वै॑श्वान॒रं बृ॒हत् ॥ १.०६१.१६  
 प॒र्व॒मा॒न॒स्य॑ ते॒ रसो॑ म॒दो॑ रा॒ज॒न्न॒दु॒च्छु॒नः ।  
 वि॒ वार॑म॒व्य॑म॒र्ष॑ति ॥ १.०६१.१७  
 प॒र्व॒मा॒न॒ रस॑स्त॒व द॒क्षो॒ वि॒ रा॑जति॒ द्यु॒मा॒न् ।  
 ज्यो॒तिर्वि॑श्व॒ स्व॑र्दृ॒शे ॥ १.०६१.१८  
 य॒स्ते॒ म॒दो॒ वरे॑ण्य॒स्तेना॑ प॒व॒स्वान्ध॑सा ।  
 दे॒वा॒वी॒र॒घ॑शं॒सहा॑ ॥ १.०६१.१९  
 ज॒घ्नि॒वृ॒त्र॒म॒मि॒त्रि॒यं स॑स्नि॒र्वा॒जं॑ दि॒वे॒दिवे॑ ।

गो॒षा उ॑ अ॒श्वसा॑ अ॒सि ॥ १.०६१.२०  
 स॒म्मि॑श्लो अ॒रुषो॑ भ॒व सू॒प॒स्थाभि॑र्न धे॒नुभिः॑ ।  
 सीद॑ञ्छे॒नो न॑ योनि॒मा ॥ १.०६१.२१  
 स प॑वस्व॒ य आ॒वि॒थेन्द्रं॑ वृ॒त्राय॑ ह॒न्त॒वे ।  
 व॒त्रि॒वांसं॑ म॒हीर॑पः ॥ १.०६१.२२  
 सु॒वीरा॑सो व॒यं ध॒ना ज॑येम॒ सोम॑ मी॒ढ्वः ।  
 पु॒ना॒नो व॑र्ध॒ नो गि॑रः ॥ १.०६१.२३  
 त्वो॒ता॒स॒स्तवा॑व॒सा स्याम॑ व॒न्वन्त॑ आ॒मुरः॑ ।  
 सोमं॑ व्र॒तेषु॑ जागृ॒हि ॥ १.०६१.२४  
 अ॒प॒घ्न॒न्प॑व॒ते मृ॒धोऽप॑ सोमो॒ अरा॑व्यः ।  
 ग॒च्छ॒न्निन्द्र॑स्य॒ निष्कृ॑तम् ॥ १.०६१.२५  
 म॒हो नो॑ रा॒य आ भ॑र॒ पव॑मान॒ ज॒ही मृ॑धः ।  
 रा॒स्वे॒न्दो वी॑र॒वद्य॑शः ॥ १.०६१.२६  
 न त्वा॑ श॒तं च॑न॒ ह्रु॒तो रा॒धो दि॑त्स॒न्त॒मा मि॑नन् ।  
 यत्पु॑ना॒नो म॑ख॒स्यसे॑ ॥ १.०६१.२७  
 प॒व॒स्वे॒न्दो वृ॑षा॒ सुतः॑ कृ॒धी नो॑ य॒शसो॑ जने ।  
 वि॒श्व॒ा अ॒प॒ द्वि॑षो॒ जहि॑ ॥ १.०६१.२८  
 अ॒स्य॑ ते स॒ख्ये व॑यं तवे॒न्दो द्यु॑म्न उ॒त्त॒मे ।  
 सा॒स॒ह्याम॑ पृ॒त॒न्य॒तः ॥ १.०६१.२९  
 या ते॑ भी॒मान्या॑यु॒धा ति॑ग्मानि॒ सन्ति॑ धूर्॒वणि॑ ।  
 र॒क्षा॑ सम॒स्य नो॑ नि॒दः ॥ १.०६१.३०

ए॒ते अ॑सृ॒ग्रमि॑न्द॒वस्ति॑रः प॒वि॒त्रमा॑श॒वः ।  
 वि॒श्व॒ान्य॑भि सौ॒भगा॑ ॥ १.०६२.०१  
 वि॒घ्न॒न्तो॑ दु॒रि॒ता पु॒रु सु॒गा तो॑काय॒ वा॒जिनः॑ ।  
 तना॑ कृ॒ण्व॒न्तो अ॑व॒ते ॥ १.०६२.०२  
 कृ॒ण्व॒न्तो व॑रि॒वो ग॑वेऽभ्य॒र्षन्ति॑ सु॒ष्टु॒तिम् ।  
 इ॒ळा॑म॒स्मभ्य॑ सं॒य॒तम् ॥ १.०६२.०३  
 अ॒सा॒व्यं॒शुर्म॑दा॒याप्सु॑ दक्षो॒ गि॒रि॒ष्ठाः ।  
 श्ये॒नो न॑ योनि॒मास॑दत् ॥ १.०६२.०४  
 शु॒भ्रम॑न्धो॒ दे॒वा॒त॒म॒प्सु धृ॒तो नृ॑भिः॒ सुतः॑ ।  
 स्व॑दन्ति॒ गा॒वः प॑योभिः ॥ १.०६२.०५  
 आ॒दी॒म॒श्वं न॑ हे॒तारो॑ऽशू॒शुभ॑न्न॒मृता॑य ।  
 म॒ध्वो र॑सं स॒ध॒मादे॑ ॥ १.०६२.०६  
 या॒स्ते धा॑रा॒ मधु॑श्च॒तोऽसृ॑ग्रमि॒न्द उ॒तये॑ ।  
 ताभिः॑ प॒वि॒त्रमा॑स॒दः ॥ १.०६२.०७

सो अर्षेन्द्राय पीतये तिमिरो रोमाण्यव्यया ।  
 सीदन्योना वनेष्वा ॥ १.०६२.०८  
 त्वमिन्दो परि स्रव स्वादिष्ठो अङ्गिरोभ्यः ।  
 वरिवोविद्घृतं पर्याः ॥ १.०६२.०९  
 अयं विचर्षणिर्हितः पवमानः स चेतति ।  
 हिन्वान आप्यं बृहत् ॥ १.०६२.१०  
 एष वृषा वृषव्रतः पवमानो अशस्तिहा ।  
 करद्वसूनि दाशुषे ॥ १.०६२.११  
 आ पवस्व सहस्रिणं रयिं गोमन्तमश्विनम् ।  
 पुरुश्चन्द्रं पुरुस्पृहम् ॥ १.०६२.१२  
 एष स्य परि षिच्यते मर्मज्यमान आयुभिः ।  
 उरगायः कविक्रतुः ॥ १.०६२.१३  
 सहस्रोतिः शतामघो विमानो रजसः कविः ।  
 इन्द्राय पवते मदः ॥ १.०६२.१४  
 गिरा जात इह स्तुत इन्दुरिन्द्राय धीयते ।  
 वियोना वसतार्विव ॥ १.०६२.१५  
 पवमानः सुतो नृभिः सोमो वाजमिवासरत् ।  
 चमूषु शकमानासदम् ॥ १.०६२.१६  
 तं त्रिपृष्ठे त्रिवन्धुरे रथे युञ्जन्ति यातवे ।  
 ऋषीणां सप्त धीतिभिः ॥ १.०६२.१७  
 तं सोतारो धनस्पृतमाशुं वाजाय यातवे ।  
 हरिं हिनोत वाजिनम् ॥ १.०६२.१८  
 आविशन्कलशं सुतो विश्वा अर्षन्नभि श्रियः ।  
 शूरो न गोषु तिष्ठति ॥ १.०६२.१९  
 आ त इन्दो मदाय कं पर्यो दुहन्त्यायवः ।  
 देवा देवेभ्यो मधु ॥ १.०६२.२०  
 आ नः सोमं पवित्र आ सृजता मधुमत्तमम् ।  
 देवेभ्यो देवश्रुत्तमम् ॥ १.०६२.२१  
 एते सोमा असृक्षत गृणानाः श्रवसे महे ।  
 मदिन्तमस्य धारया ॥ १.०६२.२२  
 अभि गव्यानि वीतये नृम्णा पुनानो अर्षसि ।  
 सनद्वाजः परि स्रव ॥ १.०६२.२३  
 उत नो गोमतीरिषो विश्वा अर्ष परिष्टुभः ।  
 गृणानो जमदग्निना ॥ १.०६२.२४  
 पवस्व वाचो अग्रियः सोमं चित्राभिरुतिभिः ।  
 अभि विश्वानि काव्या ॥ १.०६२.२५

त्वं समुद्रिया॑ अपो॑ऽग्नि॒यो वाच॑ ईरयन् ।  
 पव॑स्व विश्वमेजय ॥ १.०६२.२६  
 तुभ्ये॒मा भुव॑ना कवे महि॒म्ने सोम॑ तस्थिरे ।  
 तुभ्य॑मर्षन्ति सिन्ध॒वः ॥ १.०६२.२७  
 प्र ते॑ दि॒वो न वृ॒ष्टयो॑ धारा॑ यन्त्यस॒ञ्चतः॑ ।  
 अ॒भि शु॒क्रामु॑प॒स्तिर॑म् ॥ १.०६२.२८  
 इन्द्रा॒येन्दु॑ पुनीतनो॒ग्रं दक्षा॑य साधनम् ।  
 ई॒शानं॑ वीतिराधसम् ॥ १.०६२.२९  
 पव॑मान ऋ॒तः क॒विः सोमः॑ प॒वित्र॑मासदत् ।  
 दध॑त्स्तोत्रे सुवीर्यम् ॥ १.०६२.३०

आ पव॑स्व सह॒स्रिणं॑ र॒यिं सोम॑ सुवीर्यम् ।  
 अ॒स्मे श्रवा॑सि धारय ॥ १.०६३.०१  
 इ॒षमू॑र्जा च पिन्वस॒ इन्द्रा॑य मत्सरि॒न्तमः॑ ।  
 च॒मूष्वा॑ नि षीदसि ॥ १.०६३.०२  
 सु॒त इन्द्रा॑य विष्णवे सोमः॑ क॒लशे॑ अक्षरत् ।  
 मधु॑माँ अस्तु वा॒यवे॑ ॥ १.०६३.०३  
 ए॒ते असृ॑ग्रमाशवोऽति॒ ह्वरा॑सि ब॒भ्रवः॑ ।  
 सोमा॑ ऋ॒तस्य॑ धारया ॥ १.०६३.०४  
 इन्द्रं॑ वर्ध॒न्तो अ॒प्तुरः॑ कृ॒ण्वन्तो॑ विश्वमार्यम् ।  
 अ॒पघ्न॑न्तो अरा॒व्याः ॥ १.०६३.०५  
 सु॒ता अनु॑ स्वमा रजोऽभ्यर्षन्ति ब॒भ्रवः॑ ।  
 इन्द्रं॑ गच्छ॒न्त इन्द्र॑वः ॥ १.०६३.०६  
 अ॒या पव॑स्व धारया॒ यया॑ सूर्यमरोचयः ।  
 हि॒न्वानो॑ मानु॒षीर॑पः ॥ १.०६३.०७  
 अ॒युक्त॑ सूर ए॒तश॑ पवमानो म॒नावधि॑ ।  
 अ॒न्तरि॑क्षेण यातवे ॥ १.०६३.०८  
 उ॒त त्या॑ हरितो दश॒ सूरौ॑ अ॒युक्त॑ यातवे ।  
 इन्द्रु॑रिन्द्र इति॑ ब्रुवन् ॥ १.०६३.०९  
 प॒रीतो॑ वा॒यवे॑ सु॒तं गिर॑ इन्द्रा॒य मत्सर॑म् ।  
 अव्यो॑ वारेषु सिञ्चत ॥ १.०६३.१०  
 पव॑मान विदा र॒यिम॑स्मभ्य॑ सोम दुष्टरम् ।  
 यो दू॒णाशो॑ वनुष्यता ॥ १.०६३.११  
 अ॒भ्यर्ष॑ सह॒स्रिणं॑ र॒यिं गोम॑न्तम॒श्विन॑म् ।  
 अ॒भि वाज॑मु॒त श्रवः॑ ॥ १.०६३.१२  
 सोमो॑ दे॒वो न सूर्यो॑ऽद्विभिः पवते सु॒तः ।

दधानः कलशे रसम् ॥ १.०६३.१३  
 एते धामान्यार्या शुक्रा ऋतस्य धारया ।  
 वाजं गोमन्तमक्षरन् ॥ १.०६३.१४  
 सुता इन्द्राय वज्रिणे सोमासो दध्याशिरः ।  
 पवित्रमत्यक्षरन् ॥ १.०६३.१५  
 प्र सोम मधुमत्तमो राये अर्षे पवित्र आ ।  
 मदो यो देववीतमः ॥ १.०६३.१६  
 तमी मृजन्त्यायवो हरि नदीषु वाजिनम् ।  
 इन्दुमिन्द्राय मत्सरम् ॥ १.०६३.१७  
 आ पवस्व हिरण्यवदश्चावत्सोम वीरवत् ।  
 वाजं गोमन्तमा भर ॥ १.०६३.१८  
 परि वाजे न वाजियुमव्यो वारेषु सिञ्चत ।  
 इन्द्राय मधुमत्तमम् ॥ १.०६३.१९  
 कविं मृजन्ति मर्ज्यं धीभिर्विप्रा अवस्यवः ।  
 वृषा कनिक्रदर्षति ॥ १.०६३.२०  
 वृषाणं धीभिरप्तुरं सोममृतस्य धारया ।  
 मती विप्राः समस्वरन् ॥ १.०६३.२१  
 पवस्व देवायुषगिन्द्रं गच्छतु ते मदः ।  
 वायुमा रोह धर्मणा ॥ १.०६३.२२  
 पवमानं नि तोशसे रयिं सोम श्रवाय्यम् ।  
 प्रियः समुद्रमा विश ॥ १.०६३.२३  
 अपघ्नन्पवसे मृधः क्रतुवित्सोम मत्सरः ।  
 नुदस्वादेवयुं जनम् ॥ १.०६३.२४  
 पवमाना असृक्षत सोमाः शुक्रास इन्दवः ।  
 अभि विश्वानि काव्या ॥ १.०६३.२५  
 पवमानास अशवः शुभ्रा असृप्रमिन्दवः ।  
 घ्नन्तो विश्वा अप द्विषः ॥ १.०६३.२६  
 पवमाना दिवस्पयन्तरिक्षादसृक्षत ।  
 पृथिव्या अधि सानवि ॥ १.०६३.२७  
 पुनानः सोम धारयेन्दो विश्वा अप सिधः ।  
 जहि रक्षांसि सुक्रतो ॥ १.०६३.२८  
 अपघ्नन्सोम रक्षसोऽभ्यर्ष कनिक्रदत् ।  
 दुमन्तं शुष्ममुत्तमम् ॥ १.०६३.२९  
 अस्मे वसूनि धारय सोम दिव्यानि पार्थिवा ।  
 इन्दो विश्वानि वार्या ॥ १.०६३.३०

वृषा॑ सोम॑ दु॒माँ अ॒सि वृषा॑ दे॒व वृष॑व्रतः ।  
 वृषा॑ ध॒र्माणि॑ दधिषे ॥ ९.०६४.०१  
 वृष्ण॑स्ते वृष्ण॑यं श॒वो वृषा॑ व॒नं वृषा॑ म॒दः ।  
 स॒त्यं वृष॑न्वृषे॒दसि ॥ ९.०६४.०२  
 अ॒श्वो न च॑क्रदो वृषा॑ सं गा इ॒न्दो स॒मर्व॑तः ।  
 वि नो॑ रा॒ये दुरो॑ वृधि ॥ ९.०६४.०३  
 अ॒सृक्ष॑त् प्र वा॒जिनो॑ ग॒व्या सोमा॑सो अ॒श्वया॑ ।  
 शु॒क्रासो॑ वी॒रया॑शवः ॥ ९.०६४.०४  
 शु॒म्भमा॑ना ऋ॒तायु॑भिर्मु॒ज्यमा॑ना ग॒भस्त्योः॑ ।  
 प॒व॒न्ते वा॑रे॒ अव्य॑ये ॥ ९.०६४.०५  
 ते वि॒श्वो दा॒शुषे॑ वसु॒ सोमा॑ दि॒व्यानि॑ पा॒र्थि॒वा ।  
 प॒व॒न्ता॒मान्तरि॑क्ष्या ॥ ९.०६४.०६  
 प॒व॒मान॑स्य वि॒श्ववि॑त्प्र ते॒ सर्गा॑ अ॒सृक्ष॑त् ।  
 सूर्य॑स्ये॒व न र॒श्मयः॑ ॥ ९.०६४.०७  
 के॒तुं कृ॒ण्वन्दि॒वस्परि॑ वि॒श्वो रू॒पाभ्य॑र्षे॒सि ।  
 स॒मु॒द्रः सोम॑ पि॒न्वसे ॥ ९.०६४.०८  
 हि॒न्वा॒नो वा॒चा॒मिष्य॑सि प॒व॒मान॑ वि॒धर्म॑णि ।  
 अ॒क्रान्दे॒वो न सूर्यः॑ ॥ ९.०६४.०९  
 इ॒न्दुः प॒विष्ट॑ चेत॒नः प्रि॒यः क॒वीनां॑ म॒ती ।  
 सृ॒जद॑श्च॒ रथी॑रि॒व ॥ ९.०६४.१०  
 ऊ॒र्मि॒र्यस्ते॑ प॒वित्र॑ आ दे॒वा॒वीः प॒र्यक्ष॑रत् ।  
 सी॒द॒न्नृ॒तस्य॑ यो॒नि॒मा ॥ ९.०६४.११  
 स नो॑ अ॒र्षे प॒वित्र॑ आ म॒दो यो दे॒व॒वीत॑मः ।  
 इ॒न्द॒विन्द्रा॑य पी॒तये॑ ॥ ९.०६४.१२  
 इ॒षे प॑व॒स्व धा॑र॒या मु॒ज्यमा॑नो म॒नीषि॑भिः ।  
 इ॒न्दो रू॒चाभि॑ गा इ॒हि ॥ ९.०६४.१३  
 पु॒ना॒नो व॑रि॒वस्कृ॑ध्यूर्ज॒ जना॑य गि॒र्वणः॑ ।  
 ह॒रे सृ॑जा॒न आ॒शिर॑म् ॥ ९.०६४.१४  
 पु॒ना॒नो दे॒व॒वीत॑य इ॒न्द्रस्य॑ या॒हि नि॑ष्कृतम् ।  
 द्यु॒ता॒नो वा॒जिभि॑र्य॒तः ॥ ९.०६४.१५  
 प्र हि॒न्वा॒नास॑ इ॒न्द॒वोऽच्छा॑ स॒मु॒द्रमा॑शवः ।  
 धि॒या जू॑ता अ॒सृक्ष॑त् ॥ ९.०६४.१६  
 म॒र्म॒जा॒नास॑ आ॒यवो॑ वृथा॑ स॒मु॒द्रमि॑न्द॒वः ।  
 अ॒ग॒म॒न्नृ॒तस्य॑ यो॒नि॒मा ॥ ९.०६४.१७  
 परि॑ णो या॒ह्यस्म॑यु॒र्विश्वा॑ वसू॒न्यो॒जसा॑ ।  
 पा॒हि नः॑ श॒र्म वी॑रवत् ॥ ९.०६४.१८

मिमाति वह्नरेतशः पदं युजान ऋक्वभिः ।  
प्र यत्समुद्र आहितः ॥ १.०६४.१९  
आ यद्योनिं हिण्ययमाशुर्ऋतस्य सीदति ।  
जहात्यप्रचेतसः ॥ १.०६४.२०  
अभि वेना अनूषतेयक्षन्ति प्रचेतसः ।  
मज्जन्त्यविचेतसः ॥ १.०६४.२१  
इन्द्रायिन्दो मरुत्वते पवस्व मधुमत्तमः ।  
ऋतस्य योनिमासदम् ॥ १.०६४.२२  
तं त्वा विप्रा वचोविदः परि ष्कृण्वन्ति वेधसः ।  
सं त्वा मृजन्त्यायवः ॥ १.०६४.२३  
रसं ते मित्रो अर्यमा पिबन्ति वरुणः कवे ।  
पवमानस्य मरुतः ॥ १.०६४.२४  
त्वं सोम विपश्चितं पुनानो वाचमिष्यसि ।  
इन्दो सहस्रभर्णसम् ॥ १.०६४.२५  
उतो सहस्रभर्णसं वाचं सोम मखस्युवम् ।  
पुनान इन्दवा भर ॥ १.०६४.२६  
पुनान इन्दवेषां पुरुहूत जनानाम् ।  
प्रियः समुद्रमा विश ॥ १.०६४.२७  
दविद्युतत्या रुचा परिष्टोभन्त्या कृपा ।  
सोमाः शुक्रा गवाशिरः ॥ १.०६४.२८  
हिन्वानो हेतृभिर्यत आ वाजं वाज्यक्रीम् ।  
सीदन्तो वनुषो यथा ॥ १.०६४.२९  
ऋधक्सोम स्वस्तये संजग्मानो दिवः कविः ।  
पवस्व सूर्यो दूशे ॥ १.०६४.३०

हिन्वन्ति सूरमुस्रयः स्वसारो जामयस्पतिम् ।  
महामिन्दुं महीयुवः ॥ १.०६५.०१  
पवमान रुचारुचा देवो देवेभ्यस्परि ।  
विश्वं वसून्या विश ॥ १.०६५.०२  
आ पवमान सुष्टुतिं वृष्टिं देवेभ्यो दुवः ।  
इषे पवस्व संयतम् ॥ १.०६५.०३  
वृषा ह्यसि भानुना द्युमन्तं त्वा हवामहे ।  
पवमान स्वाध्यः ॥ १.०६५.०४  
आ पवस्व सुवीर्यं मन्दमानः स्वायुध ।  
इहो ष्विन्दवा गहि ॥ १.०६५.०५  
यदद्भिः परिषिच्यसे मृज्यमानो गभस्त्योः ।

द्रुणां सधस्थमश्नुषे ॥ ९.०६५.०६  
 प्र सोमाय व्यश्वत्पवमानाय गायत ।  
 महे सहस्रचक्षसे ॥ ९.०६५.०७  
 यस्य वर्णं मधुश्चुतं हरिं हिन्वन्त्यद्रिभिः ।  
 इन्दुमिन्द्राय पीतये ॥ ९.०६५.०८  
 तस्य ते वाजिनो वयं विश्वा धनानि जिग्युषः ।  
 सखित्वमा वृणीमहे ॥ ९.०६५.०९  
 वृषा पवस्व धारया मरुत्वते च मत्सरः ।  
 विश्वा दधान ओजसा ॥ ९.०६५.१०  
 तं त्वा धर्तारमोणयोः पवमान स्वर्दृशम् ।  
 हिन्वे वाजेषु वाजिनम् ॥ ९.०६५.११  
 अया चित्तो विपानया हरिः पवस्व धारया ।  
 युजं वाजेषु चोदय ॥ ९.०६५.१२  
 आ न इन्दो महीमिषं पवस्व विश्वदर्शतः ।  
 अस्मभ्यं सोम गातुवित् ॥ ९.०६५.१३  
 आ कलशा अनूषतेन्दो धाराभिरोजसा ।  
 एन्द्रस्य पीतये विश ॥ ९.०६५.१४  
 यस्य ते मद्यं रसं तीव्रं दुहन्त्यद्रिभिः ।  
 स पवस्वाभिमातिहा ॥ ९.०६५.१५  
 राजा मेधाभिरीयते पवमानो मनावधि ।  
 अन्तरिक्षेण यातवे ॥ ९.०६५.१६  
 आ न इन्दो शतग्विनं गवां पोषं स्वश्र्यम् ।  
 वहा भर्गत्तिमृतये ॥ ९.०६५.१७  
 आ नः सोम सहो जुवो रूपं न वर्चसे भर ।  
 सुष्वानो देववीतये ॥ ९.०६५.१८  
 अषां सोम द्युमत्तमोऽभि द्रोणानि रोरुवत् ।  
 सीदञ्छोनो न योनिमा ॥ ९.०६५.१९  
 अप्सा इन्द्राय वायवे वरुणाय मरुद्भ्यः ।  
 सोमो अर्षति विष्णवे ॥ ९.०६५.२०  
 इषं तोकाय नो दधदस्मभ्यं सोम विश्वतः ।  
 आ पवस्व सहस्रिणम् ॥ ९.०६५.२१  
 ये सोमासः परावति ये अर्वावति सुन्विरे ।  
 ये वादः शर्यणावति ॥ ९.०६५.२२  
 य आर्जीकिषु कृत्वसु ये मध्ये पस्त्यानाम् ।  
 ये वा जनेषु पञ्चसु ॥ ९.०६५.२३  
 ते नो वृष्टिं दिवस्परि पवन्तामा सुवीर्यम् ।



सु॒वा॒ना दे॒वास॒ इन्द्र॑वः ॥ १.०६५.२४  
 प॒वते॑ ह॒र्यतो॑ हरि॒र्गृणा॑नो ज॒मद॑ग्निना ।  
 हि॒न्वा॒नो गो॒रधि॑ त्व॒चि ॥ १.०६५.२५  
 प्र॒ शु॒क्रासो॑ व॒यो॒जुवो॑ हि॒न्वा॒नासो॑ न स॒प्तयः॑ ।  
 श्री॒णा॒ना अ॒प्सु मृ॒ञ्जत ॥ १.०६५.२६  
 तं त्वा॑ सु॒तेष्वा॒भुवो॑ हि॒न्विरे॑ दे॒वता॑तये ।  
 स प॑व॒स्वा॒नया॑ रु॒चा ॥ १.०६५.२७  
 आ ते॑ दक्ष॑ म॒यो॒भुवं॑ व॒ह्नि॒मद्या॑ वृ॒णीम॑हे ।  
 पा॒न्त॒मा पु॒रु॒स्पृ॒हम् ॥ १.०६५.२८  
 आ म॒न्द्र॒मा व॒रेण॑य॒मा वि॒प्र॒मा म॑नी॒षिण॑म् ।  
 पा॒न्त॒मा पु॒रु॒स्पृ॒हम् ॥ १.०६५.२९  
 आ र॒यि॒मा सु॒चे॒तु॒न॒मा सु॑क्रतो॒ त॒नू॒ष्वा ।  
 पा॒न्त॒मा पु॒रु॒स्पृ॒हम् ॥ १.०६५.३०

प॒व॒स्व वि॒श्वच॑र्षणे॒ऽभि वि॒श्वानि॑ का॒व्या ।  
 स॒खा स॒खि॒भ्य ई॒ड्यः ॥ १.०६६.०१  
 ता॒भ्यां वि॒श्वस्य॑ राज॒सि॒ ये प॑व॒मान॒ धाम॑नी ।  
 प्र॒ती॒ची सोम॑ त॒स्थतुः॑ ॥ १.०६६.०२  
 परि॑ धा॒मानि॒ यानि॑ ते त्वं सो॒मासि॑ वि॒श्वतः॑ ।  
 प॒व॒मान॑ ऋ॒तुभिः॑ क॒वे ॥ १.०६६.०३  
 प॒व॒स्व ज॒नय॑न्निषो॒ऽभि वि॒श्वानि॑ वा॒र्या ।  
 स॒खा स॒खि॒भ्य ऊ॒तये॑ ॥ १.०६६.०४  
 तव॑ शु॒क्रासो॑ अ॒र्चयो॑ दि॒वस्पृ॑ष्टे वि त॑न्वते ।  
 प॒वि॒त्रं सोम॑ धा॒मभिः॑ ॥ १.०६६.०५  
 त॒वेमे॑ स॒प्त सि॒न्धवः॑ प्र॒शिषं॑ सोम॒ सि॒स्रते॑ ।  
 तु॒भ्यं धा॑वन्ति धे॒नवः॑ ॥ १.०६६.०६  
 प्र सोम॑ याहि॒ धार॑या सु॒त इन्द्रा॑य मत्स॒रः ।  
 द॒धानो॑ अ॒क्षिति॑ श्रवः ॥ १.०६६.०७  
 समु॑ त्वा धी॒भिर॑स्वर॒न्दि॒न्वतीः॑ स॒प्त जा॒मयः॑ ।  
 वि॒प्र॒मा॒जा वि॒वस्व॑तः ॥ १.०६६.०८  
 मृ॒जन्ति॑ त्वा॒ सम॑भ्रुवो॒ऽव्ये॑ जी॒राव॑धि॒ ष्वणि॑ ।  
 रे॒भो यद॑ज्यसे॒ वने॑ ॥ १.०६६.०९  
 प॒व॒मान॑स्य ते क॒वे वा॒जि॒न्सर्गा॑ असृ॒क्षत॑ ।  
 अ॒र्व॒न्तो न॑ श्रव॒स्यवः॑ ॥ १.०६६.१०  
 अ॒च्छा॒ कोशं॑ मधु॒श्चु॒तम॑सृ॒ग्रं वा॒रे अ॒व्यये॑ ।  
 अ॒वा॒व॒श॒न्त धी॑तयः ॥ १.०६६.११

अच्छा॑ समु॒द्रमि॒न्द्वोऽस्तं॑ गा॒वो न धे॒नवः॑ ।  
 अ॒गम॑न्नृतस्य॒ योनि॑मा ॥ ९.०६६.१२  
 प्र ण॑ इ॒न्दो म॒हे र॒ण आ॒पो अ॑र्षन्ति॒ सिन्ध॑वः ।  
 य॒ज्ञोभि॑र्वासि॒ष्यसे॑ ॥ ९.०६६.१३  
 अस्य॑ ते स॒ख्ये व॒यमि॑य॒क्षन्त॑स्त्वो॒तयः॑ ।  
 इ॒न्दो स॒खित्व॑मु॒श्मसि॑ ॥ ९.०६६.१४  
 आ प॑वस्व॒ गवि॑ष्टये म॒हे सोम॑ नृ॒चक्ष॑से ।  
 ए॒न्द्रस्य॑ ज॒ठरे॑ वि॒श ॥ ९.०६६.१५  
 म॒हाँ अ॑सि सोम॒ ज्येष्ठ॑ उ॒ग्राणा॑मि॒न्द ओ॒जिष्ठः॑ ।  
 यु॒ध्वा स॒ञ्छश्च॑ज्जि॒गेथ॑ ॥ ९.०६६.१६  
 य उ॒ग्रोभ्य॑श्चि॒दो जी॒याञ्छ॑रे॒भ्यश्चि॑च्छ॒रतरः॑ ।  
 भू॒रिदा॑भ्य॒श्चिन्म॑ही॒यान् ॥ ९.०६६.१७  
 त्वं सोम॑ सू॒र ए॑ष॒स्तोक॑स्य॒ साता॑ त॒नूना॑म् ।  
 वृ॒णीम॑हे स॒ख्याय॑ वृ॒णीम॑हे यु॒ज्याय॑ ॥ ९.०६६.१८  
 अ॒ग्न आ॒यूषि॑ प॒वस॑ आ सु॒वोर्ज॑मिषं च नः ।  
 अ॒रे बा॑धस्व दु॒च्छुना॑म् ॥ ९.०६६.१९  
 अ॒ग्निर्ऋ॑षिः प॒वमा॑नः पा॒ञ्चज॑न्यः पु॒रोहि॑तः ।  
 तमी॑महे म॒हाग॑यम् ॥ ९.०६६.२०  
 अ॒ग्ने प॑वस्व॒ स्वपा॑ अ॒स्मे वर्चः॑ सु॒वीर्य॑म् ।  
 दध॑र्त्रियं म॒यि पो॑षम् ॥ ९.०६६.२१  
 प॒वमा॑नो अ॒ति स्रि॑धोऽभ्य॒र्षति॑ सु॒ष्टुति॑म् ।  
 सू॒रो न वि॒श्वदर्श॑तः ॥ ९.०६६.२२  
 स म॑र्म॒जान॑ आ॒युभिः॑ प्र॒यस्वा॑न्प्र॒यसे॑ हितः ।  
 इ॒न्दुर॑त्यो॒ विच॑क्षणः ॥ ९.०६६.२३  
 प॒वमा॑न ऋ॒तं बृ॒हच्छु॑क्रं ज्योति॒रजी॑जनत् ।  
 कृ॒ष्णा त॑मा॒सि ज॒ङ्घन॑त् ॥ ९.०६६.२४  
 प॒वमा॑नस्य ज॒ङ्घन॑तो ह॒रेश्च॑न्द्रा अ॒सृक्ष॑त ।  
 जी॒रा अ॒जिर॑शो॒चिषः॑ ॥ ९.०६६.२५  
 प॒वमा॑नो र॒थीत॑मः शु॒भ्रेभिः॑ शु॒भ्रश॑स्तमः ।  
 हरि॑श्चन्द्रो म॒रुद्ग॑णः ॥ ९.०६६.२६  
 प॒वमा॑नो व्य॒श्नव॑द्ग॒श्मभि॑र्वा॒जसा॑तमः ।  
 दध॑त्स्तो॒त्रे सु॒वीर्य॑म् ॥ ९.०६६.२७  
 प्र सु॒वान॑ इ॒न्दुर॑क्षाः प॒वित्र॑म॒त्यव्य॑यम् ।  
 पु॒ना॒न इ॒न्दुरि॑न्द्र॒मा ॥ ९.०६६.२८  
 ए॒ष सोमो॑ अ॒धि त्व॑चि ग॒वां क्री॑ळत्य॒द्रिभिः॑ ।  
 इ॒न्द्रं म॑दा॒य जो॑हु॒वत् ॥ ९.०६६.२९

यस्य॑ ते द्यु॒म॒न॒व॒त्प॒यः॑ प॒व॒मा॒ना॒भृ॒तं॑ दि॒वः॑ ।  
तेन॑ नो मृ॒ळ जी॒वसे॑ ॥ ९.०६६.३०

त्वं सो॒मा॒सि धा॒र॒यु॒र्म॒न्द्र ओ॒जि॒ष्ठो अ॒ध्व॒रे ।  
प॒व॒स्व म॒ह्य॒द्र॒यिः॑ ॥ ९.०६७.०१  
त्वं सु॒तो नृ॒मा॒द॒नो द॒ध॒न्वा॒न्म॒त्स॒रि॒न्त॒मः॑ ।  
इ॒न्द्रा॒य सूरि॒र॒न्ध॒सा ॥ ९.०६७.०२  
त्वं सु॒ष्वा॒णो अ॒द्रि॒भि॒र॒भ्य॒र्ष॒ क॒नि॒क्र॒दत् ।  
द्यु॒म॒न्तं शु॒ष्म॒मु॒त्त॒मम् ॥ ९.०६७.०३  
इ॒न्दु॒हि॒न्वा॒नो अ॒र्ष॒ति ति॒रो वा॒रा॒ण्य॒व्य॒या ।  
ह॒रि॒र्वा॒ज॒म॒चि॒क्र॒दत् ॥ ९.०६७.०४  
इ॒न्दो व्य॒व्य॒म॒र्ष॒सि॒ वि श्र॒वांसि॒ वि सौ॒भ॒गा ।  
वि वा॒जा॒न्सो॒म गो॒म॒तः॑ ॥ ९.०६७.०५  
आ न॑ इ॒न्दो श॒त॒गि॒वन॑ र॒यिं गो॒म॒न्त॒म॒श्वि॒न॒म् ।  
भ॒रा॑ सो॒म स॒ह॒स्रि॒ण॒म् ॥ ९.०६७.०६  
प॒व॒मा॒ना॒स इ॒न्द॒व॒स्ति॒रः प॒वि॒त्र॒मा॒श॒वः॑ ।  
इ॒न्द्रं या॒मे॒भि॒रा॒श॒त ॥ ९.०६७.०७  
क॒कु॒हः सो॒म्यो र॒स इ॒न्दु॒रि॒न्द्रा॒य पू॒र्व्यः॑ ।  
आ॒युः प॒व॒त आ॒य॒वे ॥ ९.०६७.०८  
हि॒न्व॒न्ति॒ सूर॒मु॒स्र॒यः प॒व॒मा॒नं म॒धु॒श्चु॒त॒म् ।  
अ॒भि गि॒रा स॒म॒स्व॒र॒न् ॥ ९.०६७.०९  
अ॒वि॒ता नो॑ अ॒जा॒श्वः॑ पू॒षा या॒म॒नि॒या॒म॒नि ।  
आ भ॑क्ष॒त्क॒न्या॒सु नः॑ ॥ ९.०६७.१०  
अ॒यं सो॒मः क॒प॒दि॒ने॑ घृ॒तं न प॒व॒ते म॒धु॑ ।  
आ भ॑क्ष॒त्क॒न्या॒सु नः॑ ॥ ९.०६७.११  
अ॒यं त॑ आ॒घृ॒णे सु॒तो घृ॒तं न प॒व॒ते शु॒चि॑ ।  
आ भ॑क्ष॒त्क॒न्या॒सु नः॑ ॥ ९.०६७.१२  
वा॒चो ज॒न्तुः क॒वी॒नां प॒व॒स्व सो॒म धा॒र॒या ।  
दे॒वेषु॑ र॒त्न॒धा अ॒सि ॥ ९.०६७.१३  
आ क॒ल॒शेषु॑ धा॒वति॑ श्ये॒नो वर्म॑ वि गा॒ह॒ते ।  
अ॒भि द्रो॒णा क॒नि॒क्र॒दत् ॥ ९.०६७.१४  
प॒रि प्र॑ सो॒म ते॒ र॒सोऽस॑र्जि॒ क॒ल॒शे सु॒तः॑ ।  
श्ये॒नो न त॒क्तो॑ अ॒र्ष॒ति ॥ ९.०६७.१५  
प॒व॒स्व सो॒म म॒न्द॒य॒न्नि॒न्द्रा॒य म॒धु॒म॒त्त॒मः॑ ॥ ९.०६७.१६  
अ॒सृ॒ग्र॒न्दे॒व॒वी॒त॒ये वा॒ज॒य॒न्तो॒ रथा॑ इ॒व ॥ ९.०६७.१७  
ते सु॒ता॒सो म॒दि॒न्त॒माः शु॒क्रा वा॒यु॒म॒सृ॒क्ष॒त ॥ ९.०६७.१८

ग्राव्यां तुन्नो अभिष्टुतः पवित्रं सोम गच्छसि ।  
 दधत्स्तोत्रे सुवीर्यम् ॥ १.०६७.१९  
 एष तुन्नो अभिष्टुतः पवित्रमतिं गाहते ।  
 रक्षोहा वारमव्ययम् ॥ १.०६७.२०  
 यदन्ति यच्च दूरेके भयं विन्दति मामिह ।  
 पवमानं वि तज्जहि ॥ १.०६७.२१  
 पवमानः सो अद्य नः पवित्रेण विचर्षणिः ।  
 यः पोता स पुनातु नः ॥ १.०६७.२२  
 यत्ते पवित्रमर्चिष्यग्ने विततमन्तरा ।  
 ब्रह्म तेन पुनीहि नः ॥ १.०६७.२३  
 यत्ते पवित्रमर्चिवदग्ने तेन पुनीहि नः ।  
 ब्रह्मसवैः पुनीहि नः ॥ १.०६७.२४  
 उभाभ्यां देव सवितः पवित्रेण सवेन च ।  
 मां पुनीहि विश्वतः ॥ १.०६७.२५  
 त्रिभिष्टवं देव सवितर्वर्षिष्टैः सोम धामभिः ।  
 अग्ने दक्षैः पुनीहि नः ॥ १.०६७.२६  
 पुनन्तु मां देवजनाः पुनन्तु वसवो धिया ।  
 विश्वे देवाः पुनीत मा जातवेदः पुनीहि मां ॥ १.०६७.२७  
 प्र प्यायस्व प्र स्यन्दस्व सोम विश्वेभिरंशुभिः ।  
 देवेभ्य उत्तमं हविः ॥ १.०६७.२८  
 उप प्रियं पनिप्लतं युवानमाहुतीवृधम् ।  
 अगन्म बिभ्रतो नमः ॥ १.०६७.२९  
 अलाय्यस्य परशुर्ननाश तमा पवस्व देव सोम ।  
 आखुं चिदेव देव सोम ॥ १.०६७.३०  
 यः पावमानीरध्येत्यृषिभिः सम्भृतं रसम् ।  
 सर्वं स पूतमश्नाति स्वदितं मातरिश्चना ॥ १.०६७.३१  
 पावमानीर्यो अध्येत्यृषिभिः सम्भृतं रसम् ।  
 तस्मै सरस्वती दुहे क्षीरं सर्पिर्मधूदकम् ॥ १.०६७.३२

प्र देवमच्छा मधुमन्त इन्दवोऽसिष्यदन्त गाव आ न धेनवः ।  
 बहिषदो वचनावन्त ऊर्धभिः परिस्रुतमुस्रिया निर्णिजं धिरे ॥ १.०६८.०१  
 स रोरुवदभि पूर्वा अचिक्रददुपारुहः श्रथयन्स्वादते हरिः ।  
 तिरः पवित्रं परियन्नुरु ज्ञयो नि शर्याणि दधते देव आ वरम् ॥ १.०६८.०२  
 वि यो ममे यम्या संयती मदः साकंवृधा पर्यसा पिन्वदक्षिता ।  
 मही अपारे रजसी विवेददभिन्नजन्नक्षितं पाज आ दद ॥ १.०६८.०३  
 स मातरा विचरन्वाजयन्नपः प्र मेधिरः स्वधया पिन्वते पदम् ।

अंशुर्यवेन पिपिशे यतो नृभिः सं जामिभिर्नसते रक्षते शिरः ॥ १.०६८.०४  
 सं दक्षेण मनसा जायते क्विर्ऋतस्य गर्भो निहितो यमा परः ।  
 यूना ह सन्ता प्रथमं वि जज्ञतुर्गुहा हितं जनिम नेममुद्यतम् ॥ १.०६८.०५  
 मन्द्रस्य रूपं विविदुर्मनीषिणः श्येनो यदन्धो अभरत्परावतः ।  
 तं मर्जयन्त सुवृधं नदीष्वौ उशन्तमंशुं परियन्तमृगिमयम् ॥ १.०६८.०६  
 त्वां मृजन्ति दश योषणः सुतं सोम ऋषिभिर्मतिभिर्धीतिभिर्हितम् ।  
 अव्यो वारेभिस्त देवहूतिभिर्नृभिर्यतो वाजमा दीषि सातये ॥ १.०६८.०७  
 परिप्रयन्तं व्य्यं सुषंसदं सोमं मनीषा अभ्यनूषत स्तुभः ।  
 यो धारया मधुमा ऊर्मिणा दिव इयति वाचं रयिषाळमर्त्यः ॥ १.०६८.०८  
 अयं दिव इयति विश्वमा रजः सोमः पुनानः कलशेषु सीदति ।  
 अङ्गिर्गोभिर्मृज्यते अङ्गिभिः सुतः पुनान इन्दुर्वरिवो विदत्प्रियम् ॥ १.०६८.०९  
 एवा नः सोम परिषिच्यमानो वयो दधच्चित्रतमं पवस्व ।  
 अद्वेषे द्यावापृथिवी हुवेम देवा धत्त रयिमस्मे सुवीरम् ॥ १.०६८.१०

इषुर्न धन्वन्प्रति धीयते मतिर्वत्सो न मातुरुप सज्यूर्धनि ।  
 उरुधारैव दुहे अग्र आयत्यस्य व्रतेष्वपि सोम इष्यते ॥ १.०६९.०१  
 उपो मतिः पृच्यते सिच्यते मधु मन्द्राजनी चोदते अन्तरासनि ।  
 पवमानः संतनिः प्रघ्नतामिव मधुमान्द्रप्सः परि वारमर्षति ॥ १.०६९.०२  
 अव्ये वधूयुः पवते परि त्वचि श्रथ्नीते नप्तीरदितेऋतं यते ।  
 हरिरक्रान्यजतः संयतो मदो नृणा शिशानो महिषो न शोभते ॥ १.०६९.०३  
 उक्षा मिमाति प्रति यन्ति धेनवो देवस्य देवीरुपं यन्ति निष्कृतम् ।  
 अत्यक्रमीदर्जुनं वारमव्ययमत्कं न निकतं परि सोमो अव्यत ॥ १.०६९.०४  
 अमृक्तेन रुशता वाससा हरिरमर्त्यो निर्णिजानः परि व्यत ।  
 दिवस्पृष्टं बर्हणा निर्णिजे कृतोपस्तरणं चम्बोर्नभस्मयम् ॥ १.०६९.०५  
 सूर्यस्येव रश्मयो द्रावयित्त्वो मत्सरासः प्रसुपः साकमीरते ।  
 तन्तुं ततं परि सर्गास आशवो नेन्द्रादृते पवते धाम किं चन ॥ १.०६९.०६  
 सिन्धोरिव प्रवणे निम्न आशवो वृषच्युता मदासो गातुमाशत ।  
 शं नो निवेशे द्विपदे चतुष्पदेऽस्मे वाजाः सोम तिष्ठन्तु कृष्टयः ॥ १.०६९.०७  
 आ नः पवस्व वसुमद्विरण्यवदश्चावद्गोमद्यवमत्सुवीर्यम् ।  
 यूयं हि सोम पितरो मम स्थन दिवो मूर्धानः प्रस्थिता वयस्कृतः ॥ १.०६९.०८  
 एते सोमाः पवमानास इन्द्र रथा इव प्र ययुः सातिमच्छ ।  
 सुताः पवित्रमति यन्त्यव्यं हित्वी वत्रिं हरितो वृष्टिमच्छ ॥ १.०६९.०९  
 इन्द्रविन्द्राय बृहते पवस्व सुमृळीको अनवद्यो रिशादाः ।  
 भरा चन्द्राणि गृणते वसूनि देवैर्द्यावापृथिवी प्रावतं नः ॥ १.०६९.१०

त्रिरस्मै सप्त धेनवो दुदुहे सत्यामाशिरं पूर्व्ये व्योमनि ।

चत्वार्यन्या भुवनानि निर्णिजे चारुणि चक्रे यदृतैरवर्धत ॥ १.०७०.०१  
 स भिक्षमाणो अमृतस्य चारुण उभे द्यावा काव्येना वि शश्रथे ।  
 तेजिष्ठा अपो मंहना परि व्यत यदी देवस्य श्रवसा सदो विदुः ॥ १.०७०.०२  
 ते अस्य सन्तु केतवोऽमृत्यवोऽदाभ्यासो जनुषी उभे अनु ।  
 येभिर्नुम्णा च देव्या च पुनत आदिद्राजानं मनना अगृभ्णत ॥ १.०७०.०३  
 स मृज्यमानो दशभिः सुकर्माभिः प्र मध्यमासु मातृषु प्रमे सचा ।  
 व्रतानि पानो अमृतस्य चारुण उभे नृचक्षा अनु पश्यते विशौ ॥ १.०७०.०४  
 स मर्मजान इन्द्रियाय धायस ओभे अन्ता रोदसी हर्षते हितः ।  
 वृषा शुष्मेण बाधते वि दुर्मतीरादेदिशानः शयहेव शुरुधः ॥ १.०७०.०५  
 स मातरा न ददृशान उस्त्रियो नानददेति मरुतामिव स्वनः ।  
 जानन्नृतं प्रथमं यत्स्वर्णरं प्रशस्तये कमवृणीत सुक्रतुः ॥ १.०७०.०६  
 स्वति भीमो वृषभस्तविष्यया शृङ्गे शिशानो हरिणी विचक्षणः ।  
 आ योनिं सोमः सुकृतं नि षीदति गव्ययी त्वग्भवति निर्णिगव्ययी ॥ १.०७०.०७  
 शुचिः पुनानस्तन्वमरेपसमव्ये हरिन्यधाविष्ट सानवि ।  
 जुष्टो मित्राय वरुणाय वायवे त्रिधातु मधु क्रियते सुकर्माभिः ॥ १.०७०.०८  
 पवस्व सोम देववीतये वृषेन्द्रस्य हार्दि सोमधानमा विश ।  
 पुरा नो बाधाद्वरिताति पारय क्षेत्रविद्धि दिश आहा विपृच्छते ॥ १.०७०.०९  
 हितो न सप्तिरभि वाजमर्षेन्द्रस्येन्दो जठरमा पवस्व ।  
 नावा न सिन्धुमति पर्षि विद्वाञ्छरो न युध्यन्नव नो निदः स्पः ॥ १.०७०.१०

आ दक्षिणा सृज्यते शुष्यासदं वेति द्रुहो रक्षसः पाति जागृविः ।  
 हरिरोपशं कृणुते नभस्पय उपस्तरे चम्बोर्ब्रह्म निर्णिजे ॥ १.०७१.०१  
 प्र कृष्टिहेव शूष एति रोरुवदसुर्यं वर्णं नि रिणीते अस्य तम् ।  
 जहाति वत्रं पितुरेति निष्कृतमुपप्रुतं कृणुते निर्णिजं तना ॥ १.०७१.०२  
 अद्रिभिः सुतः पवते गभस्त्योवृषायते नभसा वेपते मती ।  
 स मोदते नसते साधते गिरा नैनिकते अप्सु यजते परीमणि ॥ १.०७१.०३  
 परि द्युक्षं सहसः पर्वतावृधं मध्वः सिञ्चन्ति हर्म्यस्य सक्षणिम् ।  
 आ यस्मिन्गावः सुहुताद ऊर्धनि मूर्धञ्छ्रीणन्त्यप्रियं वरीमभिः ॥ १.०७१.०४  
 समी रथं न भुरिजोरहेषत दश स्वसारो अदितेरुपस्थ आ ।  
 जिगादुप ज्रयति गोरपीच्यं पदं यदस्य मतुथा अजीजनन् ॥ १.०७१.०५  
 श्येनो न योनिं सदनं धिया कृतं हिरण्ययमासदं देव एषति ।  
 ए रिणन्ति बर्हिषि प्रियं गिराश्चो न देवा अप्येति यज्ञियः ॥ १.०७१.०६  
 परा व्यक्तो अरुषो दिवः कविर्वृषा त्रिपृष्ठो अनविष्ट गा अभि ।  
 सहस्रणीतिर्यतिः परायती रेभो न पूर्वीरुषसो वि राजति ॥ १.०७१.०७  
 त्वेषं रूपं कृणुते वर्णो अस्य स यत्राशयत्समृता सेधति सिधः ।  
 अप्सा याति स्वधया दैव्यं जनं सं सुष्टुती नसते सं गोअग्रया ॥ १.०७१.०८

उक्षेव युथा परियन्नरावीदधि त्विषीरधित सूर्यस्य ।  
दिव्यः सुपर्णोऽव चक्षत क्षां सोमः परि क्रतुना पश्यते जाः ॥ १.०७१.०९

हरिं मृजन्त्यरुषो न युज्यते सं धेनुभिः कलशे सोमो अज्यते ।  
उद्वाचमीरयति हिन्वते मती पुरुष्टुतस्य कति चित्परिप्रियः ॥ १.०७२.०१  
साकं वदन्ति बहवो मनीषिण इन्द्रस्य सोमं जठरे यदाद्बुहुः ।  
यदी मृजन्ति सुगभस्तयो नरः सनीळाभिर्दशभिः काम्यं मधु ॥ १.०७२.०२  
अरममाणो अत्येति गा अभि सूर्यस्य प्रियं दुहितुस्तिरो रवम् ।  
अन्वस्मै जोषमभरद्विनंगुसः सं द्वयीभिः स्वसृभिः क्षेति जामिभिः ॥ १.०७२.०३  
नृधूतो अद्रिषुतो बर्हिषि प्रियः पतिर्गवां प्रदिव इन्दुर्ऋत्वियः ।  
पुरंधिवान्मनुषो यज्ञसाधनः शुचिर्धिया पवते सोम इन्द्र ते ॥ १.०७२.०४  
नृबाहुभ्यां चोदितो धारया सुतोऽनुष्वधं पवते सोम इन्द्र ते ।  
आप्राः क्रतून्समजैरध्वरे मतीर्वेन दूषच्चम्बोऽरासदद्वरिः ॥ १.०७२.०५  
अंशुं दुहन्ति स्तनयन्तमक्षितं कविं कवयोऽपसो मनीषिणः ।  
समी गावो मतयो यन्ति संयतं ऋतस्य योना सदन पुनर्भुवः ॥ १.०७२.०६  
नाभां पृथिव्या धरुणो महो दिवोऽपामूर्मो सिन्धुष्वन्तरक्षितः ।  
इन्द्रस्य वज्रो वृषभो विभूवसुः सोमो हृदे पवते चारु मत्सरः ॥ १.०७२.०७  
स तू पवस्व परि पार्थिवं रजः स्तोत्रे शिक्षन्नाधून्वते च सुक्रतो ।  
मा नो निर्भग्वसुनः सादनस्पृशो रयिं पिशङ्गं बहुलं वसीमहि ॥ १.०७२.०८  
आ तू न इन्दो शतदात्वश्च्यं सहस्रदातु पशुमद्विरण्यवत् ।  
उप मास्व बृहती रेवतीरिषोऽधि स्तोत्रस्य पवमान नो गहि ॥ १.०७२.०९

स्रक्वे द्रप्सस्य धमतः समस्वरन्नृतस्य योना समरन्त नाभयः ।  
त्रीन्स मूर्धो असुरश्चक्र आरभे सत्यस्य नावः सुकृतमपीपरन् ॥ १.०७३.०१  
सम्यक्सम्यञ्चो महिषा अहेषत सिन्धोर्मावधि वेना अवीविपन् ।  
मधोर्धाराभिर्जनयन्तो अर्कमित्प्रियामिन्द्रस्य तन्वमवीवृधन् ॥ १.०७३.०२  
पवित्रवन्तः परि वाचमासते पितेषां प्रत्नो अभि रक्षति व्रतम् ।  
महः समुद्रं वरुणस्तिरो दधे धीरा इच्छेकुर्धरुणेष्वारभम् ॥ १.०७३.०३  
सहस्रधारेऽव ते समस्वरन्दिवो नाके मधुजिह्वा असश्चतः ।  
अस्य स्पशो न नि मिषन्ति भूर्णयः पदेपदे पाशिनः सन्ति सेतवः ॥ १.०७३.०४  
पितुर्मातुरध्या ये समस्वरन्नृचा शोचन्तः संदहन्तो अव्रतान् ।  
इन्द्रद्विष्टामप धमन्ति मायया त्वचमसिकनी भूमनो दिवस्परि ॥ १.०७३.०५  
प्रत्नान्मानादध्या ये समस्वरञ्छ्लोकयन्त्रासो रभसस्य मन्तवः ।  
अपानक्षासो बधिरा अहासत ऋतस्य पन्थां न तरन्ति दुष्कृतः ॥ १.०७३.०६  
सहस्रधारे वितते पवित्र आ वाचं पुनन्ति कवयो मनीषिणः ।  
स्द्रास एषामिषिरासो अद्बुहः स्पशः स्वञ्चः सुदृशो नृचक्षसः ॥ १.०७३.०७

ऋतस्य गोपा न दभाय सुक्रतुस्त्री ष पवित्रा हृद्यस्तुरा दधे ।  
विद्वान्स विश्वा भुवनाभि पश्यत्यवाजुष्टान्विध्यति कर्ते अत्रतान् ॥ १.०७३.०८  
ऋतस्य तन्तुर्विततः पवित्र आ जिह्वाया अग्रे वरुणस्य मायया ।  
धीराश्चित्समिनक्षन्त आशतात्रा कर्तमव पदात्यप्रभुः ॥ १.०७३.०९

शिशुर्न जातोऽव चक्रद्वने स्वर्ष्यद्वाज्यरुषः सिषासति ।  
दिवो रेतसा सचते पयोवृधा तमीमहे सुमती शर्म सप्रथः ॥ १.०७४.०१  
दिवो यः स्कम्भो धरुणः स्वातत आपूर्णो अंशुः पर्येति विश्वतः ।  
सेमे मही रोदसी यक्षदावृता समीचीने दाधार समिषः कविः ॥ १.०७४.०२  
महि प्सरः सुकृतं सोम्यं मधूर्वी गव्यूतिरदितेऋतं यते ।  
ईशे यो वृष्टेरित उस्त्रियो वृषापां नेता य इतऊतिर्ऋग्मयः ॥ १.०७४.०३  
आत्मन्वन्नभो दुह्यते घृतं पयं ऋतस्य नाभिरमृतं वि जायते ।  
समीचीनाः सुदानवः प्रीणन्ति तं नरो हितमव मेहन्ति पेरवः ॥ १.०७४.०४  
अरावीदंशुः सचमान ऊर्मिणा देवाव्यंशु मनुषे पिन्वति त्वचम् ।  
दधाति गर्भमदितेरुपस्थ आ येन तोकं च तनयं च धामहे ॥ १.०७४.०५  
सहस्रधारेऽव ता असञ्चतस्तृतीये सन्तु रजसि प्रजावतीः ।  
चतस्रो नाभो निहिता अवो दिवो हविर्भरन्त्यमृतं घृतश्चुतः ॥ १.०७४.०६  
श्वेतं रूपं कृणुते यत्सिषासति सोमो मीढवाँ असुरो वेद भूमनः ।  
धिया शमी सचते सेमभि प्रवद्विस्वकवन्धमव दर्षदुद्रिणम् ॥ १.०७४.०७  
अध श्वेतं क्लशं गोभिरक्तं कार्ष्णन्ना वाज्यक्रमीत्ससवान् ।  
आ हिन्विरे मनसा देवयन्तः कक्षीवते शतहिमाय गोनाम् ॥ १.०७४.०८  
अद्भिः सोम पपृचानस्य ते रसोऽव्यो वारं वि पवमान धावति ।  
स मृज्यमानः कविभिर्मदिन्तम स्वदस्वेन्द्राय पवमान पीतये ॥ १.०७४.०९

अभि प्रियाणि पवते चनोहितो नामानि यद्दो अधि येषु वर्धते ।  
आ सूर्यस्य बृहतो बृहन्नधि रथं विश्वञ्चमरुहद्विचक्षणः ॥ १.०७५.०१  
ऋतस्य जिह्वा पवते मधु प्रियं वक्ता पतिर्धियो अस्या अदाभ्यः ।  
दधाति पुत्रः पित्रोरपीच्यंशु नाम तृतीयमधि रोचने दिवः ॥ १.०७५.०२  
अव द्युतानः क्लशाँ अचिक्रदन्नृभिर्येमानः कोश आ हिरण्यये ।  
अभीमृतस्य दोहना अनूषताधि त्रिपृष्ठ उषसो वि राजति ॥ १.०७५.०३  
अद्भिभिः सुतो मतिभिश्चनोहितः प्ररोचयन्नोदसी मातरा शुचिः ।  
रोमाण्यव्या समया वि धावति मधोर्धारा पिन्वमाना दिवेदिवे ॥ १.०७५.०४  
परि सोम प्र धन्वा स्वस्तये नृभिः पुनानो अभि वासयाशिरम् ।  
ये ते मदा आहनसो विहायस्तेभिरिन्द्रं चोदय दातवे मघम् ॥ १.०७५.०५

धर्ता दिवः पवते कृत्व्यो रसो दक्षो देवानामनुमाद्यो नृभिः ।



हरिः सृजानो अत्यो न सत्वाभिर्वृथा पाजांसि कृणुते नदीष्व ॥ १.०७६.०१  
 शूरो न धत्त आयुधा गभस्त्योः स्वष्टः सिषासन्नधिरो गविष्टिषु ।  
 इन्द्रस्य शुष्मीरयन्नपस्युभिरिन्दुहिन्वानो अज्यते मनीषिभिः ॥ १.०७६.०२  
 इन्द्रस्य सोम पवमान ऊर्मिणा तविष्यमाणो जठरेष्व विश ।  
 प्र णः पिन्व विद्युदभ्रेव रोदसी धिया न वाजा उप मासि शश्वतः ॥ १.०७६.०३  
 विश्वस्य राजा पवते स्वर्दश ऋतस्य धीतिमृषिषाळवीवशत् ।  
 यः सूर्यस्यासिरेण मृज्यते पिता मतीनामसमष्टकाव्यः ॥ १.०७६.०४  
 वृषेव युथा परि कोशमर्षस्यपामुपस्थे वृषभः कनिक्रदत् ।  
 स इन्द्राय पवसे मत्सरिन्तमो यथा जेषाम समिथे त्वोतयः ॥ १.०७६.०५

एष प्र कोशे मधुमाँ अचिक्रददिन्द्रस्य वज्रो वपुषो वपुष्टरः ।  
 अभीमृतस्य सुदुघा घृतश्चुतो वाश्रा अर्षन्ति पयसेव धेनवः ॥ १.०७७.०१  
 स पूर्यः पवते यं दिवस्परि श्येनो मथायदिषितस्तिरो रजः ।  
 स मध्व आ युवते वैविजान इत्कृशानोरस्तुर्मनसाह विभ्युषा ॥ १.०७७.०२  
 ते नः पूर्वास उपरास इन्द्रवो महे वाजाय धन्वन्तु गोमते ।  
 ईक्षण्यासो अह्योऽ न चारवो ब्रह्मब्रह्म ये जुजुषुर्हविर्हविः ॥ १.०७७.०३  
 अयं नो विद्वान्वनवद्वनुष्यत इन्दुः सत्राचा मनसा पुरुष्टुतः ।  
 इनस्य यः सदेने गर्भमादधे गवामुरुब्जमभ्यर्षति ब्रजम् ॥ १.०७७.०४  
 चक्रिदिवः पवते कृत्व्यो रसो महौ अदब्धो वरुणो हुरुगयते ।  
 असावि मित्रो वृजनेषु यज्ञियोऽत्यो न यूथे वृषयुः कनिक्रदत् ॥ १.०७७.०५

प्र राजा वाचं जनयन्नसिष्यददपो वसानो अभि गा इयक्षति ।  
 गृष्णाति रिप्रमविरस्य तान्वा शुद्धो देवानामुप याति निष्कृतम् ॥ १.०७८.०१  
 इन्द्राय सोम परि षिच्यसे नृभिर्नृचक्षा ऊर्मिः कविरज्यसे वने ।  
 पूर्वीहि ते सुतयः सन्ति यातवे सहस्रमश्वा हरयश्चमूषदः ॥ १.०७८.०२  
 समुद्रिया अप्सरसो मनीषिणमासीना अन्तरभि सोममक्षरन् ।  
 ता ई हिन्वन्ति हर्म्यस्य सक्षणिं याचन्ते सुम्नं पवमानमक्षितम् ॥ १.०७८.०३  
 गोजिन्नः सोमो रथजिद्विरण्यजित्स्वर्जिदब्जित्पवते सहस्रजित् ।  
 यं देवासश्चक्रिरे पीतये मदं स्वादिष्टं द्रप्समस्र्णं मयोभुवम् ॥ १.०७८.०४  
 एतानि सोम पवमानो अस्मयुः सत्यानि कृण्वन्द्रविणान्यर्षसि ।  
 जहि शत्रुमन्तिके दूरके च य उर्वी गव्यूतिमभयं च नस्कृधि ॥ १.०७८.०५

अचोदसो नो धन्वन्तिवन्दवः प्र सुवानासो बृहद्विषु हरयः ।  
 वि च नशन्न इषो अरातयोऽर्यो नशन्त सनिषन्त नो धियः ॥ १.०७९.०१  
 प्र णो धन्वन्तिवन्दवो मदच्युतो धना वा येभिरर्वतो जुनीमसि ।  
 तिरो मर्तस्य कस्य चित्परिहृतिं वयं धनानि विश्वधा भरेमहि ॥ १.०७९.०२

उत स्वस्या अरात्या अरिहि ष उतान्यस्या अरात्या वृको हि षः ।  
 धन्वन्न तृष्णा समरीत तां अभि सोम जहि पवमान दुराध्यः ॥ १.०७९.०३  
 दिवि ते नाभा परमो य आददे पृथिव्यास्ते रुरुहुः सानवि क्षिपः ।  
 अद्रयस्त्वा बप्सति गोरधि त्वच्यश्रुसु त्वा हस्तैर्दुदुहुर्मनीषिणः ॥ १.०७९.०४  
 एवा त इन्दो सुभ्वं सुपेशसं रसं तुञ्जन्ति प्रथमा अभिश्रियः ।  
 निदीनिदं पवमान नि तारिष आविस्ते शुष्मो भवतु प्रियो मदः ॥ १.०७९.०५

सोमस्य धारा पवते नृचक्षस ऋतेन देवान्हवते दिवस्परि ।  
 बृहस्पते स्वथेना वि दिद्युते समुद्रासो न सर्वनानि विव्यचुः ॥ १.०८०.०१  
 यं त्वा वाजिन्नघ्न्या अभ्यनूषतायोहतं योनिमा रोहसि द्युमान् ।  
 मघोनामायुः प्रतिरन्महि श्रव इन्द्राय सोम पवसे वृषा मदः ॥ १.०८०.०२  
 एन्द्रस्य कुक्षा पवते मदिन्तम ऊर्ज वसानः श्रवसे सुमङ्गलः ।  
 प्रत्यङ्स विश्वा भुवनाभि पप्रथे क्रीळन्हरिरत्यः स्यन्दते वृषा ॥ १.०८०.०३  
 तं त्वा देवेभ्यो मधुमत्तमं नरः सहस्रधारं दुहते दश क्षिपः ।  
 नृभिः सोम प्रच्युतो ग्रावाभिः सुतो विश्वान्देवा आ पवस्वा सहस्रजित् ॥ १.०८०.०४  
 तं त्वा हस्तिनो मधुमन्तमद्रिभिर्दुहन्त्यप्सु वृषभं दश क्षिपः ।  
 इन्द्रं सोम मादयन्दैव्यं जनं सिन्धोरिवोर्मिः पवमानो अर्षसि ॥ १.०८०.०५

प्र सोमस्य पवमानस्योर्मय इन्द्रस्य यन्ति जठरं सुपेशसः ।  
 दध्ना यदीमुन्नीता यशसा गवां दानाय शूरमुदमन्दिषुः सुताः ॥ १.०८१.०१  
 अच्छा हि सोमः कलशां असिष्यददत्यो न वोळ्हा रघुवर्तनिर्वृषा ।  
 अथा देवानामुभयस्य जन्मनो विद्वां अश्नोत्यमुत इतश्च यत् ॥ १.०८१.०२  
 आ नः सोम पवमानः किरा वस्विन्दो भव मघवा राधसो महः ।  
 शिक्षा वयोधो वसवे सु चेतुना मा नो गयमारे अस्मत्परा सिचः ॥ १.०८१.०३  
 आ नः पूषा पवमानः सुरातयो मित्रो गच्छन्तु वरुणः सजोषसः ।  
 बृहस्पतिर्मरुतो वायुरश्विना त्वष्टा सविता सुयमा सरस्वती ॥ १.०८१.०४  
 उभे द्यावापृथिवी विश्वमिन्वे अर्यमा देवो अदितिर्विधाता ।  
 भगो नृशंसं उर्वरन्तरिक्षं विश्वे देवाः पवमानं जुषन्त ॥ १.०८१.०५

असावि सोमो अरुषो वृषा हरी राजेव दस्मो अभि गा अचिक्रदत् ।  
 पुनानो वारं पर्येत्यव्ययं श्येनो न योनिं घृतवन्तमासदम् ॥ १.०८२.०१  
 कविर्वेधस्या पर्येषि माहिन्मत्यो न मृष्टो अभि वाजमर्षसि ।  
 अपसेधन्दुरिता सोम मृळय घृतं वसानः परि यासि निर्णिजम् ॥ १.०८२.०२  
 पर्जन्यः पिता महिषस्य पर्णिनो नाभा पृथिव्या गिरिषु क्षयं दधे ।  
 स्वसार आपो अभि गा उतासरन्सं ग्रावाभिर्नसते वीते अध्वरे ॥ १.०८२.०३  
 जायेव पत्यावधि शेव मंहसे पज्राया गर्भं शृणुहि ब्रवीमि ते ।

अन्तर्वाणीषु प्र चरा सु जीवसेऽनिन्द्यो वृजने सोम जागृहि ॥ १.०८२.०४  
यथा पूर्वैभ्यः शतसा अमृध्रः सहस्रसाः पर्यया वाजमिन्दो ।  
एवा पवस्व सुविताय नव्यसे तव व्रतमन्वापः सचन्ते ॥ १.०८२.०५

पवित्रं ते विततं ब्रह्मणस्पते प्रभुर्गात्राणि पर्येषि विश्वतः ।  
अतप्ततनूर्न तदामो अश्नुते शृतास इद्वहन्तस्तत्समाशत ॥ १.०८३.०१  
तपोष्पवित्रं विततं दिवस्पदे शोचन्तो अस्य तन्तवो व्यस्थिरन् ।  
अवन्त्यस्य पवीतारमाशवो दिवस्पृष्टमधि तिष्ठन्ति चेतसा ॥ १.०८३.०२  
अरुरुचदुषसः पृश्निरग्रिय उक्षा बिभर्ति भुवनानि वाजयुः ।  
मायाविनो ममिरे अस्य मायया नृचक्षसः पितरो गर्भमा दधुः ॥ १.०८३.०३  
गन्धर्व इत्या पदमस्य रक्षति पाति देवानां जनिमान्यद्भुतः ।  
गृष्णाति रिपुं निधया निधापतिः सुकृत्तमा मधुनो भक्षमाशत ॥ १.०८३.०४  
हविर्हविष्मो महि सन्न दैव्यं नभो वसानः परि यास्यध्वरम् ।  
राजा पवित्ररथो वाजमारुहः सहस्रभृष्टिर्जयसि श्रवो बृहत् ॥ १.०८३.०५

पवस्व देवमादनो विचर्षणिरप्सा इन्द्राय वरुणाय वायवे ।  
कृधी नो अद्य वरिवः स्वस्तिमदुरुक्षितौ गृणीहि दैव्यं जनम् ॥ १.०८४.०१  
आ यस्तस्थौ भुवनान्यमर्त्यो विश्वानि सोमः परि तान्यर्षति ।  
कृण्वन्संचृतं विचृतमभिष्टय इन्दुः सिषक्त्युषसं न सूर्यः ॥ १.०८४.०२  
आ यो गोभिः सृज्यत ओषधीष्वा देवानां सुम्न इषयन्नुपावसुः ।  
आ विद्युता पवते धारया सुत इन्द्रं सोमो मादयन्दैव्यं जनम् ॥ १.०८४.०३  
एष स्य सोमः पवते सहस्रजिद्धिन्वानो वाचमिषिरामुषर्बुधम् ।  
इन्दुः समुद्रमुदियति वायुभिरेन्द्रस्य हार्दि क्लशेषु सीदति ॥ १.०८४.०४  
अभि त्यं गावः पर्यसा पयोवृधं सोमं श्रीणन्ति मतिभिः स्वर्विदम् ।  
धनंजयः पवते कृत्व्यो रसो विप्रः कविः काव्येना स्वर्चनाः ॥ १.०८४.०५

इन्द्राय सोम सुषुतः परि स्रवापामीवा भवतु रक्षसा सह ।  
मा ते रसस्य मत्सत द्याविनो द्रविणस्वन्त इह सन्तिवन्दवः ॥ १.०८५.०१  
अस्मान्समर्थे पवमान चोदय दक्षो देवानामसि हि प्रियो मदः ।  
जहि शत्रूरभ्या भन्दनायतः पिबेन्द्र सोममव नो मृधो जहि ॥ १.०८५.०२  
अदब्ध इन्दो पवसे मदिन्तम आत्मेन्द्रस्य भवसि धासिरुत्तमः ।  
अभि स्वरन्ति बहवो मनीषिणो राजानमस्य भुवनस्य निसते ॥ १.०८५.०३  
सहस्रणीथः शतधारो अद्भुत इन्द्रायेन्दुः पवते काम्यं मधु ।  
जयन्क्षेत्रमभ्यर्षा जयन्नप उरुं नो गातुं कृणु सोम मीढवः ॥ १.०८५.०४  
कनिक्रदत्कलशे गोभिरज्यसे व्यष्ट्व्ययं समया वारमर्षसि ।  
मर्मृज्यमानो अत्यो न सानिसिरिन्द्रस्य सोम जठरे समक्षरः ॥ १.०८५.०५

स्वादुः पवस्व दिव्याय जन्मने स्वादुरिन्द्राय सुहवीतुनाम्ने ।  
 स्वादुर्मित्राय वरुणाय वायवे बृहस्पतये मधुमाँ अदाभ्यः ॥ १.०८५.०६  
 अत्यं मृजन्ति कलशे दश क्षिपः प्र विप्राणां मतयो वाच ईरते ।  
 पवमाना अभ्यर्षन्ति सुष्टुतिमेन्द्रं विशन्ति मदिरास इन्द्रवः ॥ १.०८५.०७  
 पवमानो अभ्यर्षा सुवीर्यमुर्वी गव्यूतिं महि शर्म सप्रथः ।  
 माकिर्नो अस्य परिषूतिरीशतेन्दो जयेम त्वया धनं धनम् ॥ १.०८५.०८  
 अधि द्यामस्थादृषभो विचक्षणोऽरुरुचद्वि दिवो रोचना कविः ।  
 राजा पवित्रमत्येति रोरुवद्विवः पीयूषं दुहते नृचक्षसः ॥ १.०८५.०९  
 दिवो नाके मधुजिह्वा असञ्चतो वेना दुहन्त्युक्षणं गिरिष्ठाम् ।  
 अप्सु द्रप्सं वावृधानं समुद्र आ सिन्धोस्मा मधुमन्तं पवित्र आ ॥ १.०८५.१०  
 नाके सुपर्णमुपपत्तिवांसं गिरो वेनानामकृपन्त पूर्वीः ।  
 शिशुं रिहन्ति मतयः पनिप्लतं हिरण्ययं शकुनं क्षामणि स्थाम् ॥ १.०८५.११  
 ऊर्ध्वो गन्धर्वो अधि नाके अस्थाद्विश्वा रूपा प्रतिचक्षाणो अस्य ।  
 भानुः शुक्रेण शोचिषा व्यद्यौत्प्रारुरुचद्रोदसी मातरा शुचिः ॥ १.०८५.१२

प्र त आशवः पवमान धीजवो मदा अर्षन्ति रघुजा इव त्मना ।  
 दिव्याः सुपर्णा मधुमन्त इन्द्रवो मदिन्तमासः परि कोशमासते ॥ १.०८६.०१  
 प्र ते मदासो मदिरास आशवोऽसृक्षत रथ्यासो यथा पृथक् ।  
 धेनुर्न वत्सं पयसाभि वज्रिणमिन्द्रमिन्द्रवो मधुमन्त ऊर्मयः ॥ १.०८६.०२  
 अत्यो न हियानो अभि वाजमर्ष स्वर्वित्कोशं दिवो अद्रिमातरम् ।  
 वृषा पवित्रे अधि सानो अव्यये सोमः पुनान इन्द्रियाय धायसे ॥ १.०८६.०३  
 प्र त आश्विनीः पवमान धीजुवो दिव्या असृग्रन्पयसा धरीमणि ।  
 प्रान्तऋषयः स्थाविरीरसृक्षत ये त्वा मृजन्त्युषिषाण वेधसः ॥ १.०८६.०४  
 विश्वा धामानि विश्वचक्ष ऋभ्वसः प्रभोस्ते सतः परि यन्ति केतवः ।  
 व्यानशिः पवसे सोम धर्माभिः पतिर्विश्वस्य भुवनस्य राजसि ॥ १.०८६.०५  
 उभयतः पवमानस्य रश्मयो ध्रुवस्य सतः परि यन्ति केतवः ।  
 यदी पवित्रे अधि मृज्यते हरिः सत्ता नि योना कलशेषु सीदति ॥ १.०८६.०६  
 यज्ञस्य केतुः पवते स्वध्वरः सोमो देवानामुप याति निष्कृतम् ।  
 सहस्रधारः परि कोशमर्षति वृषा पवित्रमत्येति रोरुवत् ॥ १.०८६.०७  
 राजा समुद्रं नद्योर् वि गाहतेऽपामूर्मिं सचते सिन्धुषु श्रितः ।  
 अध्यस्थात्सानु पवमानो अव्ययं नाभा पृथिव्या धरुणो महो दिवः ॥ १.०८६.०८  
 दिवो न सानु स्तनयन्नचिक्रदद्यौश्च यस्य पृथिवी च धर्माभिः ।  
 इन्द्रस्य सख्यं पवते विवेविदत्सोमः पुनानः कलशेषु सीदति ॥ १.०८६.०९  
 ज्योतिर्यज्ञस्य पवते मधु प्रियं पिता देवानां जनिता विभूवसुः ।  
 दधाति रत्नं स्वधयो रपीच्यं मदिन्तमो मत्सर इन्द्रयो रसः ॥ १.०८६.१०  
 अभिक्रन्दन्कलशं वाज्यर्षति पतिर्दिवः शतधारो विचक्षणः ।

हरिर्मित्रस्य सदनेषु सीदति मर्मज्ञानोऽविभिः सिन्धुभिर्वृषा ॥ १.०८६.११  
अग्रे सिन्धूनां पवमानो अर्षत्यग्रे वाचो अग्रियो गोषु गच्छति ।  
अग्रे वाजस्य भजते महाधनं स्वायुधः सोतृभिः पूयते वृषा ॥ १.०८६.१२  
अयं मतवाञ्छकुनो यथा हितोऽव्ये ससार पवमान ऊर्मिणा ।  
तव क्रत्वा रोदसी अन्तरा कवे शुचिर्धिया पवते सोम इन्द्र ते ॥ १.०८६.१३  
द्रापिं वसानो यजतो दिविस्पृशमन्तरिक्षप्रा भुवनेष्वर्पितः ।  
स्वर्जज्ञानो नभसाभ्यक्रमीत्प्रत्नमस्य पितरमा विवासति ॥ १.०८६.१४  
सो अस्य विशे महि शर्म यच्छति यो अस्य धाम प्रथमं व्यानशे ।  
पदं यदस्य परमे व्योमन्यतो विश्वा अभि सं याति संयतः ॥ १.०८६.१५  
प्रो अयासीदिन्द्रिरिन्द्रस्य निष्कृतं सखा सख्युर्न प्र मिनाति संगिरम् ।  
मर्यं इव युवतिभिः समर्षति सोमः क्लशे शतयाम्ना पथा ॥ १.०८६.१६  
प्र वो धियो मन्द्रयुवो विपन्युवः पनस्युवः संवसनेष्वक्रमुः ।  
सोमं मनीषा अभ्यनूषत् स्तुभोऽभि धेनवः पयसेमशिश्नयुः ॥ १.०८६.१७  
आ नः सोम संयतं पिप्युषीमिषमिन्दो पवस्व पवमानो अस्त्रिधम् ।  
या नो दोहते त्रिरहन्नसञ्चुषी क्षुमद्वाजवन्मधुमत्सुवीर्यम् ॥ १.०८६.१८  
वृषा मतीनां पवते विचक्षणः सोमो अह्नः प्रतरीतोषसो दिवः ।  
क्राणा सिन्धूनां क्लशां अवीवशदिन्द्रस्य हाद्यांविशन्मनीषिभिः ॥ १.०८६.१९  
मनीषिभिः पवते पूर्यः कविर्नृभिर्यतः परि कोशां अचिक्रदत् ।  
त्रितस्य नाम जनयन्मधु क्षरदिन्द्रस्य वायोः सख्याय कर्तवै ॥ १.०८६.२०  
अयं पुनान उषसो वि रोचयदयं सिन्धुभ्यो अभवदु लोककृत् ।  
अयं त्रिः सप्त दुदुहान आशिरं सोमो हृदे पवते चारु मत्सरः ॥ १.०८६.२१  
पवस्व सोम दिव्येषु धामसु सृजान इन्दो क्लशे पवित्र आ ।  
सीदन्निरस्य जठरे कनिक्रदन्नृभिर्यतः सूर्यमारोहयो दिवि ॥ १.०८६.२२  
अद्रिभिः सुतः पवसे पवित्र आ इन्द्रविन्द्रस्य जठरेष्वाविशन् ।  
त्वं नृचक्षा अभवो विचक्षण सोम गोत्रमङ्गिरोभ्योऽवृणोरप ॥ १.०८६.२३  
त्वां सोम पवमानं स्वाध्योऽनु विप्रासो अमदन्नवस्यवः ।  
त्वां सुपर्ण आभरद्विस्पर्णीन्दो विश्वाभिर्मतिभिः परिष्कृतम् ॥ १.०८६.२४  
अव्ये पुनानं परि वार ऊर्मिणा हरिं नवन्ते अभि सप्त धेनवः ।  
अपामुपस्थे अध्यायवः कविमृतस्य योना महिषा अहेषत ॥ १.०८६.२५  
इन्दुः पुनानो अति गाहते मृधो विश्वानि कृण्वन्सुपथानि यज्यवे ।  
गाः कृण्वानो निर्णिजं हर्यतः कविरत्यो न क्रीळन्परि वारमर्षति ॥ १.०८६.२६  
असञ्चतः शतधारा अभिश्चियो हरिं नवन्तेऽव ता उदन्युवः ।  
क्षिपो मृजन्ति परि गोभिरावृतं तृतीये पृष्ठे अधि रोचने दिवः ॥ १.०८६.२७  
तवेमाः प्रजा दिव्यस्य रेतसस्त्वं विश्वस्य भुवनस्य राजसि ।  
अथेदं विश्वं पवमान ते वशे त्वमिन्दो प्रथमो धामधा असि ॥ १.०८६.२८  
त्वं समुद्रो असि विश्ववित्कवे तवेमाः पञ्च प्रदिशो विधर्मणि ।

त्वं द्यां च पृथिवीं चाति जग्निषे तव ज्योतीषि पवमान सूर्यः ॥ १.०८६.२९  
 त्वं पवित्रे रजसो विधर्मणि देवेभ्यः सोम पवमान पूयसे ।  
 त्वामुशिजः प्रथमा अगृभ्णत तुभ्येमा विश्वा भुवनानि येमिरे ॥ १.०८६.३०  
 प्र रेभ एत्यति वारमव्ययं वृषा वनेष्वव चक्रदद्वरिः ।  
 सं धीतयो वावशाना अनूषत शिशुं रिहन्ति मतयः पनिप्लतम् ॥ १.०८६.३१  
 स सूर्यस्य रश्मिभिः परि व्यत तन्तुं तन्वानस्त्रिवृतं यथा विदे ।  
 नयन्नृतस्य प्रशिषो नवीयसीः पतिर्जनीनामुप याति निष्कृतम् ॥ १.०८६.३२  
 राजा सिन्धूनां पवते पतिर्दिव ऋतस्य याति पृथिभिः कनिक्रदत् ।  
 सहस्रधारः परि षिच्यते हरिः पुनानो वाचं जनयन्नुपावसुः ॥ १.०८६.३३  
 पवमान मह्यर्णो वि धावसि सूरु न चित्रो अव्ययानि पव्यया ।  
 गभस्तिपूतो नृभिरद्रिभिः सुतो महे वाजाय धन्याय धन्वसि ॥ १.०८६.३४  
 इषमूर्जं पवमानाभ्यर्षसि श्येनो न वंसु क्लशेषु सीदसि ।  
 इन्द्राय मद्वा मद्यो मदः सुतो दिवो विष्टम्भ उपमो विचक्षणः ॥ १.०८६.३५  
 सप्त स्वसारो अभि मातरः शिशुं नवं जज्ञानं जेन्यं विपश्चितम् ।  
 अपां गन्धर्वं दिव्यं नृचक्षसं सोमं विश्वस्य भुवनस्य राजसे ॥ १.०८६.३६  
 ईशान इमा भुवनानि वीयसे युजान इन्दो हरितः सुपण्यः ।  
 तास्ते क्षरन्तु मधुमद्घृतं पयस्तव व्रते सोम तिष्ठन्तु कृष्टयः ॥ १.०८६.३७  
 त्वं नृचक्षा असि सोम विश्वतः पवमान वृषभ ता वि धावसि ।  
 स नः पवस्व वसुमद्विरणयवद्वयं स्याम भुवनेषु जीवसे ॥ १.०८६.३८  
 गोवित्पवस्व वसुविद्विरणयविद्वेतोधा इन्दो भुवनेष्वर्षितः ।  
 त्वं सुवीरो असि सोम विश्ववित्तं त्वा विप्रा उप गिरेम आसते ॥ १.०८६.३९  
 उन्मध्व ऊर्मिर्वनना अतिष्ठिपदपो वसानो महिषो वि गाहते ।  
 राजा पवित्ररथो वाजमारुहत्सहस्रभृष्टिर्जयति श्रवो बृहत् ॥ १.०८६.४०  
 स भन्दना उदियति प्रजावतीर्विश्वायुर्विश्वाः सुभरा अर्हादिवि ।  
 ब्रह्म प्रजावद्रयिमश्वपस्त्यं पीत इन्द्रविन्द्रमस्मभ्यं याचतात् ॥ १.०८६.४१  
 सो अग्रे अह्नां हरिर्हर्यतो मदः प्र चेतसा चेतयते अनु द्युभिः ।  
 द्वा जना यातयन्नन्तरीयते नरा च शंसं दैव्यं च धर्तरि ॥ १.०८६.४२  
 अञ्जते व्यञ्जते समञ्जते क्रतुं रिहन्ति मधुनाभ्यञ्जते ।  
 सिन्धोरुच्छ्रवासे पतयन्तमुक्षणं हिरण्यपावाः पशुमासु गृभ्णते ॥ १.०८६.४३  
 विपश्चिते पवमानाय गायत मही न धारात्यन्धो अर्षति ।  
 अहिर्न जूर्णामति सर्पति त्वचमत्यो न क्रीळन्नसरद्वृषा हरिः ॥ १.०८६.४४  
 अग्नेगो राजाप्यस्तविष्यते विमानो अह्नां भुवनेष्वर्षितः ।  
 हरिर्धृतस्तुः सुदृशीको अर्णवो ज्योतीरथः पवते राय ओक्यः ॥ १.०८६.४५  
 असर्जि स्कम्भो दिव उद्यतो मदः परि त्रिधातुर्भुवनान्यर्षति ।  
 अंशुं रिहन्ति मतयः पनिप्लतं गिरा यदि निर्णिजमृगिमणो ययुः ॥ १.०८६.४६  
 प्र ते धारा अत्यण्वानि मेष्यः पुनानस्य संयतो यन्ति रंहयः ।

यद्गोभिरिन्दो चम्बोः समज्यस आ सुवानः सोम क्लशेषु सीदसि ॥ १.०८६.४७  
 पवस्व सोम ऋतुविन्न उक्थ्योऽव्यो वारे परि धाव मधु प्रियम् ।  
 जहि विश्वात्रक्षस इन्दो अत्रिणो बृहद्वैम विदथे सुवीराः ॥ १.०८६.४८

प्र तु द्रव परि कोशं नि षीद नृभिः पुनानो अभि वाजमर्ष ।  
 अश्वं न त्वा वाजिनं मर्जयन्तोऽच्छा बर्ही रशनाभिर्नयन्ति ॥ १.०८७.०१  
 स्वायुधः पवते देव इन्दुरशस्तिहा वृजनं रक्षमाणः ।  
 पिता देवानां जनिता सुदक्षो विष्टम्भो दिवो धरुणः पृथिव्याः ॥ १.०८७.०२  
 ऋषिर्विप्रः पुरएता जनानामृभुधीर उशना काव्येन ।  
 स चिद्विदेद निहितं यदासामपीच्यं गुह्यं नाम गोनाम् ॥ १.०८७.०३  
 एष स्य ते मधुमाँ इन्द्र सोमो वृषा वृष्णे परि पवित्रे अक्षाः ।  
 सहस्रसाः शतसा भूरिदावा शश्वत्तमं बर्हिरा वाज्यस्थात् ॥ १.०८७.०४  
 एते सोमा अभि गव्या सहस्रा महे वाजायामृताय श्रवांसि ।  
 पवित्रेभिः पवमाना असृग्रज्ज्वस्यवो न पृतनाजो अत्याः ॥ १.०८७.०५  
 परि हि ष्मा पुरुहूतो जनानां विश्वासरद्भोजना पूयमानः ।  
 अथा भर श्येनभृत प्रयांसि रयिं तुञ्जानो अभि वाजमर्ष ॥ १.०८७.०६  
 एष सुवानः परि सोमः पवित्रे सर्गो न सृष्टो अदधावदवा ।  
 तिग्मे शिशानो महिषो न शृङ्गे गा गव्यन्नभि शूरो न सत्वा ॥ १.०८७.०७  
 एषा ययौ परमादन्तरद्रेः कूचित्सतीरुर्वे गा विवेद ।  
 दिवो न विद्युत्स्तनयन्त्यभ्रैः सोमस्य ते पवत इन्द्र धारा ॥ १.०८७.०८  
 उत स्म राशिं परि यासि गोनामिन्द्रेण सोम सरथं पुनानः ।  
 पूर्वीरिषो बृहतीर्जीरदानो शिक्षा शचीवस्तव ता उपष्टुत् ॥ १.०८७.०९

अयं सोम इन्द्र तुभ्यं सुन्वे तुभ्यं पवते त्वमस्य पाहि ।  
 त्वं ह यं चकृषे त्वं ववृष इन्दु मदाय युज्याय सोमम् ॥ १.०८८.०१  
 स ई रथो न भुरिषाळयोजि महः पुरुणि सातये वसूनि ।  
 आदी विश्वा नहुष्याणि जाता स्वर्षाता वन ऊर्ध्वा नवन्त ॥ १.०८८.०२  
 वायुर्न यो नियुत्वाँ इष्टयामा नासत्येव हव आ शम्भविष्टः ।  
 विश्ववारो द्रविणोदा इव त्मन्पूषेव धीजवनोऽसि सोम ॥ १.०८८.०३  
 इन्द्रो न यो महा कर्माणि चक्रिहन्ता वृत्राणामसि सोम पूभित् ।  
 पैद्वो न हि त्वमहिनाम्नां हन्ता विश्वस्यासि सोम दस्योः ॥ १.०८८.०४  
 अग्निर्न यो वन आ सृज्यमानो वृथा पाजांसि कृणुते नदीषु ।  
 जनो न युध्वा महत उपब्दिरियति सोमः पवमान ऊर्मिम् ॥ १.०८८.०५  
 एते सोमा अति वाराण्यव्या दिव्या न कोशासो अभ्रवर्षाः ।  
 वृथा समुद्रं सिन्धवो न नीचीः सुतासो अभि क्लशाँ असृग्रन् ॥ १.०८८.०६  
 शुष्मी शर्धो न मारुतं पवस्वानभिशस्ता दिव्या यथा विट् ।

आपो न मक्षू सुमतिर्भवा नः सहस्राप्साः पृतनाषाण्ण यज्ञः ॥ १.०८८.०७  
 राज्ञो नु ते वरुणस्य व्रतानि बृहद्गभीरं तव सोम धाम ।  
 शुचिष्टवमसि प्रियो न मित्रो दक्षाय्यो अर्यमेवासि सोम ॥ १.०८८.०८

प्रो स्य वह्निः पृथ्याभिरस्यान्दिवो न वृष्टिः पवमानो अक्षाः ।  
 सहस्रधारो असदन्नयस्त्रस्मे मातुरुपस्थे वन आ च सोमः ॥ १.०८९.०१  
 राजा सिन्धूनामवसिष्ट वासं ऋतस्य नावमारुहद्रजिष्ठाम् ।  
 अप्सु द्रप्सो वावृधे श्येनजूतो दुह ई पिता दुह ई पितुर्जाम् ॥ १.०८९.०२  
 सिंहं नसन्त मध्वो अयासं हरिमरुषं दिवो अस्य पतिम् ।  
 शूरो युत्सु प्रथमः पृच्छते गा अस्य चक्षसा परि पात्युक्षा ॥ १.०८९.०३  
 मधुपृष्ठं घोरमयासमश्वं रथे युञ्जन्त्युरुचक्र ऋष्वम् ।  
 स्वसार ई जामयो मर्जयन्ति सनाभयो वाजिनमूर्जयन्ति ॥ १.०८९.०४  
 चतस्र ई घृतदुहः सचन्ते समाने अन्तर्धरुणे निषत्ताः ।  
 ता ईमर्षन्ति नमसा पुनानास्ता ई विश्वतः परि षन्ति पूर्वीः ॥ १.०८९.०५  
 विष्टम्भो दिवो धरुणः पृथिव्या विश्वा उत क्षितयो हस्ते अस्य ।  
 असत्त उत्सो गृणते नियुत्वान्मध्वो अंशुः पवत इन्द्रियाय ॥ १.०८९.०६  
 वन्वन्नवातो अभि देववीतिमिन्द्राय सोम वृत्रहा पवस्व ।  
 शग्धि महः पुरुश्चन्द्रस्य रायः सुवीर्यस्य पतयः स्याम ॥ १.०८९.०७

प्र हिन्वानो जनिता रोदस्यो रथो न वाजं सनिष्यन्नयासीत् ।  
 इन्द्रं गच्छन्नायुधा संशिशानो विश्वा वसु हस्तयोरादधानः ॥ १.०९०.०१  
 अभि त्रिपृष्ठं वृषणं वयोधामाङ्गुषाणामवावशन्त वाणीः ।  
 वना वसानो वरुणो न सिन्धुन्वि रत्नधा दयते वार्याणि ॥ १.०९०.०२  
 शूरग्रामः सर्ववीरः सहावाञ्जेता पवस्व सनिता धनानि ।  
 तिग्मायुधः क्षिप्रधन्वा समत्स्वषाळ्हः साह्वान्पृतनासु शत्रून् ॥ १.०९०.०३  
 उरुगव्यूतिरभयानि कृण्वन्समीचीने आ पवस्वा पुरंधी ।  
 अपः सिषासन्नृषसः स्वर्णाः सं चिक्रदो महो अस्मभ्यं वाजान् ॥ १.०९०.०४  
 मत्सि सोम वरुणं मत्सि मित्रं मत्सीन्द्रमिन्द्रो पवमान विष्णुम् ।  
 मत्सि शर्धो मारुतं मत्सि देवान्मत्सि महामिन्द्रमिन्द्रो मदाय ॥ १.०९०.०५  
 एवा राजेव क्रतुमां अमेन विश्वा घनिघ्नदुरिता पवस्व ।  
 इन्द्रो सूक्ताय वचसे वयो धा यूयं पात स्वस्तिभिः सदा नः ॥ १.०९०.०६

असर्जि वक्वा रथ्ये यथाजौ धिया मनोता प्रथमो मनीषी ।  
 दश स्वसारो अधि सानो अव्येऽजन्ति वह्निं सदनान्यच्छ ॥ १.०९१.०१  
 वीती जनस्य दिव्यस्य कव्यैरधि सुवानो नहुष्येभिरिन्दुः ।  
 प्र यो नृभिरमृतो मर्त्येभिर्मर्मृजानोऽविभिर्गोभिरिद्विः ॥ १.०९१.०२



वृषा वृष्णे रोरुवदंशुरस्मै पवमानो रुशदीर्ते पयो गोः ।  
 सहस्रमृक्वा पथिभिर्वचोविदध्वस्मभिः सूरौ अण्वं वि याति ॥ १.०११.०३  
 रुजा दृळ्हा चिद्रक्षसः सदांसि पुनान इन्द्र ऊर्णुहि वि वाजान् ।  
 वृश्चोपरिष्टात्तुजता वधेन ये अन्ति दूरादुपनायमेषाम् ॥ १.०११.०४  
 स प्रत्नवन्नव्यसे विश्ववार सूक्ताय पथः कृणुहि प्राचः ।  
 ये दुःषहासो वनुषा बृहन्तस्तांस्ते अश्याम पुरुकृत्पुरुक्षो ॥ १.०११.०५  
 एवा पुनानो अपः स्वर्णा अस्मभ्यं तोका तनयानि भूरि ।  
 शं नः क्षेत्रमुरु ज्योतीषि सोम ज्योङ्गः सूर्यं दृशये रिरिहि ॥ १.०११.०६

परि सुवानो हरिरंशुः पवित्रे रथो न सर्जि सनये हियानः ।  
 आपच्छ्लोकांमिन्द्रियं पूयमानः प्रति देवाँ अजुषत प्रयोभिः ॥ १.०१२.०१  
 अच्छा नृचक्षा असरत्पवित्रे नाम दधानः कविरस्य योनौ ।  
 सीदन्होतेव सदने चमूषूपेमगमन्नृषयः सप्त विप्राः ॥ १.०१२.०२  
 प्र सुमेधा गातुविद्विश्वदेवः सोमः पुनानः सद एति नित्यम् ।  
 भुवद्विश्वेषु काव्येषु रन्तानु जनान्यतते पञ्च धीरः ॥ १.०१२.०३  
 तव त्ये सोम पवमान निण्ये विश्वे देवास्त्रय एकादशासः ।  
 दश स्वधाभिरधि सानो अव्ये मृजन्ति त्वा नद्यः सप्त यहीः ॥ १.०१२.०४  
 तन्न सत्यं पवमानस्यास्तु यत्र विश्वे कारवः संनसन्त ।  
 ज्योतिर्यदह्ने अकृणोदु लोकं प्रावन्मनुं दस्यवे करभीकम् ॥ १.०१२.०५  
 परि सन्नेव पशुमान्ति होता राजा न सत्यः समितीरियानः ।  
 सोमः पुनानः क्लशा अयासीत्सीदन्मृगो न महिषो वनेषु ॥ १.०१२.०६

साकमुक्षो मर्जयन्त स्वसारो दश धीरस्य धीतयो धनुत्रीः ।  
 हरिः पर्यद्रवज्जाः सूर्यस्य द्रोणं ननक्षे अत्यो न वाजी ॥ १.०१३.०१  
 सं मातृभिर्न शिशुर्वावशानो वृषा दधन्वे पुस्वारो अद्भिः ।  
 मर्यो न योषामभि निष्कृतं यन्सं गच्छते क्लश उस्त्रियाभिः ॥ १.०१३.०२  
 उत् प्र पिप्य ऊधरघ्न्याया इन्दुर्धाराभिः सचते सुमेधाः ।  
 मूर्धानं गावः पर्यसा चमूष्वभि श्रीणन्ति वसुभिर्न निक्तैः ॥ १.०१३.०३  
 स नो देवेभिः पवमान रदेन्दो रयिमश्विनं वावशानः ।  
 रथिरायतामुशती पुरंधिरस्मद्रयशा दावने वसूनाम् ॥ १.०१३.०४  
 नू नो रयिमुप मास्व नृवन्तं पुनानो वाताप्यं विश्वश्चन्द्रम् ।  
 प्र वन्दितुरिन्दो तार्यायुः प्रातर्मक्ष धियावसुर्जगम्यात् ॥ १.०१३.०५

अधि यदस्मिन्वाजिनीव शुभः स्पर्धन्ते धियः सूर्ये न विशः ।  
 अपो वृणानः पवते कवीयन्त्रजं न पशुवर्धनाय मन्म ॥ १.०१४.०१  
 द्विता व्यूर्वन्नमृतस्य धाम स्वविदे भुवनानि प्रथन्त ।

धियः पिन्वानाः स्वसरे न गावः ऋतायन्तीरभि वावश्च इन्दुम् ॥ १.०९४.०२  
 परि यत्कविः काव्या भरते शूरो न रथो भुवनानि विश्वा ।  
 देवेषु यशो मर्ताय भूषन्दक्षाय रायः पुरुभूषु नव्यः ॥ १.०९४.०३  
 श्रिये जातः श्रिय आ निरियाय श्रियं वयो जरितृभ्यो दधाति ।  
 श्रियं वसाना अमृतत्वमायन्भवन्ति सत्या समिथा मितद्रौ ॥ १.०९४.०४  
 इषमूर्जमभ्यर्षाश्च गामुरु ज्योतिः कृणुहि मत्सि देवान् ।  
 विश्वानि हि सुषहा तानि तुभ्यं पवमान बाधसे सोम शत्रून् ॥ १.०९४.०५

कनिक्रन्ति हरिरा सृज्यमानः सीदन्वनस्य जठरे पुनानः ।  
 नृभिर्यतः कृणुते निर्णिजं गा अतो मतीर्जनयत स्वधाभिः ॥ १.०९५.०१  
 हरिः सृजानः पथ्यामृतस्येयति वाचमरितेव नावम् ।  
 देवो देवानां गुह्यानि नामाविष्कृणोति बर्हिषि प्रवाचे ॥ १.०९५.०२  
 अपामिवेदूर्मयस्तर्तुराणाः प्र मनीषा ईरते सोममच्छ ।  
 नमस्यन्तीरुप च यन्ति सं चा च विशन्त्युशतीरुशन्तम् ॥ १.०९५.०३  
 तं मर्मृजानं महिषं न सानावंशुं दुहन्त्युक्षणं गिरिष्ठाम् ।  
 तं वावशानं मतयः सचन्ते त्रितो बिभर्ति वरुणं समुद्रे ॥ १.०९५.०४  
 इष्यन्वाचमुपवक्तेव होतुः पुनान इन्दो वि ष्या मनीषाम् ।  
 इन्द्रश्च यत्क्षयथः सौभगाय सुवीर्यस्य पतयः स्याम ॥ १.०९५.०५

प्र सेनानीः शूरो अग्रे रथानां गव्यत्रेति हर्षते अस्य सेना ।  
 भद्रान्कृणवन्निन्द्रहवान्सखिभ्य आ सोमो वस्त्रा रभसानि दत्ते ॥ १.०९६.०१  
 समस्य हरि हरयो मृजन्त्यश्चह्यैरनिशितं नमोभिः ।  
 आ तिष्ठति रथमिन्द्रस्य सखा विद्धा एना सुमतिं यात्यच्छ ॥ १.०९६.०२  
 स नो देव देवताते पवस्व महे सोम प्सरस इन्द्रपानः ।  
 कृणवन्नपो वर्षयन्द्यामुतेमामुरोरा नो वरिवस्या पुनानः ॥ १.०९६.०३  
 अजीतयेऽहतये पवस्व स्वस्तये सर्वतातये बृहते ।  
 तदुशन्ति विश्व इमे सखायस्तदहं वशिम पवमान सोम ॥ १.०९६.०४  
 सोमः पवते जनिता मतीनां जनिता दिवो जनिता पृथिव्याः ।  
 जनिताग्नेर्जनिता सूर्यस्य जनितेन्द्रस्य जनितोत विष्णोः ॥ १.०९६.०५  
 ब्रह्मा देवानां पदवीः कवीनामृषिर्विप्राणां महिषो मृगाणाम् ।  
 श्येनो गृध्राणां स्वधित्तिर्वनानां सोमः पवित्रमत्येति रेभन् ॥ १.०९६.०६  
 प्रावीविपद्वाच ऊर्मिं न सिन्धुर्गिरः सोमः पवमानो मनीषाः ।  
 अन्तः पश्यन्वृजनेमावराण्या तिष्ठति वृषभो गोषु जानन् ॥ १.०९६.०७  
 स मत्सरः पृत्सु वन्वन्नवातः सहस्ररेता अभि वाजमर्ष ।  
 इन्द्रायिन्दो पवमानो मनीष्यंशोरूमिमीरय गा इषण्यन् ॥ १.०९६.०८  
 परि प्रियः क्लशे देवात इन्द्राय सोमो रणयो मदाय ।

सहस्रधारः शतवाजं इन्दुर्वाजी न सप्तिः समना जिगाति ॥ १.०९६.०९  
स पूव्यो वसुविज्जायमानो मृजानो अप्सु दुदुहानो अद्रौ ।  
अभिश्स्तपा भुवनस्य राजा विदद्गुतुं ब्रह्मणे पूयमानः ॥ १.०९६.१०  
त्वया हि नः पितरः सोमं पूर्वे कर्माणि चक्रुः पवमान धीराः ।  
वन्वन्नवातः परिधीरपोर्णुं वीरेभिरश्वैर्मघवा भवा नः ॥ १.०९६.११  
यथापवथा मनवे वयोधा अमित्रहा वरिवोविद्विष्मान् ।  
एवा पवस्व द्रविणं दधानं इन्द्रे सं तिष्ठ जनयायुधानि ॥ १.०९६.१२  
पवस्व सोमं मधुमाँ ऋतावापो वसानो अधि सानो अव्ये ।  
अव द्रोणानि घृतवान्ति सीद मदिन्तमो मत्सर इन्द्रपानः ॥ १.०९६.१३  
वृष्टिं दिवः शतधारः पवस्व सहस्रसा वाजयुदेववीतौ ।  
सं सिन्धुभिः कलशे वावशानः समुस्त्रियाभिः प्रतिरन्न आयुः ॥ १.०९६.१४  
एष स्य सोमो मतिभिः पुनानोऽत्यो न वाजी तरतीदरातीः ।  
पयो न दुग्धमदितेरिषिरमुर्विव गातुः सुयमो न वोळ्हा ॥ १.०९६.१५  
स्वायुधः सोतृभिः पूयमानोऽभ्यर्षं गुह्यं चारु नाम ।  
अभि वाजं सप्तिरिव श्रवस्याभि वायुमभि गा देव सोम ॥ १.०९६.१६  
शिशुं जज्ञानं हर्यतं मृजन्ति शुम्भन्ति वह्निं मरुतो गणेन ।  
कविर्गीर्भिः काव्येना कविः सन्सोमः पवित्रमत्येति रेभन् ॥ १.०९६.१७  
ऋषिमना य ऋषिकृत्स्वर्षाः सहस्रणीथः पदवीः कवीनाम् ।  
तृतीयं धाम महिषः सिषासन्सोमो विराजमनु राजति ष्टुप् ॥ १.०९६.१८  
चमूषच्छेनः शकुनो विभृत्वा गोविन्दुर्द्रप्स आयुधानि बिभ्रत् ।  
अपामूर्मिं सचमानः समुद्रं तुरीयं धाम महिषो विवक्ति ॥ १.०९६.१९  
मर्यो न शुभ्रस्तन्वं मृजानोऽत्यो न सृत्वा सनये धनानाम् ।  
वृषेव यूथा परि कोशमर्षन्कनिक्रदच्चम्बोऽरा विवेश ॥ १.०९६.२०  
पवस्वेन्दो पवमानो महोभिः कनिक्रदत्परि वाराण्यर्ष ।  
क्रीळञ्चम्बोऽरा विश पूयमानं इन्द्रं ते रसो मदिरो ममत्तु ॥ १.०९६.२१  
प्रास्य धारा बृहतीरसृग्नक्रतो गोभिः कलशाँ आ विवेश ।  
सामं कृण्वन्सामिन्यो विपश्चित्क्रन्दन्नेत्यभि सख्युर्न जामिम् ॥ १.०९६.२२  
अपघ्नन्नेषि पवमानं शत्रून्प्रियां न जारो अभिगीत इन्दुः ।  
सीदन्वनेषु शकुनो न पत्वा सोमः पुनानः कलशेषु सत्ता ॥ १.०९६.२३  
आ ते रुचः पवमानस्य सोमं योषेव यन्ति सुदुघाः सुधाराः ।  
हरिरानीतः पुस्वारो अस्वचिक्रदत्कलशे देवयूनाम् ॥ १.०९६.२४

अस्य प्रेषा हेमना पूयमानो देवो देवेभिः समपृक्त रसम् ।  
सुतः पवित्रं पर्येति रेभन्मितेव सत्तं पशुमान्ति होता ॥ १.०९७.०१  
भद्रा वस्त्रा समन्याइ वसानो महान्कविर्निवचनानि शंसन् ।  
आ वच्यस्व चम्बोः पूयमानो विचक्षणो जागृविदेववीतौ ॥ १.०९७.०२

समु॑ प्रियो॑ मृ॒ज्यते॑ सानो॑ अव्ये॑ य॒शस्त॑रो य॒शसां॑ क्षैतो॑ अ॒स्मे ।  
अ॒भि स्व॑र॒ धन्वा॑ पू॒यमानो॑ यू॒यं पा॑त स्व॒स्तिभिः॑ सदा॑ नः ॥ १.०९७.०३  
प्र॑ गा॒यता॑भ्य॒र्चाम॑ दे॒वान्सोमं॑ हि॒नोत॑ मह॒ते धना॑य ।  
स्वा॒दुः प॑वा॒ते अति॑ वा॒रम॑व्य॒मा सी॑दाति॒ क्लशं॑ दे॒व्युर्नः॑ ॥ १.०९७.०४  
इ॒न्दुर्दे॒वानामु॑प॒ सख्य॑मा॒यन्सह॑स्र॒धारः॑ प॒वते॑ मदा॒य ।  
नृ॒भिः स्त॒वानो॑ अनु॒ धाम॑ पू॒र्वम॑ग॒न्निन्द्रं॑ मह॒ते सौभ॑गाय ॥ १.०९७.०५  
स्तो॒त्रे रा॒ये हरि॑र॒र्षा पु॒नान॑ इ॒न्द्रं मदो॑ गच्छ॒तु ते॒ भरा॑य ।  
दे॒वैर्या॑हि॒ सर॑थं रा॒धो अ॒च्छ्रा॑ यू॒यं पा॑त स्व॒स्तिभिः॑ सदा॑ नः ॥ १.०९७.०६  
प्र॑ का॒व्यमु॑शने॒व ब्रु॒वाणो॑ दे॒वो दे॒वानां॑ ज॒निमा॑ वि॒वक्ति॑ ।  
महि॑व्रतः शुचि॒बन्धुः॑ पा॒वकः॑ प॒दा व॑रा॒हो अ॒भ्येति॑ रेभ॒न् ॥ १.०९७.०७  
प्र॑ हंसा॑स॒स्तृप॑लं म॒न्युम॑च्छ्रा॒माद॑स्तं वृष॑गणा अयासुः ।  
आ॒ङ्घ्र्यं प॑व॒मानं॑ सखा॒यो दु॑र्म॒षं सा॑कं प्र॒ वद॑न्ति वा॒णम् ॥ १.०९७.०८  
स॑ र॒हत॑ उरुगा॒यस्य॑ जू॒तिं वृ॒था क्री॑ळ॒न्तं मि॑मते न गा॒वः ।  
प॒रीण॑सं कृ॒णुते॑ ति॒गम॑शृ॒ङ्गो दि॒वा हरि॑र्द॒दृशे॑ नक्त॒मृज्रः॑ ॥ १.०९७.०९  
इ॒न्दुर्वा॒जी प॑व॒ते गो॒न्योधा॑ इ॒न्द्रे सोमः॑ सह॒ इन्व॑न्मदा॒य ।  
ह॒न्ति र॑क्षो बा॒धते॑ पर्य॒राती॑र्व॒रिवः॑ कृ॒ण्वन्वृ॒जन॑स्य॒ राजा॑ ॥ १.०९७.१०  
अ॒ध धा॑र॒या म॒ध्वा पृ॒चान॑स्ति॒रो रोम॑ प॒वते॑ अ॒द्रिदु॑ग्धः ।  
इ॒न्दुरि॑न्द्र॒स्य स॒ख्यं जु॑षा॒णो दे॒वो दे॒वस्य॑ मत्स॒रो मदा॑य ॥ १.०९७.११  
अ॒भि प्रि॒याणि॑ प॒वते॑ पु॒नानो॑ दे॒वो दे॒वान्स्वेन॑ रसे॒न पू॒ञ्चन् ।  
इ॒न्दुर्ध॑र्माण्य॒तृथा॑ वसा॒नो द॑श॒ क्षिपो॑ अव्य॒त सानो॑ अव्ये॑ ॥ १.०९७.१२  
वृ॒षा शो॑णो॑ अ॒भिक॑नि॒क्रद्वा॑ न॒दय॑न्नेति पृथि॒वीमु॑त् द्याम् ।  
इ॒न्द्रस्ये॒व व॑ग॒नुरा॑ शृ॒ण्व आ॒जौ प्र॑चे॒तय॑न्न॒र्षति॑ वा॒चमे॑माम् ॥ १.०९७.१३  
र॒साय्यः॑ प॒यसा॑ पि॒न्वमा॑न इ॒रय॑न्नेषि॒ मधु॑मन्त॒मंशु॑म् ।  
प॒वमा॑नः सं॒तनि॑मेषि॒ कृ॒ण्वन्नि॑न्द्रा॒य सोम॑ परि॒षिच्य॑मानः ॥ १.०९७.१४  
ए॒वा प॑व॒स्व म॑दि॒रो मदा॑यो॒दग्रा॑भस्य॒ नम॑य॒न्वध॑स्नैः ।  
परि॑ वर्ण॒ भर॑माणो॒ रुश॑न्तं ग॒व्युर्नो॑ अ॒र्षे परि॑ सोम॒ सिक्तः॑ ॥ १.०९७.१५  
जुष्ट॑वी न॒ इन्दो॑ सु॒पथा॑ सु॒गान्यु॑रौ प॒वस्व॑ वरि॒वांसि॑ कृ॒ण्वन् ।  
घ॒नेव॑ वि॒ष्वग्दु॑रि॒तानि॑ वि॒घ्नन्न॑धि॒ ष्णुना॑ ध॒न्व सानो॑ अव्ये॑ ॥ १.०९७.१६  
वृष्टिं॑ नो॑ अ॒र्षे दि॒व्यां जि॑ग॒त्नुमि॑ळा॒वती॑ शं॒गयी॑ जी॒रदानु॑म् ।  
स्तु॒केव॑ वी॒ता ध॑न्वा वि॒चिन्व॑न्बन्धू॒रिमाँ॑ अ॒वराँ॑ इ॒न्दो वा॑यून् ॥ १.०९७.१७  
ग्र॒न्थिं न वि॑ ष्य॒ ग्रथि॑तं पु॒नान॑ ऋ॒जुं च॑ गा॒तुं वृ॑जिनं च॒ सोम॑ ।  
अ॒त्यो न॑ क्र॒दो हरि॑रा सृ॒जानो॑ म॒र्यो दे॒व ध॑न्व प॒स्त्या॑वान् ॥ १.०९७.१८  
जुष्टो॑ मदा॒य दे॒वता॑त॒ इन्दो॑ परि॒ ष्णुना॑ ध॒न्व सानो॑ अव्ये॑ ।  
सह॑स्र॒धारः॑ सु॒रभिर॑द॒ब्धः॑ परि॒ स्र॒व वा॑ज॒सातौ॑ नृ॒षह्ये॑ ॥ १.०९७.१९  
अ॒र॒श्मानो॑ ये॒ऽरथा॑ अ॒युक्ता॑ अ॒त्यासो॑ न स॒सृजा॑नास॒ आजौ॑ ।  
ए॒ते शु॒क्रासो॑ ध॒न्वन्ति॑ सोमा॒ देवा॑स॒स्ताँ उप॑ या॒ता पि॑ब॒ध्यै ॥ १.०९७.२०

ए॒वा न॑ इ॒न्दो अ॒भि दे॒ववी॑तिं॒ परि॑ स्र॒व न॒भो अ॒र्ण॑श्च॒मूषु॑ ।  
 सो॒मो अ॒स्मभ्यं॑ का॒म्यं बृ॒हन्तं॑ र॒यिं द॑दातु वी॒रव॑न्तमु॒ग्रम् ॥ १.०९७.२१  
 तक्ष॑द्यदी॒ मन॑सो वे॒नतो॑ वाग्ज्येष्ठस्य॒ वा ध॑र्माणि॒ क्षोर॑नीके ।  
 आ॒दीमा॑य॒न्व॒रमा॑ वाव॒शाना॑ जुष्टं॒ पतिं॑ क॒लशे॑ गाव॒ इन्दु॑म् ॥ १.०९७.२२  
 प्र दा॑नुदो दि॒व्यो दा॑नुपि॒न्व ऋ॒तमृ॑ताय॒ पव॑ते सु॒मेधाः॑ ।  
 ध॒र्मा भु॑वद्वृ॒जन्य॑स्य॒ राजा॑ प्र र॒श्मिभि॑र्दशभिर्भारि॒ भूम॑ ॥ १.०९७.२३  
 प॒वित्रे॑भिः प॒वमानो॑ नृ॒चक्षा॑ राजा॒ दे॒वाना॑मु॒त म॒र्त्याना॑म् ।  
 द्वि॒ता भु॑वद्रयि॒पती॑ र॒यीणा॑मृतं भ॒रत्सु॑भृतं चा॒र्विन्दुः॑ ॥ १.०९७.२४  
 अ॒वाँ इ॒व श्र॑वसे सा॒तिम॑च्छेन्द्रस्य॒ वायो॑र॒भि वी॑तिमर्ष ।  
 स नः॑ स॒हस्रा॑ बृ॒हती॑रिषो॒ दा भ॑वा॒ सोम॑ द्रवि॒णो॒वित्पु॑नानः ॥ १.०९७.२५  
 दे॒वाव्यो॑ नः परि॒षिच्य॑मानाः॒ क्षयं॑ सु॒वीरं॑ ध॒न्वन्तु॑ सोमाः ।  
 आ॒य॒ज्यवः॑ सु॒मतिं॑ वि॒श्ववा॑रा हो॒तारो॑ न दि॒व्यजो॑ म॒न्द्रत॑माः ॥ १.०९७.२६  
 ए॒वा दे॒व दे॒वता॑ते प॒वस्व॑ म॒हे सो॑म॒ प्सर॑से दे॒वपानः॑ ।  
 म॒हश्चि॑द्धि॒ ष्मसि॑ हि॒ताः स॑म॒र्ये कृ॑धि सु॒ष्टाने॑ रो॒दसी॑ पु॒नानः॑ ॥ १.०९७.२७  
 अ॒श्वो नो॑ ऋ॒दो वृ॑षा॒भिर्यु॑जानः॒ सिंहो॑ न भी॒मो म॑न॒सो ज॑वी॒यान् ।  
 अ॒र्वाची॑नैः पथि॒भिर्ये॑ रजि॒ष्टा आ॑ प॒वस्व॑ सौम॒नसं॑ न॒ इन्दो॑ ॥ १.०९७.२८  
 श॒तं धा॑रा॒ दे॒वजा॑ता अ॒सृग्र॑न्स॒हस्र॑मे॒नाः क॒वयो॑ मृ॒जन्ति॑ ।  
 इ॒न्दो स॑नि॒त्रं दि॒व आ॑ प॒वस्व॑ पु॒रए॒तासि॑ मह॒तो ध॑न॒स्य ॥ १.०९७.२९  
 दि॒वो न॑ स॒र्गा अ॑स॒सृग्र॑म॒ह्नां राजा॑ न मि॒त्रं प्र॑ मि॒नाति॑ धी॒रः ।  
 पि॒तुर्न॑ पु॒त्रः ऋ॒तुभि॑र्य॒तान॑ आ॒ प॒वस्व॑ वि॒शे अ॒स्या अ॒जीति॑म् ॥ १.०९७.३०  
 प्र ते॑ धा॒रा म॑धु॒मती॑र॒सृग्र॑न्वा॒रान्य॑त्पू॒तो अ॒त्ये॒ष्यव्या॑न् ।  
 प॒वमान॑ प॒वसे॑ धाम॒ गोना॑ ज॒ज्ञानः॑ सूर्य॒मपि॑न्वो अ॒र्केः ॥ १.०९७.३१  
 क॒नि॒क्र॒द॒दनु॑ प॒न्थामृ॑तस्य॒ शुक्रो॑ वि भा॒स्यमृ॑तस्य॒ धाम॑ ।  
 स इ॒न्द्राय॑ प॒वसे॑ मत्स॒रवा॑न्हि॒न्वानो॑ वाचं॒ मति॑भिः क॒वीना॑म् ॥ १.०९७.३२  
 दि॒व्यः सु॑प॒र्णोऽव॑ चक्षि॒ सोम॑ पि॒न्वन्धा॑राः क॒र्मणा॑ दे॒ववी॑तौ ।  
 ए॒न्दो वि॑श क॒लशं॑ सो॒मधानं॑ ऋ॒न्दन्नि॑हि॒ सूर्य॑स्योप॒ रश्मि॑म् ॥ १.०९७.३३  
 ति॒स्रो वाचं॑ ई॒रय॑ति प्र॒ वह्नि॑ऋ॒तस्य॑ धी॒तिं ब्र॑ह्म॒णो म॑नी॒षाम् ।  
 गा॒वो य॑न्ति गो॒पतिं॑ पृ॒च्छमा॑नाः॒ सोमं॑ य॒न्ति म॑तयो॒ वाव॑शानाः ॥ १.०९७.३४  
 सो॒मं गा॒वो धे॑नवो॒ वाव॑शानाः॒ सोमं॑ वि॒प्रा म॑तिभिः पृ॒च्छमा॑नाः ।  
 सो॒मः सु॑तः पू॒यते॑ अ॒ज्यमा॑नः॒ सोमं॑ अ॒र्कास्त्रि॑ष्टु॒भः सं न॑वन्ते ॥ १.०९७.३५  
 ए॒वा नः॑ सोम॒ परि॑षि॒च्यमा॑न आ॒ प॒वस्व॑ पू॒यमा॑नः स्व॒स्ति ।  
 इ॒न्द्रमा॑ वि॒श बृ॒हता॑ रवे॒ण वर्ध॑या॒ वाचं॑ ज॒नया॑ पु॒रंधि॑म् ॥ १.०९७.३६  
 आ जा॑गृ॒विर्वि॑प्रं॒ ऋ॒ता म॑ती॒नां सो॑मः पु॒नानो॑ अ॒सद॑च्च॒मूषु॑ ।  
 स॒प॒न्ति यं॑ मि॒थुना॑सो॒ निका॑मा॒ अध्व॑र्यवो॒ रथि॑रासः॒ सु॒हस्ताः॑ ॥ १.०९७.३७  
 स पु॑नान॒ उप॑ सू॒रे न॑ धा॒तोभे॑ अ॒प्रा रो॑दसी॒ वि ष॑ आ॒वः ।  
 प्रि॒या चि॑द्यस्य॒ प्रि॒यसा॑स॒ ऊ॒ती स॑ तू॒ धनं॑ का॒रिणे॑ न प्र॒ यंस॑त् ॥ १.०९७.३८

स वर्धिता वर्धनः पूयमानः सोमो मीढ्वाँ अभि नो ज्योतिषावीत् ।  
येना नः पूर्वे पितरः पदज्ञाः स्वर्विदो अभि गा अद्रिमुष्णन् ॥ १.०९७.३९  
अक्रान्समुद्रः प्रथमे विधर्मञ्जनयन्प्रजा भुवनस्य राजा ।  
वृषा पवित्रे अधि सानो अव्ये बृहत्सोमो वावृधे सुवान इन्दुः ॥ १.०९७.४०  
महत्तत्सोमो महिषश्चकारापां यद्गर्भोऽवृणीत देवान् ।  
अदधादिन्द्रे पवमान ओजोऽजनयत्सूर्ये ज्योतिरिन्दुः ॥ १.०९७.४१  
मत्सि वायुमिष्टये राधसे च मत्सि मित्रावरुणा पूयमानः ।  
मत्सि शर्धो मारुतं मत्सि देवान्मत्सि द्यावापृथिवी देव सोम ॥ १.०९७.४२  
ऋजुः पवस्व वृजिनस्य हन्तापामीवां बाधमानो मृधश्च ।  
अभिश्रीणन्पयः पयसाभि गोनामिन्द्रस्य त्वं तव वयं सखायः ॥ १.०९७.४३  
मध्वः सूदं पवस्व वस्व उत्सं वीरं च न आ पवस्वा भगं च ।  
स्वदस्वेन्द्राय पवमान इन्दो रयिं च न आ पवस्वा समुद्रात् ॥ १.०९७.४४  
सोमः सुतो धारयात्यो न हित्वा सिन्धुर्न निम्नमभि वाज्यक्षाः ।  
आ योनिं वन्यमसदत्पुनानः समिन्दुर्गोभिरसरत्समद्भिः ॥ १.०९७.४५  
एष स्य ते पवत इन्द्र सोमश्चमूषु धीर उशते तवस्वान् ।  
स्वर्चक्षा रथिरः सत्यशुष्मः कामो न यो देवयतामसर्जि ॥ १.०९७.४६  
एष प्रत्नेन वयसा पुनानस्तिरो वपांसि दुहितुर्दधानः ।  
वसानः शर्मं त्रिवरुधमप्सु होतेव याति समनेषु रेभन् ॥ १.०९७.४७  
नू नस्त्वं रथिरो देव सोम परि स्रव चम्बोः पूयमानः ।  
अप्सु स्वादिष्टो मधुमां ऋतावा देवो न यः सविता सत्यमन्मा ॥ १.०९७.४८  
अभि वायुं वीत्यर्षा गृणानोऽभि मित्रावरुणा पूयमानः ।  
अभी नरं धीजवनं रथेष्ठामभीन्द्रं वृषणं वज्रबाहुम् ॥ १.०९७.४९  
अभि वस्त्रा सुवसनान्यर्षाभि धेनूः सुदुघाः पूयमानः ।  
अभि चन्द्रा भर्तवे नो हिरण्याभ्यश्चान्नथिनो देव सोम ॥ १.०९७.५०  
अभी नो अर्ष दिव्या वसून्यभि विश्वा पार्थिवा पूयमानः ।  
अभि येन द्रविणमश्नवामाभ्यर्षियं जमदग्निवन्नः ॥ १.०९७.५१  
अया पवा पवस्वैना वसूनि माँश्चत्व इन्दो सरसि प्र धन्व ।  
ब्रध्नश्चिदत्र वातो न जूतः पुस्मेधश्चित्तकवे नरं दात् ॥ १.०९७.५२  
उत न एना पवया पवस्वाधि श्रुते श्रवाय्यस्य तीर्थे ।  
षष्टिं सहस्रा नैगुतो वसूनि वृक्षं न पक्वं धूनवद्रणाय ॥ १.०९७.५३  
महीमे अस्य वृषनाम शूषे माँश्चत्वे वा पृशने वा वधत्रे ।  
अस्वापयन्निगुतः स्नेहयच्चापामित्रा अपाचितो अचेतः ॥ १.०९७.५४  
सं त्री पवित्रा विततान्येष्यन्वेकं धावसि पूयमानः ।  
असि भगो असि दात्रस्य दातासि मघवा मघवद्भय इन्दो ॥ १.०९७.५५  
एष विश्ववित्पवते मनीषी सोमो विश्वस्य भुवनस्य राजा ।  
द्रप्साँ ईरयन्विदथेष्विन्दुर्वि वास्मव्यं समयाति याति ॥ १.०९७.५६

इन्दुं रिहन्ति महिषा अदब्धाः पदे रेभन्ति क्वयो न गृध्राः ।  
हिन्वन्ति धीरा दशभिः क्षिपाभिः समञ्जते रूपमपां रसेन ॥ १.०९७.५७  
त्वया वयं पर्वमानेन सोम भरे कृतं वि चिनुयाम शश्वत् ।  
तन्नो मित्रो वरुणो मामहन्तामदितिः सिन्धुः पृथिवी उत द्यौः ॥ १.०९७.५८

अभि नो वाजसातमं रयिमर्ष पुरुस्पृहम् ।  
इन्दो सहस्रभर्णसं तुविद्युम्नं विभ्वासहम् ॥ १.०९८.०१  
परिष्य सुवानो अव्ययं रथे न वर्माव्यत ।  
इन्दुरभि द्रुणा हितो हियानो धाराभिरक्षाः ॥ १.०९८.०२  
परिष्य सुवानो अक्षा इन्दुरव्ये मदच्युतः ।  
धारा य ऊर्ध्वो अध्वरे भ्राजा नैति गव्ययुः ॥ १.०९८.०३  
स हि त्वं देव शश्वते वसु मर्ताय दाशुषे ।  
इन्दो सहस्रिणं रयिं शतात्मानं विवाससि ॥ १.०९८.०४  
वयं ते अस्य वृत्रहन्वसो वस्वः पुरुस्पृहः ।  
नि नेदिष्ठतमा इषः स्याम सुमनस्याभिगो ॥ १.०९८.०५  
द्विर्यं पञ्च स्वयंशसं स्वसारो अद्रिसंहतम् ।  
प्रियमिन्द्रस्य काम्यं प्रस्नापयन्त्युर्मिणम् ॥ १.०९८.०६  
परित्यं हर्यतं हरिं बभ्रुं पुनन्ति वारेण ।  
यो देवान्विश्रवा इत्परि मदेन सह गच्छति ॥ १.०९८.०७  
अस्य वो ह्यवसा पान्तो दक्षसाधनम् ।  
यः सूरिषु श्रवो बृहद्भे स्वर्णं हर्यतः ॥ १.०९८.०८  
स वा यज्ञेषु मानवी इन्दुर्जनिष्ट रोदसी ।  
देवो देवी गिरिष्ठा अस्त्रेधन्तं तुविष्वणि ॥ १.०९८.०९  
इन्द्राय सोम पातवे वृत्रघ्ने परिषिच्यसे ।  
नरे च दक्षिणावते देवाय सदनासदे ॥ १.०९८.१०  
ते प्रत्नासो व्युष्टिषु सोमाः पवित्रे अक्षरन् ।  
अप्रप्रोथन्तः सनुतर्हुरश्चितः प्रातस्तां अप्रचितसः ॥ १.०९८.११  
तं सखायः पुरोरुचं यूयं वयं च सूरयः ।  
अश्याम वाजगन्ध्यं सनेम वाजपस्त्यम् ॥ १.०९८.१२

आ हर्यताय धृष्णवे धनुस्तन्वन्ति पौस्यम् ।  
शुक्रां वयन्त्यसुराय निर्णिजं विपामग्रे महीयुवः ॥ १.०९९.०१  
अध क्षपा परिष्कृतो वाजां अभि प्र गाहते ।  
यदी विवस्वतो धियो हरिं हिन्वन्ति यातवे ॥ १.०९९.०२  
तमस्य मर्जयामसि मदो य इन्द्रपातमः ।  
यं गाव आसभिर्दधुः पुरा नूनं च सूरयः ॥ १.०९९.०३

तं गाथया पुराण्या पुनानमभ्यनूषत ।  
 उतो कृपन्त धीतयो देवानां नाम बिभ्रतीः ॥ ९.०९९.०४  
 तमुक्षमाणमव्यये वारे पुनन्ति धर्णसिम् ।  
 द्रुतं न पूर्वचित्तय आ शासते मनीषिणः ॥ ९.०९९.०५  
 स पुनानो मदिन्तमः सोमश्चमूषु सीदति ।  
 पशौ न रेत आदधत्पतिर्वचस्यते धियः ॥ ९.०९९.०६  
 स मृज्यते सुकर्माभिर्देवो देवेभ्यः सुतः ।  
 विदे यदासु संदिर्महीरपो वि गाहते ॥ ९.०९९.०७  
 सुत इन्दो पवित्र आ नृभिर्यतो वि नीयसे ।  
 इन्द्राय मत्सरिन्तमश्चमूष्वा नि षीदसि ॥ ९.०९९.०८

अभी नवन्ते अद्बुहः प्रियमिन्द्रस्य काम्यम् ।  
 वत्सं न पूर्व आयुनि जातं रिहन्ति मातरः ॥ ९.१००.०१  
 पुनान इन्दवा भर सोम द्विबर्हसं रयिम् ।  
 त्वं वसूनि पुष्यसि विश्वानि दाशुषो गृहे ॥ ९.१००.०२  
 त्वं धियं मनोयुजं सृजा वृष्टिं न तन्यतुः ।  
 त्वं वसूनि पार्थिवा दिव्या च सोम पुष्यसि ॥ ९.१००.०३  
 परि ते जिग्युषो यथा धारा सुतस्य धावति ।  
 रंहमाणा व्यक्रय्यं वारं वाजीवं सानसिः ॥ ९.१००.०४  
 ऋत्वे दक्षाय नः कवे पवस्व सोम धारया ।  
 इन्द्राय पातवे सुतो मित्राय वरुणाय च ॥ ९.१००.०५  
 पवस्व वाजसातमः पवित्रे धारया सुतः ।  
 इन्द्राय सोम विष्णवे देवेभ्यो मधुमत्तमः ॥ ९.१००.०६  
 त्वां रिहन्ति मातरो हरिं पवित्रे अद्बुहः ।  
 वत्सं जातं न धेनवः पवमान विधर्मणि ॥ ९.१००.०७  
 पवमान महि श्रवश्चित्रेभिर्यासि रश्मिभिः ।  
 शर्धन्तमांसि जिघ्नसे विश्वानि दाशुषो गृहे ॥ ९.१००.०८  
 त्वं द्यां च महिव्रत पृथिवीं चाति जभिषे ।  
 प्रति द्रापिममुञ्चथाः पवमान महित्वना ॥ ९.१००.०९

पुरोजिती वो अन्धसः सुताय मादयित्त्ववे ।  
 अपश्चानं शनधिष्टन सखायो दीर्घजिह्वयम् ॥ ९.१०१.०१  
 यो धारया पावकया परिप्रस्यन्दते सुतः ।  
 इन्दुरश्वो न कृत्व्यः ॥ ९.१०१.०२  
 तं दुरोषमभी नरः सोमं विश्वाच्या धिया ।  
 यज्ञं हिन्वन्त्यद्रिभिः ॥ ९.१०१.०३



सुतासो मधुमत्तमाः सोमा इन्द्राय मन्दिनः ।  
पवित्रवन्तो अक्षरन्देवान्गच्छन्तु वो मदाः ॥ ९.१०१.०४  
इन्द्रुरिन्द्राय पवत इति देवासो अब्रुवन् ।  
वाचस्पतिर्मखस्यते विश्वस्येशान ओजसा ॥ ९.१०१.०५  
सहस्रधारः पवते समुद्रो वाचमीड्वयः ।  
सोमः पती रयीणां सखेन्द्रस्य दिवेदिवे ॥ ९.१०१.०६  
अयं पूषा रयिर्भगः सोमः पुनानो अर्षति ।  
पतिर्विश्वस्य भूमनो व्यख्यद्रोदसी उभे ॥ ९.१०१.०७  
समु प्रिया अनूषत गावो मदाय घृष्वयः ।  
सोमासः कृण्वते पथः पवमानास इन्दवः ॥ ९.१०१.०८  
य ओजिष्ठस्तमा भर पवमान श्रवाय्यम् ।  
यः पञ्च चर्षणीरभि रयिं येन वनामहै ॥ ९.१०१.०९  
सोमाः पवन्त इन्दवोऽस्मभ्यं गातुवित्तमाः ।  
मित्राः सुवाना अरेपसः स्वाध्यः स्वर्विदः ॥ ९.१०१.१०  
सुष्वणासो व्यद्रिभिश्चिताना गोरधि त्वचि ।  
इषमस्मभ्यमभितः समस्वरन्वसुविदः ॥ ९.१०१.११  
एते पूता विपश्चितः सोमासो दध्याशिरः ।  
सूर्यासो न दर्शतासो जिगत्नवो ध्रुवा घृते ॥ ९.१०१.१२  
प्र सुन्वानस्यान्धसो मतो न वृत् तद्वचः ।  
अप श्वानमराधसं हता मखं न भृगवः ॥ ९.१०१.१३  
आ जामिरत्के अव्यत भुजे न पुत्र ओण्योः ।  
सरज्जारो न योषणां वरो न योनिमासदम् ॥ ९.१०१.१४  
स वीरो दक्षसाधनो वि यस्तस्तम्भ रोदसी ।  
हरिः पवित्रे अव्यत वेधा न योनिमासदम् ॥ ९.१०१.१५  
अव्यो वारेभिः पवते सोमो गव्ये अधि त्वचि ।  
कनिक्रददृषा हरिरिन्द्रस्याभ्येति निष्कृतम् ॥ ९.१०१.१६

क्राणा शिशुर्महीनां हिन्वन्नृतस्य दीधितिम् ।  
विश्व परि प्रिया भुवदधं द्विता ॥ ९.१०२.०१  
उप त्रितस्य पाष्योऽरभक्त यद्गुहा पदम् ।  
यज्ञस्य सप्त धामभिरध प्रियम् ॥ ९.१०२.०२  
त्रीणि त्रितस्य धारया पृष्ठे रया रयिम् ।  
मिमीति अस्य योजना वि सुकृतुः ॥ ९.१०२.०३  
जज्ञानं सप्त मातरो वेधामशासत श्रिये ।  
अयं ध्रुवो रयीणां चिकेत यत् ॥ ९.१०२.०४  
अस्य व्रते सजोषसो विश्वे देवासो अद्गुहः ।

स्पर्हा भवन्ति रन्तयो जुषन्त यत् ॥ ९.१०२.०५  
 यमी गर्भमृतावृधो दृशे चास्मजीजनन् ।  
 क्विं मंहिष्ठमध्वरे पुस्स्पृहम् ॥ ९.१०२.०६  
 समीचीने अभि त्मना यद्ही ऋतस्य मातरा ।  
 तन्वाना यज्ञमानुषग्यदञ्जते ॥ ९.१०२.०७  
 ऋत्वा शुक्रेभिरक्षभिर्ऋणोरप ब्रजं दिवः ।  
 हिन्वन्नृतस्य दीधितिं प्राध्वरे ॥ ९.१०२.०८

प्र पुनानाय वेधसे सोमाय वच्च उद्यतम् ।  
 भृतिं न भरा मतिभिर्जुजोषते ॥ ९.१०३.०१  
 परि वाराण्यव्यया गोभिरञ्जानो अर्षति ।  
 त्री षधस्था पुनानः कृणुते हरिः ॥ ९.१०३.०२  
 परि कोशं मधुश्चुतमव्यये वारे अर्षति ।  
 अभि वाणीर्ऋषीणां सप्त नूषत ॥ ९.१०३.०३  
 परि गेता मतीनां विश्वदेवो अदाभ्यः ।  
 सोमः पुनानश्चम्वोर्विशद्वरिः ॥ ९.१०३.०४  
 परि दैवीरनु स्वधा इन्द्रेण याहि सरथम् ।  
 पुनानो वाघद्वाघद्विरमर्त्यः ॥ ९.१०३.०५  
 परि सप्तिर्न वाजयुदेवो देवेभ्यः सुतः ।  
 व्यानशिः पवमानो वि धावति ॥ ९.१०३.०६

सखाय आ नि षीदत पुनानाय प्र गायत ।  
 शिशुं न यज्ञैः परि भूषत श्रिये ॥ ९.१०४.०१  
 समी वत्सं न मातृभिः सृजता गयसाधनम् ।  
 देवाव्यष्टं मदमभि द्विशवसम् ॥ ९.१०४.०२  
 पुनाता दक्षसाधनं यथा शर्धाय वीतये ।  
 यथा मित्राय वरुणाय शंतमः ॥ ९.१०४.०३  
 अस्मभ्यं त्वा वसुविदमभि वाणीरनूषत ।  
 गोभिष्टे वर्णमभि वासयामसि ॥ ९.१०४.०४  
 स नो मदानां पत् इन्दो देवप्सरा असि ।  
 सखेव सख्ये गातुवित्तमो भव ॥ ९.१०४.०५  
 सनेमि कृध्यस्मदा रक्षसं कं चिदत्रिणम् ।  
 अपादेवं द्वयुमहो युयोधि नः ॥ ९.१०४.०६

तं वः सखायो मदाय पुनानमभि गायत ।  
 शिशुं न यज्ञैः स्वदयन्त गूर्तिभिः ॥ ९.१०५.०१

सं वत्स इव मातृभिरिन्दुहिन्वानो अज्यते ।  
 देववीर्मदो मतिभिः परिष्कृतः ॥ ९.१०५.०२  
 अयं दक्षाय साधनोऽयं शर्धाय वीतये ।  
 अयं देवेभ्यो मधुमत्तमः सुतः ॥ ९.१०५.०३  
 गोमन्त्र इन्दो अश्ववत्सुतः सुदक्ष धन्व ।  
 शुचिं ते वर्णमधि गोषु दीधरम् ॥ ९.१०५.०४  
 स नो हरीणां पत इन्दो देवप्सरस्तमः ।  
 सखेव सख्ये नयो रूचे भवे ॥ ९.१०५.०५  
 सनेमि त्वमस्मदाँ अदेवं कं चिदत्रिणम् ।  
 साह्वाँ इन्दो परि बाधो अप द्वयुम् ॥ ९.१०५.०६

इन्द्रमच्छ सुता इमे वृषणं यन्तु हरयः ।  
 श्रुष्टी जातास इन्दवः स्वर्विदः ॥ ९.१०६.०१  
 अयं भराय सानसिरिन्द्राय पवते सुतः ।  
 सोमो जैत्रस्य चेतति यथा विदे ॥ ९.१०६.०२  
 अस्येदिन्द्रो मदेष्वा ग्रामं गृभ्णीत सानसिम् ।  
 वज्रं च वृषणं भरत्समप्सुजित् ॥ ९.१०६.०३  
 प्र धन्वा सोम जागृविरिन्द्रायिन्दो परि स्रव ।  
 द्युमन्तं शुष्ममा भरा स्वर्विदम् ॥ ९.१०६.०४  
 इन्द्राय वृषणं मदं पवस्व विश्वदर्शतः ।  
 सहस्रयामा पथिकृद्विचक्षणः ॥ ९.१०६.०५  
 अस्मभ्यं गातुवित्तमो देवेभ्यो मधुमत्तमः ।  
 सहस्रं याहि पथिभिः कनिक्रदत् ॥ ९.१०६.०६  
 पवस्व देववीतय इन्दो धाराभिरोजसा ।  
 आ क्लशं मधुमान्सोम नः सदः ॥ ९.१०६.०७  
 तव द्रप्सा उदप्रुत इन्द्रं मदाय वावृधुः ।  
 त्वां देवासो अमृताय कं पपुः ॥ ९.१०६.०८  
 आ नः सुतास इन्दवः पुनाना धावता रयिम् ।  
 वृष्टिद्यावो रीत्यापः स्वर्विदः ॥ ९.१०६.०९  
 सोमः पुनान ऊर्मिणाव्यो वारं वि धावति ।  
 अग्रे वाचः पवमानः कनिक्रदत् ॥ ९.१०६.१०  
 धीभिर्हिन्वन्ति वाजिनं वने क्रीळन्तमत्यविम् ।  
 अभि त्रिपृष्ठं मतयः समस्वरन् ॥ ९.१०६.११  
 असर्जि क्लशाँ अभि मीळहे सप्तिर्न वाजयुः ।  
 पुनानो वाचं जनयन्नसिष्यदत् ॥ ९.१०६.१२  
 पवते हर्यतो हरिरति ह्वरांसि रंह्या ।

अभ्यर्षन्स्तोतृभ्यो वीरवद्यशः ॥ ९.१०६.१३  
अया पवस्व देवयुर्मधोर्धारा असृक्षत ।  
रेभन्पवित्रं पर्येषि विश्वतः ॥ ९.१०६.१४

परीतो षिञ्चता सुतं सोमो य उत्तमं हविः ।  
दधन्वाँ यो नर्यो अप्स्वर्न्तरा सुषाव सोममद्रिभिः ॥ ९.१०७.०१  
नूनं पुनानोऽर्विभिः परि स्रवादब्धः सुरभिन्तरः ।  
सुते चित्त्वाप्सु मदामो अन्धसा श्रीणन्तो गोभिरुत्तरम् ॥ ९.१०७.०२  
परि सुवानश्चक्षसे देवमादनः क्रतुरिन्दुर्विचक्षणः ॥ ९.१०७.०३  
पुनानः सोम धारयापो वसानो अर्षसि ।  
आ रत्नधा योनिमृतस्य सीदस्युत्सो देव हिरण्ययः ॥ ९.१०७.०४  
दुहान ऊर्धर्दिव्यं मधु प्रियं प्रत्नं सधस्थमासदत् ।  
आपृच्छ्यं धरुणं वाज्यर्षति नृभिर्धृतो विचक्षणः ॥ ९.१०७.०५  
पुनानः सोम जागृविरव्यो वारे परि प्रियः ।  
त्वं विप्रो अभवोऽङ्गिरस्तमो मध्वा यज्ञं मिमिक्ष नः ॥ ९.१०७.०६  
सोमो मीढ्वान्पवते गातुवित्तम ऋषिर्विप्रो विचक्षणः ।  
त्वं कविरभवो देववीतम आ सूर्यं रोहयो दिवि ॥ ९.१०७.०७  
सोम उ षुवाणः सोतृभिरधि ष्णुभिरवीनाम् ।  
अश्वयेव हरिता याति धारया मन्द्रया याति धारया ॥ ९.१०७.०८  
अनूपे गोमान्गोभिरक्षाः सोमो दुग्धाभिरक्षाः ।  
समुद्रं न संवरणान्यगमन्मन्दी मदाय तोशते ॥ ९.१०७.०९  
आ सोम सुवानो अद्रिभिस्तिरो वाराण्यव्यया ।  
जनो न पुरि चम्बोर्विशद्वरिः सदो वनेषु दधिषे ॥ ९.१०७.१०  
स मामृजे तिरो अण्वानि मेष्यो मीळ्हे सप्तिर्न वाज्युः ।  
अनुमाद्यः पवमानो मनीषिभिः सोमो विप्रेभिर्ऋक्वभिः ॥ ९.१०७.११  
प्र सोम देववीतये सिन्धुर्न पिप्ये अर्णसा ।  
अंशोः पर्यसा मदिरो न जागृविरच्छा कोशं मधुश्रुतम् ॥ ९.१०७.१२  
आ हर्यतो अर्जुने अत्के अव्यत प्रियः सूनुर्न मर्ज्यः ।  
तमीं हिन्वन्त्यपसो यथा रथं नदीष्वा गर्भस्त्योः ॥ ९.१०७.१३  
अभि सोमास आयवः पवन्ते मद्यं मदम् ।  
समुद्रस्याधि विष्टपि मनीषिणो मत्सरासः स्वर्विदः ॥ ९.१०७.१४  
तरत्समुद्रं पवमान ऊर्मिणा राजा देव ऋतं बृहत् ।  
अर्षन्मित्रस्य वरुणस्य धर्मिणा प्र हिन्वान ऋतं बृहत् ॥ ९.१०७.१५  
नृभिर्यमानो हर्यतो विचक्षणो राजा देवः समुद्रियः ॥ ९.१०७.१६  
इन्द्राय पवते मदः सोमो मरुत्वते सुतः ।  
सहस्रधारो अत्यव्यमर्षति तमीं मृजन्त्यायवः ॥ ९.१०७.१७

पुनानश्चमू जनयन्मतिं कविः सोमो देवेषु रण्यति ।  
 अपो वसानः परि गोभिरुत्तरः सीदन्वनेष्वव्यत ॥ १.१०७.१८  
 तवाहं सोम रारण सख्य इन्दो दिवेदिवे ।  
 पुरुणि बभ्रो नि चरन्ति मामव परिधीरति ताँ इहि ॥ १.१०७.१९  
 उताहं नक्तमुत सोम ते दिवा सख्याय बभ्र ऊर्धनि ।  
 घृणा तपन्तमति सूर्यं परः शकुना इव पप्तिम ॥ १.१०७.२०  
 मृज्यमानः सुहस्त्य समुद्रे वाचमिन्वसि ।  
 रियं पिशङ्गं बहुलं पुरुस्पृहं पवमानाभ्यर्षसि ॥ १.१०७.२१  
 मृजानो वारे पवमानो अव्यये वृषाव चक्रदो वने ।  
 देवानाँ सोम पवमान निष्कृतं गोभिरञ्जानो अर्षसि ॥ १.१०७.२२  
 पवस्व वाजसातयेऽभि विश्वानि काव्या ।  
 त्वं समुद्रं प्रथमो वि धारयो देवेभ्यः सोम मत्सरः ॥ १.१०७.२३  
 स तू पवस्व परि पार्थिवं रजोँ दिव्या च सोम धर्मभिः ।  
 त्वां विप्रासो मतिभिर्विचक्षण शुभ्रं हिन्वन्ति धीतिभिः ॥ १.१०७.२४  
 पवमाना असृक्षत पवित्रमति धारया ।  
 मरुत्वन्तो मत्सरा इन्द्रिया हया मेधामभि प्रयांसि च ॥ १.१०७.२५  
 अपो वसानः परि कोशमर्षतीन्दुर्हियानः सोतृभिः ।  
 जनयञ्ज्योतिर्मन्दना अवीवशद्गाः कृण्वानो न निर्णिजम् ॥ १.१०७.२६

पवस्व मधुमत्तम इन्द्राय सोम क्रतुवित्तमो मदः ।  
 महि द्युक्षतमो मदः ॥ १.१०८.०१  
 यस्य ते पीत्वा वृषभो वृषायतेऽस्य पीता स्वर्विदः ।  
 स सुप्रकेतो अभ्यक्रमीदिषोऽच्छ्रा वाजं नैतशः ॥ १.१०८.०२  
 त्वं ह्यशृङ्ग दैव्या पवमान जनिमानि द्युमत्तमः ।  
 अमृतत्वाय घोषयः ॥ १.१०८.०३  
 येना नवगवो दध्यङ्कुपोणुति येन विप्रास आपिरे ।  
 देवानाँ सुम्ने अमृतस्य चारुणो येन श्रवास्यानशुः ॥ १.१०८.०४  
 एष स्य धारया सुतोऽव्यो वारेभिः पवते मदिन्तमः ।  
 क्रीळन्नूर्मिरपामिव ॥ १.१०८.०५  
 य उस्त्रिया अप्या अन्तरश्मनो निर्गा अकृन्तदोजसा ।  
 अभि व्रजं तत्तिषे गव्यमश्र्यं वर्मीव धृष्णवा रुज ॥ १.१०८.०६  
 आ सोता परि षिञ्चताश्च न स्तोममप्तुरं रजस्तुरम् ।  
 वनक्रक्षमुदप्रुतम् ॥ १.१०८.०७  
 सहस्रधारं वृषभं पयोवृधं प्रियं देवाय जन्मने ।  
 ऋतेन य ऋतजातो विवावृधे राजा देव ऋतं बृहत् ॥ १.१०८.०८  
 अभि द्युम्नं बृहद्यश इषस्पते दिदीहि देव देवयुः ।

वि कोशं मध्यमं युव ॥ ९.१०८.०९  
 आ वच्यस्व सुदक्ष चम्बोः सुतो विशां वह्निर्न विशपतिः ।  
 वृष्टिं दिवः पवस्व रीतिमपां जिन्वा गविष्टये धियः ॥ ९.१०८.१०  
 एतमु त्यं मदच्युतं सहस्रधारं वृषभं दिवो दुहुः ।  
 विश्वा वसूनि विभ्रतम् ॥ ९.१०८.११  
 वृषा वि जज्ञे जनयन्नमर्त्यः प्रतपञ्ज्योतिषा तमः ।  
 स सुष्टुतः कविभिर्निर्णिजं दधे त्रिधात्वस्य दंससा ॥ ९.१०८.१२  
 स सुन्वे यो वसूनां यो रायामानिता य इळानाम् ।  
 सोमो यः सुक्षितीनाम् ॥ ९.१०८.१३  
 यस्य न इन्द्रः पिबाद्यस्य मरुतो यस्य वार्यमणा भगः ।  
 आ येन मित्रावरुणा करामह एन्द्रमवसे महे ॥ ९.१०८.१४  
 इन्द्राय सोम पातवे नृभिर्यतः स्वायुधो मदिन्तमः ।  
 पवस्व मधुमत्तमः ॥ ९.१०८.१५  
 इन्द्रस्य हार्दिं सोमधानमा विश समुद्रमिव सिन्धवः ।  
 जुष्टो मित्राय वरुणाय वायवे दिवो विष्टम्भ उत्तमः ॥ ९.१०८.१६

परि प्र धन्वेन्द्राय सोम स्वादुर्मित्राय पूष्णे भगाय ॥ ९.१०९.०१  
 इन्द्रस्ते सोम सुतस्य पेयाः क्रत्वे दक्षाय विश्वे च देवाः ॥ ९.१०९.०२  
 एवामृताय महे क्षयाय स शुक्रो अर्ष दिव्यः पीयूषः ॥ ९.१०९.०३  
 पवस्व सोम महान्समुद्रः पिता देवानां विश्वाभि धाम ॥ ९.१०९.०४  
 शुक्रः पवस्व देवेभ्यः सोम दिवे पृथिव्यै शं च प्रजायै ॥ ९.१०९.०५  
 दिवो धर्तासि शुक्रः पीयूषः सत्ये विधर्मन्वाजी पवस्व ॥ ९.१०९.०६  
 पवस्व सोम द्युम्नी सुधारो महामवीनामनु पूर्व्यः ॥ ९.१०९.०७  
 नृभिर्यमानो जज्ञानः पूतः क्षरद्विश्वानि मन्द्रः स्वर्वित् ॥ ९.१०९.०८  
 इन्दुः पुनानः प्रजामुराणः करद्विश्वानि द्रविणानि नः ॥ ९.१०९.०९  
 पवस्व सोम क्रत्वे दक्षायश्चो न निक्तो वाजी धनाय ॥ ९.१०९.१०  
 तं ते सोतारो रसे मदाय पुनन्ति सोमं महे द्युम्नाय ॥ ९.१०९.११  
 शिशुं जज्ञानं हरिं मृजन्ति पवित्रे सोमं देवेभ्य इन्दुम् ॥ ९.१०९.१२  
 इन्दुः पविष्ट चार्मुदायापामुपस्थे कविर्भगाय ॥ ९.१०९.१३  
 बिभर्ति चार्विन्द्रस्य नाम येन विश्वानि वृत्रा जघान ॥ ९.१०९.१४  
 पिबन्त्यस्य विश्वे देवासो गोभिः श्रीतस्य नृभिः सुतस्य ॥ ९.१०९.१५  
 प्र सुवानो अक्षाः सहस्रधारस्तिरः पवित्रं वि वारमव्यम् ॥ ९.१०९.१६  
 स वाज्यक्षाः सहस्ररता अद्रिमृजानो गोभिः श्रीणानः ॥ ९.१०९.१७  
 प्र सोम याहीन्द्रस्य कुक्षा नृभिर्यमानो अद्रिभिः सुतः ॥ ९.१०९.१८  
 असर्जि वाजी तिरः पवित्रमिन्द्राय सोमः सहस्रधारः ॥ ९.१०९.१९  
 अञ्जन्त्येनं मध्वो रसेनेन्द्राय वृष्ण इन्दु मदाय ॥ ९.१०९.२०

देवेभ्यस्त्वा वृथा पाजसेऽपो वसानं हरिं मृजन्ति ॥ ९.१०९.२१  
इन्द्रुरिन्द्राय तोशते नि तोशते श्रीणन्नुग्रो रिणन्नपः ॥ ९.१०९.२२

पर्यु षु प्र धन्व वाजसातये परि वृत्राणि सक्षणिः ।  
द्विषस्तरध्या ऋणया न ईयसे ॥ ९.११०.०१  
अनु हि त्वा सुतं सोम मदामसि महे समर्यराज्ये ।  
वाजां अभि पवमान प्र गाहसे ॥ ९.११०.०२  
अजीजनो हि पवमान सूर्यं विधारे शकमना पयः ।  
गोजीरया रंहमाणः पुरंध्या ॥ ९.११०.०३  
अजीजनो अमृत मर्त्येष्वं ऋतस्य धर्मन्नमृतस्य चारुणः ।  
सदासरो वाजमच्छा सनिष्यदत् ॥ ९.११०.०४  
अभ्यभि हि श्रवसा ततर्दिथोत्सं न कं चिज्जनपानमक्षितम् ।  
शर्याभिर्न भरमाणो गभस्त्योः ॥ ९.११०.०५  
आदी के चित्पश्यमानास आप्यं वसुरुचो दिव्या अभ्यनूषत ।  
वारं न देवः सविता व्यूर्णते ॥ ९.११०.०६  
त्वे सोम प्रथमा वृक्तर्बर्हिषो महे वाजाय श्रवसे धियं दधुः ।  
स त्वं नो वीर वीर्याय चोदय ॥ ९.११०.०७  
दिवः पीयूषं पूर्वं यदुक्थ्यं महो गाहाद्वि आ निरधुक्षत ।  
इन्द्रमभि जायमानं समस्वरन् ॥ ९.११०.०८  
अध यदमे पवमान रोदसी इमा च विश्वा भुवनाभि मज्मना ।  
यूथे न निष्ठा वृषभो वि तिष्ठसे ॥ ९.११०.०९  
सोमः पुनानो अव्यये वारे शिशुर्न क्रीळन्पवमानो अक्षाः ।  
सहस्रधारः शतवाज इन्दुः ॥ ९.११०.१०  
एष पुनानो मधुमां ऋतावेन्द्रायेन्दुः पवते स्वादुरुर्मिः ।  
वाजसनिर्वरिवोविद्वयोधाः ॥ ९.११०.११  
स पवस्व सहमानः पृतन्यूनसेधन्नक्षांस्यप दुर्गहाणि ।  
स्वायुधः सासह्वान्सोम शत्रून् ॥ ९.११०.१२

अया रुचा हरिण्या पुनानो विश्वा द्वेषांसि तरति स्वयुग्वभिः सूरु न स्वयुग्वभिः ।  
धारा सुतस्य रोचते पुनानो अरुषो हरिः ।  
विश्वा यद्रूपा परियात्यृक्वभिः सप्तास्येभिर्ऋक्वभिः ॥ ९.१११.०१  
त्वं त्यत्पणीनां विदो वसु सं मातृभिर्मर्जयसि स्व आ दम ऋतस्य धीतिभिर्दमे ।  
परावतो न साम तद्यत्रा रणन्ति धीतयः ।  
त्रिधातुभिररुषीभिर्वयो दधे रोचमानो वयो दधे ॥ ९.१११.०२  
पूर्वामनु प्रदिशं याति चेकित्सं रश्मिभिर्यतते दर्शतो रथो दैव्यो दर्शतो रथः ।  
अगमन्नूकथानि पौस्येन्द्रं जैत्राय हर्षयन् ।

वज्रश्च यद्भवथो अनपच्युता समत्स्वनपच्युता ॥ ९.१११.०३

नानानं वा उ नो धियो वि व्रतानि जनानाम् ।  
तक्षा रिष्टं स्तं भिषग्ब्रह्मा सुन्वन्तमिच्छतीन्द्रायिन्दो परि स्रव ॥ ९.११२.०१  
जरतीभिरोषधीभिः पर्णेभिः शकुनानाम् ।  
कामारो अश्मभिर्द्युभिर्हिरण्यवन्तमिच्छतीन्द्रायिन्दो परि स्रव ॥ ९.११२.०२  
कारुरहं ततो भिषगुपलप्रक्षिणी नना ।  
नानाधियो वसूयवोऽनु गा इव तस्थिमेन्द्रायिन्दो परि स्रव ॥ ९.११२.०३  
अश्वो वोळ्हा सुखं रथं हसनामुपमन्त्रिणः ।  
शेषो रोमण्वन्तौ भेदौ वारिन्मण्डूक इच्छतीन्द्रायिन्दो परि स्रव ॥ ९.११२.०४

शर्यणावति सोममिन्द्रः पिबतु वृत्रहा ।  
बलं दधान आत्मनि करिष्यन्वीर्यं महदिन्द्रायिन्दो परि स्रव ॥ ९.११३.०१  
आ पवस्व दिशां पत आर्जीकात्सोम मीढवः ।  
ऋतवाकेन सत्येन श्रद्धया तपसा सुत इन्द्रायिन्दो परि स्रव ॥ ९.११३.०२  
पर्जन्यवृद्धं महिषं तं सूर्यस्य दुहिताभरत् ।  
तं गन्धर्वाः प्रत्यगृभ्णन्तं सोमे रसमादधुरिन्द्रायिन्दो परि स्रव ॥ ९.११३.०३  
ऋतं वदन्नृतद्युम्न सत्यं वदन्सत्यकर्मन् ।  
श्रद्धां वदन्सोम राजन्धात्रा सोम परिष्कृत इन्द्रायिन्दो परि स्रव ॥ ९.११३.०४  
सत्यमुग्रस्य बृहतः सं स्रवन्ति संस्रवाः ।  
सं यन्ति रसिनो रसाः पुनानो ब्रह्मणा हर इन्द्रायिन्दो परि स्रव ॥ ९.११३.०५  
यत्र ब्रह्मा पवमान छन्दस्यां वाचं वदन् ।  
ग्राव्या सोमे महीयते सोमेनानन्दं जनयन्निन्द्रायिन्दो परि स्रव ॥ ९.११३.०६  
यत्र ज्योतिरजस्रं यस्मिँल्लोके स्वीहितम् ।  
तस्मिन्मां धेहि पवमानामृतं लोके अक्षित इन्द्रायिन्दो परि स्रव ॥ ९.११३.०७  
यत्र राजा वैवस्वतो यत्रावरोधनं दिवः ।  
यत्रामूर्यह्वतीरापस्तत्र माममृतं कृधीन्द्रायिन्दो परि स्रव ॥ ९.११३.०८  
यत्रानुकामं चरणं त्रिनाके त्रिदिवे दिवः ।  
लोका यत्र ज्योतिष्मन्तस्तत्र माममृतं कृधीन्द्रायिन्दो परि स्रव ॥ ९.११३.०९  
यत्र कामा निकामाश्च यत्र ब्रधस्य विष्टपम् ।  
स्वधा च यत्र तृप्तिश्च तत्र माममृतं कृधीन्द्रायिन्दो परि स्रव ॥ ९.११३.१०  
यत्रानन्दाश्च मोदाश्च मुदः प्रमुद आसते ।  
कामस्य यत्राप्ताः कामास्तत्र माममृतं कृधीन्द्रायिन्दो परि स्रव ॥ ९.११३.११

य इन्दोः पवमानस्यानु धामान्यक्रमीत् ।  
तमाहुः सुप्रजा इति यस्ते सोमाविधन्मन इन्द्रायिन्दो परि स्रव ॥ ९.११४.०१



ऋषे॑ मन्त्र॒कृतां॑ स्तोमैः॒ कश्यपो॑र्द्धय॒न्गिरः॑ ।  
सोमं॑ नमस्य॒ राजानं॑ यो जज्ञे॒ वीरुधां॑ पतिरिन्द्रायिन्द्रो॒ परि॑ स्रव ॥ ९.११४.०२  
सप्त॑ दिशो॒ नाना॑सूर्याः सप्त॒ होतार॑ ऋत्विजः॑ ।  
देवा॑ आदित्या॒ ये सप्त॑ तेभिः॒ सोमाभि॑ रक्ष॒ न इन्द्रायिन्द्रो॒ परि॑ स्रव ॥ ९.११४.०३  
यत्ते॑ राजञ्छ्रुतं॒ हविस्तेन॑ सोमाभि॒ रक्ष॑ नः ।  
अ॒रा॒ती॒वा मा॑ नस्तारी॒न्मो च॑ नः॒ किं च॒नाम॑दिन्द्रायिन्द्रो॒ परि॑ स्रव ॥ ९.११४.०४

Last updated July 2, 2013

Special mention : Initial processing and help by Avinash and Shashi Sathaye, Avinash Chopde, Shree Devi Kumar, Sunder Hattangadi, John Gardner. Reprocessed from Original in final form by Detlef Eichler with additional corrections. See Detlef's site <http://www.detlef108.de/Rigveda.htm> for other details and formats.

The text is shown with accents (Anudattas, dependent Svaritas, and independent Svaritas including Kampas). Words are connected (agnimIle). Ch is doubled as in gachChati according to the rules of Rigveda-Pratishakhya. At the end of a word m is replaced by Anusvara M if the initial letter of the following word is a labial stop consonant (p, ph, b, bh, m). Visarga H before sh, Sh or s followed by a voiceless consonant has been restored.

Source : The Aufrecht/van Nooten/Holland (Samhita) version of the Rigveda (<http://www.people.fas.harvard.edu/witzel/onlineRV.htm>). In this text accented vowels have Udatta or 'independent Svarita' markers. Kampas are not shown. Words are separated (agnim ILe). Ch is not doubled as in gaChati. At the end of a word we find m before a following labial stop consonant (p, ph, b, bh, m). Visarga H before sh, Sh or s followed by a voiceless consonant has been dropped according to a rule of Rigveda-Pratishakhya.

Send corrections to : [detlefeichler@googlemail.com](mailto:detlefeichler@googlemail.com), [sanskrit@cheerful.com](mailto:sanskrit@cheerful.com)

The text is to be used for personal studies and research only. Any use for commercial purpose is prohibited as a 'gentleman's' agreement.

---

Please send corrections to [sanskrit@cheerful.com](mailto:sanskrit@cheerful.com)  
Last updated July 7, 2013  
<http://sanskritdocuments.org>